

A &  
GALILAEA  
REBUS GALILAE  
ET  
MIRACULIS  
CLARIS

RECTORE MAGNIFICENTIA  
SERENISSIMO PRINCIPIS  
DOMINI  
VVILHELMO  
DVCE SAXONIAE  
IVLIAE CLIVIAE AC M  
ET VVESTPHALIAE

PRAESES  
DOMINI  
IO. FRANCISCUS  
THEOL. DOCTORE ET PRO  
SERENISSIMO DVCI SAXONIAE  
A CONSILIIS SACRIS CIVITATIS  
AC ALTENBURGENSIS  
DEMIAE IENENSIS  
PATRONO AC PRAECEPTORI

DIE III. DECEMBR.  
PLACIDO ERVDITO

SISTENTE  
IO. MATTHAEO  
VVALTERSCH.

A. M.

---

IENAE LITTERIS

A & Ω  
LAEAM  
VS GESTIS

ET  
LIS CHRISTI  
ARAM

MAGNIFICENTISSIMO  
PRINCIPE AC DOMINO

DOMINO  
MO HENRICO

SAXONIAE  
AC MONTIVM ANGARIAE  
PHALIAE RELIQUA

AESIDE  
OMINO  
ISCO BVDDEO

ET PROF. PVBL. ORDINARIO  
CI SAXO-HILDBVRGHVSANO  
RIS CIVIVMQVE GOTHANAE  
GENSIS DITIONIS IN ACA-  
NENSI INSPECTORE  
AECEPTORE SVO OPTIMO

EMBR. c1010 cc xlii.  
ERVDTORVM EXAMINI

SISTIT  
HAEVS IVNCKER  
ERSH. THVRING.

A. R.

---

LITTERIS HELLERIANIS,

**SERENISSIMO PRINCIPI  
AC DOMINO  
DOMINO  
FRIDERICO**

**PRINCIPI HEREDITARIO,  
SAXONIAE, IVLIAE, CLIVIAE ET  
MONTIVM, ANGARIAE QVOQVE  
AC VVESTPHALIAE, DVCI,  
LANDGRAVIO THVRINGIAE, MARCHIONI  
MISNIAE, PRINCIPI COMITI HENNEBER-  
GENSI, COMITI MARCAE ET  
RAVENSBERGAE,  
DYNASTAE RAVENSTEINII ET  
TONNAE,**

**PRINCIPI AC DOMINO MEO  
CLEMENTISSIMO.**

364

83

8

re

VT ET

SERENISSIMO PRINCIPI  
AC DOMINO

DOMINO  
VVILHELMO

SAXONIAE, IVLIAE, CLIVIAE ET  
MONTIVM, ANGARIAE QVOQVE  
AC VVESTPHALIAE, DVCI,

LANDGRAVIO THVRINGIAE, MARCHIONI  
MISNIAE, PRINCIPI COMITI HENNEBER-  
GENSI, COMITI MARCAE ET  
RAVENSBERGAE,

DYNASTAE RAVENSTEINII ET  
TONNAE,

PRINCIPI AC DOMINO MEO  
CLEMENTISSIMO.



SERENISSIMI DVCES,

PRINCIPES AC DOMINI

CLEMENTISSIMI!



**F**X quo VESTRAS SERENITATES in alias  
terrarum regiones visendi, earumque sta-  
tus cognoscendi studio, solenni celebritate,  
& optimis quibusuis comitatas, iter face-  
re coepisse, e sacris patriae rostris, primo  
fiebat indicium: inter tot fidos subiectos-  
que ciues, & mihi, maxima affectu gra-  
tulatione, multum, pro omni felicitate, & certi reditus laetitia, un-  
ctarum precum, religioso vindicavi certamine. Et non minus gra-  
tum; quam obnoxium atque debitum munus. Quid enim prae-  
stantius, quid religiosius, quid supremo convenientius arbitrio;  
quam principum suorum, quorum clementiam cunctorum & vota  
& facta sentiunt; sicut omnibus in eorum ditione positis ac loca-  
tis,

*tis, communis est coeli spiritus luxque dici, angusta venerari ora,*  
*iisque perennem salutem precari curate? VESTRAE SERE-*  
*NITATES instrumenta sunt boni seculi, Saxonumque nominis*  
*deliciae. A teneri quippe infantia, tanta iuuentute dignarum sci-*  
*entiarum magistris, viuendique praeceptoribus, genere, eruditio-*  
*ne, voluntate laudabilibus, datis, SERENISSIMORVM*  
*MAIORVM exempla in EARVM oculis constituta sunt, ut*  
*exinde HORVM virtutes assequi proxime, & quicquid ubi-*  
*que pium, felix, & generosum vel gignit natura, vel format*  
*industria, VESTRARVM SERENITATVM fore, appareat. Et*  
*quem celsissimis ingeniis cultum, factis nitorem, virtutibus nu-*  
*merum, de exquisitissimis, iisque splendidissimis vsibus & comita-*  
*tibus (qui quidem alias frontes hominum aperiunt; mentes te-*  
*gunt: multisque virtutem venantibus, non tamen munitis, cor-*  
*datis satis viarum magistris, eripiunt,) boni ciues putabunt acce-*  
*dere? Quicquid apud alios forte, apud alios cautum & sapiens,*  
*apud alios bellum & benignum, VESTRAE SERENITATES hau-*  
*rere, ac nihil tandem, quam ex omni principum virtutum ingenio*  
*collectas integritates, in se redundaturum, seque non minores ve-*  
*tustatis exemplis, visuros, quae acta mirantur, certo credunt.*  
*Hos inter VESTRARVM SERENITATVM SERENIS-*  
*SIMORVMQUE MAIORVM, cum patribus meis ducenti*  
*fere annorum deuotissimus ciuis, non vltimum tenere locum eni-*  
*tor. In obnoxii optimorum PRINCIPVM cultus, reique pu-*  
*blicae amoris tesseram, apud VESTRAS SERENITATES, sit*  
*tanto venia facinori! praesentem fessum, primum tamen ingenii*  
*partum, humillima mente ausus sum deponere. Quantum fieri*  
*potuit, expositas habet, maximi prophetae, pontificis, regisque*  
*IESV CHRISTI peregrinationes, quae mortalium salutis ergo*  
*suscepit, & itinera conscientium sensit iniurias, diuersorii repul-*  
*sam, omnesque asperitates. Sit ipse & VESTRARVM SERENITA-*  
*TVM perpetuus dux viarum, viuendique doctor; sic sacri erunt,*


*Et ab omni seculi huius, veritati inimicissimi, insidiis tuti. Sit ipse  
 in singulos dies VESTRIS SERENITATIBVS, earumque splendi-  
 dissimo comitatu, nubis columna, singulasque noctes columna i-  
 gnis. Iubeat ipse VESTRAS SERENITATES vigere perpetua fe-  
 licitate & valetudine, quarum indicio nihil aestimatur antiquius:  
 ut summo SERENISSIMORVM PARENTVM, quorum  
 incolumitas, vitaeque, ultrametās Moysis integritas, omnium sem-  
 per votorum summa est, gaudio, maximoque patriae solatio, VE-  
 STRIS SERENITATIBVS felices secundet reditus. Quod sicne  
 praestabunt vestra merita; ita & excubias ducent vota*

## **CELSISSIMARVM SERENI- TATVM VESTRARVM**

*Ienae,*  
 Kal. Decembr.  
 1610. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31.


*subiectissimi & obsequentissimi*

**IOANNIS MATTHAEI IVNCKER.**



## PROOEMIUM.

*Iuliani sarcasmus, quo christianos ludit. Iam ante Iuliani aetatem Christus & discipuli eius Galilaei vocati sunt. Causa, Pharisaeorum tumor, & contemptus Galilaeae. Galilaea autem rebus gestis & miraculis Christi clara est.*



*Icisti Galilaeae !* Hac sua dicacitate, & ad veterum doctorum effata, blasphemia, vehementi & mortifero vulnere fauciat, sanguinem suum, sua ipsius vola in aerem profundens, se victum fassus est petulans ille Christi, eiusque sectatorum fannio, IULIANVS. Infensissimus nominis christiani hostis erat, & derisor, iisdem qui palam id ipsum profitebantur, ad excindendam penitus istius nominis memoriam, bella inferebat ; & omnibus bonis minabatur cruces, tormenta, mortem, non spectata vexandorum sceleris puritate, vitaeque integritate, qua ita fulgebant, vt ipse pestilenti inuidia actus, & arrogans mimus, aliqua ex parte exemplum eorum sequi studens, vix speciem & vmbra potuisset assequi (a). Adeo miser homo

A

glo.

(a) Iulianus reficiendae gentili superstitioni nihil conducibilius duxit, quam christianorum vitae regulas retinere. Nam in epistola quadam ad Arsadium pontificem Galatiae voluit, vt sacerdotes gentilium, imitentur vitam sacerdotum christianorum, quia peregrini cu-



gloriosissimo seruatori nostro, eiusque amatoribus bellum indixisse, (b) seque victurum, ac regnum Christi destructurum sibi persuasit. Deerat autem suae petulantiae, & christianorum conuicio nominis contumelia, quam christianis eorumque rectori ac defensori Christo nomine *Galilaeo* publica lege intulit. Et non est, quo GREGORIUS NAZIANZENSIS (c) Iulianum hoc nomen honorificum duxisse, posset demonstrare. Tolerabilis quidem, haec nominis mutatio, iniuria, Ea nempe conuiciorum mundi in sanctos Dei homines eructatorum est conditio, ut quaedam eorum virtutes penitus exprimant, & non indigne celebrent (d): ex aliis nullam contrahant labem iusti & doctrinae coelestis tenaces viri, nec solida mente quatiantur (e).

Equidem aliquando sectatores Christi absque ignominia nominis dicti sunt *Galilaei*. Tiberianus enim ἡγεμὼν τῶν πρώτων Παλαισινῶν ἔθνης, in litteris ad Traianum se defatigatum esse puniendo, & neci tradendo Galilaeos, qui sub nomine christianorum veniant, conqueritur. Ἀπέκαμον, inquit, τιμωρόμεν, καὶ φονέων τὰς Γαλιλαίους, τὰς τῷ δόγματι τῶν λεγομένων Χριστιανῶν (f). Et angeli disci-

---

rarent, & admirarentur superstitionem christianorum. Xenodochia extrui iussit, & magna stipendia constituit ad hospitalitatem. Turpenamque putabat esse, ut Iudaeos quidem non abiiciant, sed potius nutrant impii Galilaei, & suos pariter, nec non etiam nostros: sui vero suorum solatio deferantur. Ne autem videretur hoc habere a christianis, iussit doceri, haec opera olim fuisse suorum. conf. SOZOMENI histor. eccles. lib. V. cap. 16.

(b) Arguunt hoc nefandae, & plerunque ridendae aduersus Christum molitiones; templi Ierosolymitani tentata restitutio, & alia plura; ita vltimi eius contra christianos praelii finis & epiphonema, vicisti! (c) inuectiu. in Iul. (d) Aestima

illam pharisaicam contumeliam, qua suauissimus seruator peccatorum & publicanorum audiebat amicus; poteritne misericors ille, & non aemulans I. Cor. XIII. 4. Christi amor dignius conferri?

(e) Metire hanc Galilaei vocem, non quidem quorundam factiosorum hominum, & Iudae Galilaei, sed qua patriae Christi & apostolorum, recordatione: & alia quibus cultores Christi veniunt cognomen. (f) Suidas voc.

discipulos abeuntem Christum oculis prosequentes compellabant Act. I. 11. Ἄνδρες Γαλιλαῖοι. Quid ? quod Christus ipse nomen Galilaei non adeo a se remouisse videtur, cum seipsum Nazarenum, a patria sua Nazareth, Paulo in via Damascena apparens, vocauit : Act. XXII. 8. & a discipulis suis passim Act. II. 22. III. 6. IV. 10. vocari non dedignatur ; quin potius in scriptis euangelistarum : Ἰησοῦς ὁ Γαλιλαῖος, Ἰησοῦς ὁ Ναζαρενός frequenter insignitus est. Id quod Matthaeus, vt implerentur prophetarum dicta factum fuisse, innuit c. II. 23.

Inflatis vero animis Phariseorum, & Iudaeorum Ierosolymitanorum, quos Iulianum coeterosque gentiles, Galilaei nominis probrum edocuisse dixeris, implacabile odium non in Galilaeam gentem modo, sed & in ipsam terram Galilaeae adeo inustum erat, vt eam sterilis & infelicis agri instar, nemini profuturas fruges, sed dumeta, & spinas, segetumque pestes ferre putarent. *An tu quoque e Galilaea es*, inquit ad Nicodemum, *perscrutare, & videbis, nullum ex Galilaea extitisse vatem*, Io. VII. 52. Etiam si vero nemo facile ibit inficias plerosque Galilaeos fuisse, vt vita, sic oratione duros, incultos, horridos (g), sic etiam non videt nemo, phariseorum asperi animi & contumeliosi elationem tantam fuisse, vt solum suae seruirent arrogantiae, aliosque, inprimis plebem doctrinarum suarum non ita gnarum, penes se ne transuersum humerum spectarent (b). Eundem tamen cum iis sequebatur Dei cultum, & religionem, ac sane maiore simplicitate & candore, sacris utebatur Mosis & prophetarum scriptis, quam pharisei. Et quod scelus conceperat Galilaea, quod ex illa propheta nasci non poterat ? vel impendebat forsitan asperior & durior linguarum habitus, & exercitatio, quo minus nemo eius alumnus domui Dei potuisset inseruire ? vel non omnis terra pulvis propheticus est ? aut erat potentiae diuinae quid detractum, & manus eius mutilata, certisque circumscripta legibus,

A 2

bus,

Traian. & Vsserius, post epistolas Ignatii. add. omnino diss. Dn. praefidis de origine dignitate & usu nominis christiani §. XVII. & Rel. in Pal. p. 152. circa fin. (g) vid. c. I. §. XIV. (b) c. II. in not. ad §. V.

bus, vt ex alia terra, reges, principes, prophetas, aliosque excellentes viros, ex alia truncos, bardos, & hebetes oporteat componere? Nihil horum video. Et quamuis suo tempore & ipse verus ille Israelita Nathanael, quod in tritum abiisse videtur pro- uerbum, dixerit: Ἐκ Ναζαρετ δύναται τι ἀγαθὸν εἶναι; Io. I, 47. attamen, Lightfooti verba sunt (i): *non iam paruitatem & conditionem terrae ac oppidi respexit, - quam prauitatem oppidanorum*; de qua perspicuum testimonium perhibet Lucas c. IV. 29. Profecto omnibus positis, omīssa tanta prophetarum & apostolorum Christi e Galilaea oriundorum cohorte, vtraque tamen Galilaea rebus gestis & miraculis Christi ita enituit, vt ex mente Iesaiæ c. IX. 1. praeclare Matthaeus: c. IV. 15. 16. Ἡ Ζαβουλὼν καὶ γῆ Νεφθαλειμ ὁδὸν θαλάσσης, πέραν τῆ Ἰορδάνης, Γαλιλαία τῶν ἐθνῶν, ὁ λαὸς ὁ καθήμενός ἐν σκότει· εἶδε Φῶς μέγα. Cum itaque in tanta rerum copia, in quid, speciminis academici causa, pro facultate exigua inquirerem, anceps diu haesi, conducere nec ne? in curiosas quaestiones & controuersias, parum acutas ingenii mei doctes insinuare: satius duxi Galilaeam alias obscuram habitam euoluere, & rebus gestis & miraculis Christi e tenebris in lucem euocatam sistere. Arrideat dulcissimi seruatoris nostri vultus suauissimus coeptis, & omnia ad nominis sui gloriam & amoris ineffabilis elationem dirigat: Faxit!

## CAPVT I.

D E

### GALILAEA REGIONISQUE NATVRA ET INCOLARVM INGENIO.

#### CONSPECTVS.

Capitis huius & instituti ratio, §. I. Galilaeae etymon, §. II. *Varia eiusdem nomina*, §. III. *Descriptio Galilaeae aliqualis in genere*, §. IV. *Diuisio in superiorem & inferiorem*, §. V. *Descriptio inferioris*, §. VI. *superioris*, §. VII. *Enarratio breuis celebriorum oppidorum*

(i) hor. talm. in Luc. p. 769.

dorum & urbium Galilaeae, praesertim quae genuere prophetas, §. IIX. Maris Tiberiadis, fluuiorum & aquarum, §. IX. Montium Galilaeae, itemque & camporum, ac vallium commemoratio; ubi de transfiguratione Christi, §. X. Animorum culturae, religionis, ac scholarum, §. XI. Praecipuorum generum vitae Galilaeorum, §. XII. Eorundem ingeniorum, morumque durorum ac bellicosorum, §. XIII. Contemptus Galilaeorum & caussae eius, §. XIV.

I.



Um de Galilaea, rebus gestis & miraculis Christi clara differere institui, primum aliquid de ipsa Galilaea, eiusque nomine, situ, & incolarum ingenio, praesertim de locis, quae seruatoris optimi praesentia, & facta, splendide ornarunt, monendum erit. Mens vero mihi non est, Galilaeam geographice depingere, nec patitur instituti ratio; celebriora saltem in scriptura S. in primis N. T. loca, ad spargendum aliquid lucis sequentibus capitibus de rebus gestis Christi in Galilaea, huiusque claritate, libet attingere.

II, Videtur vox Galilaeae natales suos debere verbo גליל *voluit*. Ideo ab Hieronymo (k), *volutabilis* redditur; vel גלילה *transmigravit*, vnde ab eodem inibi *transmigratio*. Huic etiam sententiae manum porrigit Augustinus (l): *Galilaea, inquit, interpretatur vel transmigratio, vel reuelatio, a posteriore nimirum illa radice, quae inter alia etiam vertitur voluendo reuelatus est*. Alii aliquam deriuationis huius ponunt rationem. Galilaeam videlicet ideo sic dici, quod maris littori adiaceat, propter sinuosos littorum recessus, vel quia fluctus illic ventis aut aestu reciprocentur, volutatimque ludant, vel denique propter congestos illic arenarum tumulos (m). Propius autem hoc vocabulum גלילה a גליל *limite* limitaneam siue finitimam, & ab aliis, Phoenice ac Syria, quibusdam quasi cingulis circumseptam, regionem designat. Prima enim a stirpe גליל *voluit* גליל *limes* tanquam diuersorum terminorum conuolutio est, ac concursus (n).

A 3

III. Prae-

(k) de nominibus ebraicis f. 146.  
euang. l. 3. p. 522.  
IV. 15. p. 224. seq.

(l) tom. IV. de consensu  
(m) Gerh. in comment. ad Matth  
(n) conf. Schindler. sub hac voce.

III. Praeter proprium nomen aliis etiam insignita titulis est Galilaeae regio. Dicitur enim Gilgal, & idem esse videtur ac גלגל Jos. XII. 23. Vbi scriptor huius libri mentionem facit regis גלגל Jos. XII. 23. gentium de Gilgal; quod LXX. interpretati sunt per Galilaeam. Denotat quidem vox Gilgal rotam & deuolutionem, & ab eodem cum גלגל fonte גלגל proficiscitur. Sed post Israelitarum per Iordanem transitum, vocata sunt eorum castra, non in Galilaea, sed prope Bethabaram ad portum Iordanis metata, ab iterata praeputii amputatione & deuoluto Aegypti probro, Gilgal, Jos. V. 9. Nihilominus licet vltimum in soluendis nodis, hoc pacto, sit praesidium, diuersa vnius nominis loca asserere; non tamen adeo est absonum, quin potius in scriptura S. multa exempla sint obuia, ac celeberrimus Buxtorffius ipse testetur (o), Geliloth, hoc est Galilaeam, alias dici Gilgal Jos. XV. 7. Diuersa ergo Gilgal Jos. XII. 23. XV. 7. XIX. 17. est ab ea, quae ita, non a castris Iosuae, e quibus omnes gentes circumcirca per circulum quasi debellauerit, sed a deuoluto probro Aegypti per circumcisionem, appellabatur. Diuersa non minus ab ea, quae ad orientem Ierichuntis. Jos. IV. 10. I. Sam. VII. 16. Nominatur etiam Galilaea tribus Naphtalim & Sebulon Jes. VIII. 23. Matth. IV. 15. quia in eandem hae potissimum tribus forte sunt profectae. Superant & alia cognomenta, quae Galilaeam innuunt. Quemadmodum enim tota terra Israelitica, Iudaea appellata est, quia Iudae tribus regio & primo censebatur loco, secundum Iacobi praedictionem Gen. XLIX. 8. Iuda, te confitebuntur fratres tui: ita haec ipsa compellatio & ad Galilaeam pertinet. Et hoc est quod Cyrillus (p) sentit: *Nain vnam ex urbibus Iudae fuisse*. Stephanus etiam ἐν ἐθνεσίς, Tiberiaden πόλιν τῆς Ἰσραήλ vocat. Quod tamen citra veritatem dictum foret, quia vrbes Galilaeae erant; nisi per Iudaeam tota terra Israelitica intelligatur, sed Samariae & Galilaeae opponatur. Hac ratione Palaestina, Canaan, & aliis nominibus ceu tertia pars ista-

& Buxtorff. in lexico.

(o) l. c. Hoc ipsum vltius exsequitur Lightfootus chorogr. Matth. praemissa p. 153.

(p)

lib. X. contra Iulianum.

istarum regionum possit compellari. Praecipuum vero inter alia Galilaeae cognomenta istud est, quo *gentium Galilaea* audit. Ies. IX. 1. Matth. IV. 15. Non solum enim ciuitates eius erant gentium limites, sed & exceptis Tiberiade, Nazareth, & Capernaum, (q) gentibus maxime habitatae, quas Israelitae non deleuerant, quaeque vectigalia pensitabant. In hanc quoque regionem multi inquinatae loquentes ex diuersis locis confluerant; Aegyptii, Phoenicii, Arabes, & alii quorum multos Galilaeam incoluisse vulgo creditur. Sed etiam ad consolationem valet denominatio gentium Galilaeae. Quamuis enim seruator cum adhuc Galilaeam pedibus calcaret, dixerit: *Se* (respectu officii prophetici, non autem mediatorii) *non nisi ad perditas oves e domo Israel missum esse*; ideoque Paulus eum *πρωτοπρεσβυτερος* s. *ministrum circumcisorum* vocat Rom. XV. 8. nihilo fecius tamen eo ipso, quod in medium quasi venit & habitauit gentes inter & Iudaeos, Galilaeam nempe, quae ipsa gentibus fuit referta, hasque a Iudaeis distinxit, voluit innuere, se & gentes ad se vocari instituturum, & interiectum parietem sublatum esse. Cui vero Galilaeae nomen superiori, an inferiori? hoc nomen גלילא *Galilaea* exquisitius conueniat, in medio relinquo, vt tamen *πρωτοπρεσβυτερος* notem: *ad boream summi apicis oliuiferi collem esse, qui & ipse pars eius censeatur, quique Galilaea dicatur; & hic locus intelligendus credatur, quum post resurrectionem Christus dicitur discipulis suis praeiturus in Galilaeam* (r). De quo infra (s).

IV. Iure merito Palaestina decus terrarum vocari potest; sed non immerito magna eius portio Galilaea. Pulcherrima enim regio est, montem inter Libanum & Samariam sita; ad septentrionem Tyro Tyrionumque regionibus circumscribitur: ad meri-

(q) Epiph. lib. I. adu. haereses p. 128.

(r) Rel. Pal. lib. I. c. LII, Martin. Zeiller. Ep. P. I. ep. LXIII. p. m. 176. & Rudolphus pastor ecclesiae parochialis Suchensis in VVestphalia, in itinerario Balduino de Steinfort, episcopo Paderbornensi, inscripto. add. diss. sub praesidio D. Sam. Andreae de vestigiis pedum Christi in monte oliueti, habita.

(s) c. II. §. XXI,

meridiem Samaria, Scythopolis & Iordan suis terminis eam ab-  
soluunt: ad occasum Ptolemaide & monte Carmelo Phoeniciae  
quasi contermina est: ad orientem vero num vsque ad Iorda-  
nem modo vergat, an vltra Iordanem late se pandat, & Gaula-  
nitidem, Hippenem & Gadarim complectatur, multum est inter  
eruditos decertationis (u). Omnes autem Galilaeae terminos  
ipsam

(u) Equidem omnes fere nostratium in ea fuerunt opinione, Ga-  
lilaeam ad orientem vltra Iordanem se porrigere. Hanc senten-  
tiam haud parum rueri videntur verba Matthaei IV. 15. *trans*  
*Iordanem*; egregie etiam in rem meam ea fore fateor. RELANDVS  
autem lib. I. Pal. cap. XXXI. p. 134. & 488. hanc sententiam non  
posse admitti, eamque probaturos difficilis probationis opus tracta-  
re putat. Neutiquam vero ipse omnem mouit lapidem mouendum.  
Iosephi enim testimonium ad quod prouocat, cedat scripturae S.  
oportet. Nec inde sequitur, nullas plane vrbes mari Tiberiadis, & ali-  
is regionibus trans Iordanem fuisse interpositas. Et Gerasenorum re-  
gio Luc. IIX. 26. ex aduerso Galilaeae posita manet, nempe eam Ga-  
lilaeae partem, quae est trans Iordanem. Ad Bethzaidam quod atti-  
net, eam non Iosephus solum, sed & ipsi scriptores sacri trans Iorda-  
nem videntur collocare. Locus enim Io. XII. 21. quem lib. III p. 487.  
citatur, omnino nihil probat: Marc. VI. autem v. 45. si accuratius  
consideratur, constabit, Iesum discipulos suos iussisse, ad littus  
maris orientale, prope Bethsaidam, accedere, nauemque in cur-  
sum ad Capernaum conuertere. Tandem Marc. IIX. 22. ma-  
xime pro parte Relandi stare videtur. Sed dici posset, Marcum  
hoc loco nouam ordiri historiam, vel illam intelligere Bethsai-  
dam, quae ad Caesaream Philippi duceret, quamque Relandus  
Iuliam Gauloniticam dicit, cum statim Marcus l. c. v. 27. subne-  
dit: profectum esse Iesum in vicos Caesareae Philippi. Quo-  
modo ergo Io. XII. 21. Bethsaidam Galilaeae dicere potuisset;  
nisi aliquas vrbes trans Iordanem Galilaicas dici posse conce-  
dis? Desertum etiam Bethsaidae trans Iordanem erat. Quod  
Iosephus Ant. XVIII. 3. habet; nec contra nos nec pro Relando  
est, quia dicit Bethsaidam sitam esse ad lacus Gennesariticum,

ipsam regionem rotundo ambitu, & quasi circulo circumuallare, est quod placet Hillero (x), & testari posset de nomine. Fertilissima erat regio, olei & vini abundantia gaudens. Nec quid obftet apparet, quo minus verba Assyriorum regis 2. Reg. XIII. 32. ubi terram Israelitarum regionem vinearum, olearum, tritici, & frumenti dicit, etiam ad Galilaeam spectare vendicem. Erat enim & ipsa terra promissionis, eiusque portio. Ideoque

B

fi

sed quodnam latus? orientale aut occidentale? Nec contra nos quod p. 134. dicit: Iudaeos Galilaeam a regione trans Iordanem distinxisse. Nostrates enim non omnem regionem trans Iordanem, sed aliquam partem, Galilaeae vindicant. Quomodo tandem Chorazin Galilaeae ciuitatem potest vocare, quam omnes, & ii, qui delineationes Palaestinae ad mentem ipsius Relandi composuerunt, ad littus maris orientale e regione Capernaum collocant. Autores quos ille ad situm Chorazin demonstrandum citat, eam quidem in littore maris Genesareth sitam fuisse dicunt, sed in quonam tacent. Sic salua aliquatenus esset doctorum nostrorum sententia. Nec omnino negligenda sunt, quae tanto tamque diuturno eruditorum nituntur consensu. Neutram tamen sententiam certo asseruisse videri volo. Vna, enim, haec quaestio, Cellario iudice, ex difficillimis, quae in sacra geographia moueri possunt. Haud tamen nequeo, quin hac occasione notem, esse nonnullos, qui limites Galilaeae meridiem versus latius extendunt ac par est, quando magnam Samariae partem, *Dothaim* videlicet Samariae vicum, vinetis celebrem, in via qua fratres Iosephi mercatoribus Ismaelitis, ex Gileaditide Aegyptum petentibus, eundem vendiderunt, Genes. XXXVII. 17, 18. Galilaeae tribuunt. STEPHANVS vero ΕΥΕΘΥΜΩΣ vel Hermolaus, aut alius qui STEPHANI epitomen edidit obseruante RELANDO, saepius alius regionis vrbes & oppida in Galilaeam transfert. Sic *Bala* ciuitatem tribus SIMEON Ios. XIX. 3. & *Zebete* ex IOSEPHO, *Gaba*, urbem tribus BENIAMIN Ios. XIX. 24. Ezer. II. 26. *Pirathon* Iud. XII. 15. siue *Pharathos*, urbem Ephraimitarum, & alia, Galilaeae tribuit, quae nunquam in ea sita fuerunt. (x) in lexico onomastico, sub voce Galilaea.



si Salomo quotannis Hiram 20000. coros tritici misisse i. Reg. V. 11. & hunc ad Salomonem litteras dedisse : ὅπως παρὰσχῆς ἡμῖν ἀντὶ τῶν σίτων, ἃ διὰ τὸ νῆσον οἰκεῖν δεόμεθα, Φρόνισον, cures eorum loco frumentum ad nos deferri, quo indigemus, quod insulam incolamus (γ), legitur : non eris in Iudaeam & Samariam iniurius, si frumentum fortassis de prouentu Galilaeae Hiram viciniore, ad mandatum Salomonis datum esse diceres. Multum praeterea mel prouenit ex siluis & arboribus, quod apum opere efficitur. Palmae ibi quam frequentissimae erant, pecudum, ac piscium inopia nulla. Post sacrorum scriptorum, aliorum quoque iudicia & testimonia possunt proferri. IOSEPHVS (z) Galilaeam totam pinguem & pascuam esse narrat, omniumque generum arboribus consistam, sic ut vel minime studiosos agriculturae, ubertate sua prouocet. Talmudici etiam, verba sunt RELANDI (a) prae reliquis terrae Israeliticae regionibus Galilaeae fertilitatem celebrant, scribes in Gem. Megilla 6. 1. terram lacte & melle fluentem illam esse potissimum quae XVI. milliari- bus ab vrbe Zippori in medio Galilaeae sita, quaquauersum protenditur. Et alibi (b) : Gushchalab locus est in Galilaea celebratus ab oleo. Inter alias tandem huius terrae partes Iosephus plurimum effert regionem Gennesar, & θαυμασὴν esse dicit φύσιν καὶ κάλλος natura & pulcritudine admirabilem (c). Sed eiectionis legitimis possessoribus eius Iudaeis, vel ipsa tellus iram Dei sentit & gerit. Luget & languescit terra, pudet Libanum, & exarescit, Saron est sicut solitudo, & ex-

- 
- (γ) Ioseph. antiq. VIII. 2. (z) d. B. I. lib. III. c. 2. (a) Palaeft. lib. I. c. LVH. p. m. 284. (b) lib. III. p. m. 604. conf. simul l. III. p. 738. ubi ex Echarabbati fol. 75. 2. docet : vineam habuisse Hadrianum longam & latam 18. miliaria, quantum scit. interuallum est inter Sepphorin & Tiberiada ; valde est probabile eam, nisi Iudaeorum sit commentum, in Galilaea sitam fuisse, cum fuerint vrbes Galilaeae. (c) lib. III. de Bello Iud. c. 35. παραλείπει τὴν γεννησάη ὁμῶνυμος χώρα, θαυμασὴ φύσιν τὴ καὶ κάλλος, ἔτε γὰρ αὐτὴν τὴ φύσιν ἀρεταί διὰ τὴν ποιότητά, καὶ πᾶσαν πεφυτεύκασιν οἱ νεό-μενοι.

*excudit Basan & Carmel.* Vbi Graeci : *Γαλιλαία καὶ ὁ χέρμελ*, Ies. XXXIII. 9. conf. Amos IX. 5.

V. Geminam autem cum Iosepho Egesippus, & alii, faciunt Galilaeam; inferiorem, & superiorem. Superiorem, quia fontibus & capiti Iordanis, esset propior; inferiorem, quia longius ab iisdem recederet. Illa potissimum pertinet ad tribum Naphthali, haec ad tribum Sebulon. Acceperunt enim aliquam Galilaeae partem tribus Issachar, Affer, & Manasse. Iudaei vero vti totam Palaestinam; ita & Galilaeam, ratione montium, camporum, & vallium, in tres diuiserunt partes.

VI. Inferior Galilaea terra pinguis est, & herbosa, agri vberē & arbussti, praesertim ad Scythopolin, palmarum honore ita nitens, vt etiam infrequentes raris cultores benignitate sua, & copia alliciat, vt culturas exerceant, & agri salubritate fruuntur. Ea enim est conditio terrae Palaestinae, vt non profunde debeat proscindi. Ideoque asini aratro sunt admoti; Ies. XXX. 24. Deuteron. XXII. 10. Et Iosephus, in Galilaeae descriptione, quod ad agriculturam attinet, maxime ad inferiorem spectasse videtur (e). Perrarum est, si segetis opimitas non respondet, aut vindemiae vbertas non arridet. Mal. III. 10. Vrbes & oppida vndique arcta sunt ciuibus, adeo propter opulentiam conferta est virorum multitudine. Quam tamen Iosephus & Egesippus nimis ampliant. Ille minimum supra quindecim, hic viginti millia colonorum habere putant. Inferiori Galilaeae, vt & tribui Issachar, a Salomone rege sapientissimo, praefectus est Iosaphatus filius Paruah (f).

VII. Superior Galilaea, inferiore latior, & multa eius portio frondibus & virgulis interclusa, pars nulla tamen ociosa est: vt rursus loquitur Iosephus : *προσηκῆθη γὰρ ὑπὸ τῶν οἰκητόρων πᾶσα, καὶ μέρῳ αὐτῆς εἶδεν ἀργόν.* Reliqua pars tractabilis & frugifera

B 2

(e) lib. III. d. B. l. c. 2.  
tiq. IIX. 2.

(f) 1. Reg. IV. 17. Iosephus an-

gifera est, ducendis vitibus, & arboribus inferendis apta. Proceritas arborum, & directi earum ordines ab agris & frigoris vim pellunt, & caloris molestias sedant; maxime exornatus ager est oleis, vitibus, ac palmis. Egregia etiam oculorum ex-faturatio & pastus fertur, quando ventorum stridor patulis dif-fusas ramis palmas circumfundit, & odorum suauitates intimas, quas sudant, ex istis afflat. Ea in partitione Salomonea ad-ministranda contigit Ahimaaz genero Salomonis 1. Reg. IV. 15. non vero Achinadabo quod dicit Iosephus (g). Caeterum quae de vtriusque Galilaeae conditione addi possent; ex sequentibus erunt perspicua.

II. X. Inter memorandas Galilaeae vrbes, & oppida in scriptura S. celebrata, primum locum dabo Christi patrio oppido ingra-to NAZARETH, quod coronae instar verticem montis ambiisse fertur, Luc. IV. 29. (b). In eo seruator conceptus, Luc. I. 26. seqq. & educatus est, Luc. IV. 16. & ab eo Nazareni nomen accepit, Marc. I. 24. In eo non poterat (hoc est nolebat Gen. XXXVII. 4.) miracula facere, ob summam incolarum impietatem & indi-gnitatem. Marc. VI. 8. Matth. XIII. 58. Haec sunt quae N. T. de eo docet. Quae autem Pontificii, Brocardus, & alii, de variis templis Gabrielis, & Iosephi, eorumque de Christi natiuitate, se-pultura, ac resurrectione, monumentis, ac altaribus lapideis, non magis de loco vbi Nazarethani Christum praecipitare aude-bant, & vestigiis corporisque lineamentis Christi omnibus ibidem lapidi impressis tradunt; vel ipsa mentione sunt indigna. Si denique domum Mariae in agrum Laureta-num transtulerunt angeli, quaerentes eam in Nazareth & sum-tus perdunt, & operam (i). Primum miraculum edidit Iesus Nazareus in CANA Galilaeae Io. II. 1. seq. In ea cum serua-tor secunda vice versabatur, vt iuuenem aegrotantem re-stitueret, summis inuitatur ad CAPERNAVM. Io. IV. 46. 47. Erat haec vrbs Galilaeae Luc. IV. 31. Matth. IV. 13. Io. VI. 17. co-piosa & tabernis frequens. Et quia Christus in synagoga Io. VI.

(g) antiqu. II. X. 2.

(b) Heidmannus in Palaeft. c. IX. §. 37.

(i) Lightfoot disquis. chorogr. Ioanni praemiss. p. 917.

59. saepe instituebat populum, ibique habitauit, Marc. II. 1. ἰδιὰ πόλιν vocata est; Matth. IX. 1. cuius enim ΕΙΥΣ erat, Matth. XVII. 24. In ea quasi miraculorum suorum theatrum posuit; quoniam vero fusque deque habita sunt, secundum comminationem Christi, ad inferos depressa est. Pari modo facta Christi a Chorazin & Bethsaida repudiata sunt: adeoque & iisdem VAE dixit, Matth. XI. 21. seq. Male autem diuiditur Chorazin per χω-  
ρα Ζιν siue regio Zin, quod quidam voluerunt: Christus enim non χώρας, sed πόλεις increpuit, Matth. XI. 20. quas inter Chorazin esse dicitur (k). Chorazin excipit Bethsaida illa marinae venationis domus, vnde venatores & piscatores Ier. XVI. 16. venerunt. Hanc illam esse ferunt, quam Philippus Trachonitidos tetrarcha, Herodis Antipae frater, multis nouisque aedificiis, & preciofo auctam ornatu, mutato nomine, τῇ ἰσθμῷ θυγατρὶ τῆς καίσαρος ἐμὴν νύμφον fecisse, & Iuliaden nominasse, vulgo dicitur (l). Principes Galilaeae ciuitates erant Tiberias, Sepphoris, & Gabara. Tiberias celebrata in N. T. vrbs, in optimo Galilaeae agro sita,

B 3

ab

- (k) Scherz, diss. super dictum Matth. XI. 20. Prückner in vind. p. 709. (l) Iosephus antiquit. XII. 3. Lightfoot chorogr. c. XCIV. 165. Sitae fuerint hae ciuitates vel cis vel trans Iordanem, scire nostra nihil refert; satis est, eas ad Galilaeam pertinere, omnibus notum esse. Vid. quae dicta sunt ad §. IV. Quaresmio vero t. II. eluc. terrae sanctae lib. VII. c. 7. & Cellario geogr. antiq. p. 387. non satis probata est sententia de mutato Bethsai-  
dae nomine. Hanc vero difficultatem suo examine sibi videntur sustulisse Relandus p. 487. Notandum tamen est, Iosephi testimonia interdum vacillare, & illi de terminis Galilaeae non trans Iordanem ponendis, Gorionidis posse obiici assertum. Testatur enim lib. VI. c. XIV. p. 588. ex edit. B. BREIT-  
HAUPTI: Vespasianum ad urbem Gadaram profectum esse; erat autem vrbs ista ampla in Galilaea superiori; & lib. VI. c. XXIX. p. 648. eandem trans Iordanem ponit. conf. etiam c. XXIV. p. 630. & XXV. p. 632. Vnde colligiliceret, urbem Gama-  
lam, quae trans Iordanem sita erat, etiam ad Galilaeam perti-  
nuisse. Sed, sic iubente instituto, transeant haec.

ab Herode Antipa condita, deque nomine Caesaris Tiberii dicta est. Agrippas vero eidem in honorem Claudii, Claudiae dedit cognomentum. Hinc in nummis Traiani utrumque conspicitur: ΚΑΑΤΔΙΟΤΙΒΕΡΙΕΩΝ & ΤΙΒΕΡΙΕΩΝΕΠΙΚΑΤΔΙΟΤ; aliis Tiberiadis nummis templum est incisum, quod in honorem ADRIANI, siue, quod quibusdam placet, Christi, ibidem aedificatum, & ἀδριανέϊον nominatum fuit (m). Quod antea Kinnereth vocata fuerit, non satis valide potest adstrui. Cinnereth enim, Chammath & Raccath in tribu Naphtalim Ios. XIX. 35. Tiberias vero in confiniis Zabulonis & Naphtalim sita erat. Error fortassis ab adiacente lacu Tiberiadis, Kinnereth dicto, ortus, vel quia Chammath, Ios. XIX. 35. ab aquis calidis, quae etiam Tiberiaden celebrant, ita dicta est (n). De reliquis vero Galilaeae praecipuis ciuitatibus multa habet Iosephus obseruatu haud indigna (o); ea vero non moror, ut ad phariseorum magna & impudentia mendacia pungenda, aliorum Galilaeae oppidorum, quae prophetas aluerunt, faciam mentionem quam adstrictissimam. Impotentiores enim nunquam se praebuere quam cum erumperent: *Perscrutare & videbis ex Galilaea nullum extitisse vatem.* Recognoscant ergo nobiscum. Piget, quidem, prolixum esse in iis persequendis, quae pseudo-EPIPHANIVS de angelici prophetae Malachiae (p) aliorumque patria habet, THISBE autem Galilaeae ciuitas, in

---

(m) Norisius, c. VI. & vlt. in anno & epochis Syro Maced. in vetustis Syriae nummis praesertim Mediceis expositis add. cel. Tenzel. col. loqu. mensr. anni 1691. mens. febr. p. 88. Rel. lib. III. sub. Tiberias. (n) Rel. p. 765. (o) lib. antiq. XVII. 12. XIII. 21. XIX. 3. & d. B. III. 1. 16. II. 23. &c. Plures ciuitates & loca commemorare nec ratio instituti, nec vicorum & urbium Galilaeae multitudo patitur, quorum isti 404. attribuit Iosephus in vita p. 1017. Et satis in eis recensendis nunquam satis laudanda Relandi sudauit opera, cuius studium in Iudaeorum antiquitatibus & geographia sacra semper vigeat, cuius etiam industriae plurima huius capitis momenta debeo. Ad eum igitur lectorem volo ablegatum. (p) in vit. prophet. p. 249.

in tribu Naphtalim, patria fuit Eliae Thisbitae magni prophetae (q). ELKO S, si Hieronymo fides, Nahum genuit, Nah. I. 1. *Quum Elcesi, inquit (r), usque hodie in Galilaea viculus sit, parvus quidem, & vix ruinis veterum aedificiorum indicans vestigia, sed tamen notus Iudaeis, & mihi quoque a circumducente monstratus.* Luculentissimum vero testimonium de phariseorum insulsite, Gathhacheper est, in meditullio fere Galilaeae situm oppidum, Ionae, ob typum Christi, quem sistebat exquisitissimum, prophetarum facile principis, patria 2. Reg. XIV. 25. vbi etiam sepultus fertur (s).  
Hinc

(q) Reland lib. III. sub voce THISBE, vbi ex Tob. I. 1. Thisbe Galilaeae urbem vindicat, aliorumque sententiam refellit, qua credunt, Eliam ab vrbe quadam Toschabe ita dictum esse, sed quam ipsi ignorant, nec quomodo a Toschabe ΕΣΥΝΟΝ Tisbi formari possit, ostendunt. Aptiorem autem sensum esse, quia Toschabe inquilinos notet, Eliam patria Thisbiten fuisse Galilaeum, sed diu habitasse in Gileaditide, docet. Citat & Eusebii, aliorumque, in hanc sententiam testimonia. (r) in proleg. ad prophetiam Nachum. Falso autem Epiphani. in vit. proph. p. 247. Begabar vel quod idem videtur, Bethabaram trans Iordanem, Nachumi facit patriam. (s) Hieron. in praefat. ad Ionam. Incaute rursus & contra sacras paginas, pseudo-Epiphanius in vitis prophetarum p. 246. & anonymus, de vitis prophetarum ab Hoeschelio ex codice Augustano editus (Rel. p. m. 517.) *Cariathamaum* Ionae patriam statuunt; cum vel inde posset colligi Ionam fuisse Galilaeum; quia gentis huius domesticum & nativum sensum de quo §. XIII. habebat. Alias Galilaeae vrbes omitto, vt, *Gabatham*, vbi Habacuci sepulchrum ostenditur; Eusebius in *onomastico* ad vocem Γαβιάς. Haec autem Gabatha, si cum Gabath eadem forsan est; ex ea natus esset Nathan. Ephiphan. d. vitis prophetarum p. 235. Sed incerta transeant. Huc pertinet patria Amosi Thecoa, quam Ephiphanus in Galilaeam transfert, quae tamen vrbs Iudae fuit, 2. Chron. XI. 6. licet etiam Kimchi eam in tribu Ascher, aliqua ex parte Galilaeae portionem habente, locet. conf. Rel. p. 759. Si quoque laxiores facerem limites Galilaeae, & Dothaim, vt quidam, ad eandem reducerem; Elisa etiam patriam agno-

Hinc cuilibet videre est, quantum phariseorum iactationibus fidei sit habendum. Tam coeci, tam incogitabiles, tamque ex-cordes hi magistri in Israel erant, vt nescirent, vel more suo, h. e. turpi, ac inflata mente, non admitterent, ex Galilaea extitisse vatem. Sed quid miror? cum verissimum de phariseis illud Bocharti (t) sit effatum: *Ebraeorum doctissimis solenne est vix quicquam scire praeter sermonem & ritus suos.* Omittamus iam Iesum Christum prophetarum omnium maximum; omittamus pluri-mos ex iis, qui iudicaturi sunt duodecim tribus Israel, & eas inter, ipsos phariseos. Sufficiant ad refellenda phariseorum men-dacia Elias & Ionas magni prophetae. Si denique quod Hieronymus (u) scribit: *Giscalam*, Galilaeae ciuitatem, a parenti-bus apostoli Pauli inhabitatam dici, ex vero, non ad eruditam frau-dis artificio famam tantum dictum est: maximorum fere quos sol vnquam aspexit hominum, nubem quasi, e Galilaea origi-nem suam trahere videmus. Sed quanta illa impietas! quanta dementia! quod incolae huius regionis credulitatem suam vero Messiae, quem viderunt, prorsus non addixere: & ita seque su-amque prouinciam seruari passi sunt.

IX. Diuina quoque prouidentia huic regioni optime confu-luit, in concedendis fontibus, & magnis fluuiis, qui in eam cursum suum contorqueant, & deflectant, ac denique per fines eius elabantur. Crebri sunt in Galilaea putei ac fontes a-quae dulcis; balneaque ac thermae praesertim apud Tiberia-den (x) & huic vicinum vicum Emmaus, in Galilaea cre-brae

---

sceret Galilaeam, nempe *Abelmechola* 1. Reg. XIX. 16. non longe a Bethsan siue Scythopoli 1. Reg. IV. 12. Galilaeae termi-no austrum versus, sita; & Hosea natus ex Balamo siue Bele-moth, non procul a Dorhaim, Judith. VII. 3. Galilaeae posset vin-dicari. Rel. p. 459. 464. sed mitto haec. (t) hierozoic. part. II. lib. V. c. 9. quamuis Maimonidi, & aliis quibusdam, iniu-riam facere videatur. (u) in comment. epist. Pauli ad Philemon. & catalogo script. eccles. add. Rel. ad vocem Giscala. (x) vid. Lightfooti chorogr. Matthaeo praemissa c. 74. & Luc. c. IV. sect. 3. Magni etiam fuisse ea balnea ac thermas, vel in-

brae (γ). Ideo quibusdam vetustis Tiberiadis nummis incisa est Hygia cum serpente montium altitudini insidens, de quorum cauernis serpunt ac properant aquae (z). Noti sunt fontes Gadarenfes ad sanitatem vtilēs (α). Sed scaturiant, quia nondum conuenit an vltra Iordanem se porrigat Galilaea. Notus est cisternarum vsus, quibus aquae coelestes colligebantur; earum multae in Palaestina, celeberrimae vero prope Ierosolymas, & circa Racam, & in monte Tabor fuerunt. Noti sunt torrentes & flumini ex confiniis Galilaeae fluentes: *Belus*, e cuius arena Sidonii vitrea vasa, probatae tenacitatis, serenitatisque fecerunt; Ios. XIX. 26. *Kishon* inter Tabor & Nain & Endor fluens Iud. X. 7. 13. V. 12. Ps. LXXXIII. 10. 1. Reg. XII. 40. notus etiam fluuius *Sihor*, in quo sicut praecipue in Nilo crocodili repertos esse creditur (b). Clarissimus item Iordan e fonte Phialo prorumpens, excellentissimisque miraculis V. & N. T. transitu in primis Israelitarum, cum secundum prouerbum *ἀπὸ ποταμῶν χερσὶ πηγῶν* ad scaturigines recesserat; & baptismo seruatoris, insignitus. Hic piscosissimus amnis per medium mare Galilaeae, deinde vterius propter Samariam & Iudaeam vsque in mare mortuum fluit. Non ergo pedes sicco transeundum est ipsum mare Galilaeae, in nouo foedere ad-  
C eo

de patet, quia magni Iudaeorum doctores more suo pugnant, num corpus tantum, aut etiam faciem, manus, pedesque iisdem immergere liceat; conf. summe reuerendi Dn. D. Danzii academiae nostrae iam ProR. magnifici, patroni mei aeternum colendi, dissertationes de *inauguratione Christi ad docendum, haud obscuriore Moisaica* in notis ad S. 24. p. 75. Sed ne longum loquar: presso dente fontem *καταγαγῶν* in Galilaea, qui vena fluminis Nili putabatur, perstringam; singularia de eo videri possunt apud Iosephum d. B. I. III. 18. Nec urbem Bathanath in Galilaea Ios. XIX. 38. Iud. I. 33. moror, de qua Eusebius ad hanc vocem dicit, eandem habuisse salubria lauacra. (γ) Ammianus Marcellinus lib. XIV. Ioseph. ant. VIII. 2. XII. 3. de B. J. II. 36. (z) Norisius, & Tenzel. l. c. (α) Epiphan. lib. I. adu. haeres. p. 131. (b) Plura habet Relandus quae transcribere piget.



eo celebratum, Magnitudinem eius describunt Iosephus, Ege-  
sippus, & Plinius; sed seipsos inter non conueniunt. Non ita qui-  
dem magnum erat, sed antiquo Ebraeorum more ceu collectio  
aquarum, dicebatur mare Galilaeae, & Tiberiadis, de nomine vr-  
bis clarissimae ei adsitae; Io. VI. 1. olim vero audiebat mare Cin-  
nereth, a cythara forsan, aut ab effectu, quod suauem sonum edat,  
vel a forma quod cytharae parum sit absimilis; a regione adiacen-  
te, Gennesar dicebatur. i. Macc. III. 67. Dulces habebat aquas  
& potu haud iniucundas, sed niue pene frigidiores (c). Nec  
non egregia piscium examina ibidem reperiabantur, quam no-  
minibus varia, tam coloribus, & magnitudine distantia; sic sa-  
pore, qualia alibi non deprehenduntur. Multi ideo piscato-  
res in oppidis amoenissimis circumiacentibus habitabant, & in  
Tarichaea triginta modo stadia a Tiberiade distante, etiam pi-  
sces saliri consueuisse probabile est. Hodie vero ab accolis lacum  
Tabariae vocari, fertur (d). Hoc mare solum sua nauigatione  
& praeciaris miraculis decorauit Iesus Christus: inprimis sibi  
deuisset quasi gratulari, quum conditorem suum supra se, praeter  
naturae ordinem ceu in terra incedentem, absque instrumen-  
to naui, aut vilius rei creatae opera, ferret, Matth. XIV.  
24. 25. Et respondent haec veteri Ebraeorum de lacu Tiberia-  
dis siue mare Galilaeae prouerbio, quo Deum inter septem Pa-  
laestinae lacus, nullum quam eundem, sibi assumisse ac vindi-  
casse statuunt (e). Nostra aetate cum ira Dei, & in exsiccatio-  
ne fontium, & aquarum se exferens Es. III. 1. Ioel I. 20. Ez. IV.  
16 Amos IV. 7. 8. 12. ob contemptum & interfectum seruatorem  
nostrum, hisce regionibus adhuc incumbat, nullibi fere infrequen-  
tiores sunt fontes & aquae (f). Et non immerito ista maria &  
ea inter Tiberiadis dixeris

*septem sine flumine vallis (g).*

O si

(c) Iosephus de bel. iud. l. III. 18. Rel. l. c.

(d) Niger geogr.

Asiat. com. 4. Adrichom. terrae S. theat. f. 139.

(e) Light.

foot cent. chorogr. in Matth. c. LXX. p. 131.

(f) Hieron.

in comment. ad Amos. c. IV.

(g) Ouid. lib. II. Meta-

morphos.

O si Iudaeorum oculi, ante maximum omnis terrae exitium, lacrymarum fontes fuissent; & viam seruatoris aquam quaesiuissent, sic saluae essent res eorum, & praesenti meliores facie.

X. Fertilitate praestantes adhaec Galilaeae montes ac colles erant, & plus segetum proueniebat ex iis quam ex campo (b); spatia vero sicca & petrosa, etsi non frugum, olearum tamen vinearumque erant feracia. Agmen ducat Carmel fertilis ac decorus mons Ies. XXXV. 2. *Olim Galilaeorum, nunc Tyrionum mons est, & Galilaeam terminat ab occasu (i)*: magnam enim partem Galilaeae Tyrii occupauerant. Multa de antro Eliae quod in eo fuerit, & vita monastica quam degerit, loquitur Quaresmius (k). Quod & Elisa eundem frequenter adiuerit patet ex 1. Reg. XLIX. 40. Iure ergo merito Carmelus reuelationis mons dici potest, quem magni illi Dei viri Elias & Elisa incoluerunt. Et hoc ipsum forte Ioannis a Cruce libro, quem ascensionem montis Carmeli inscripsit, dedit occasionem. Infra radices montis ad lacum Cenduiam nascebantur purpurae, quod haud exiguum decus Palaestinae addidit; ideoque Cant. VII. 5. *caput tuum, vt Carmel, & cincinnus capitis tui, vt purpura*, dici probabile est. Obseruatum etiam est eruditis non sordido illi naturae, verique auctori Pythagorae in hoc monte cum Carmelitis, discipulis Eliae & Elisae, familiarem usum intercesisse (l); quod ab aliis tamen inter commenta refertur. Ad meridiem tangebant Galilaea montes Gil-

(b) Gen. XLIX. 26. conf. Clericus ad hunc locum p. 311. col. 1. & Raschi ad Deut. XI. 11. Iosephus de B. I. lib. III. c. 2. p. 833. gentilium, & Geoponicorum testimonia mitto. (i) Non conuenit quidem inter historicos, num mons Carmel ad Galilaeam debeat referri, quod nostra parum refert. Omnes enim consentiunt eum Galilaeam terminare ab occasu: Iosephus etiam Carmelum Galilaeorum montem vocat, lib. III. d. b. c. 2. Rel p. 403. Quod ergo nec olim ad Galilaeam pertinuerit, est probandum. Interea vt proximus Galilaeae finis hic in censum venit. (k) eluc. terrae S. lib. VII. c. 3. (l) conf. viri excell. Io. Iac. Syrbii Pythagoras intra sindonem noscendus S. X. p. m. 49. Vbi & aliae antiquitates de monte Carmelo quod *Φολιμων* dicatur, Carmelique nomen & monti & Deo datum ex Tacito, & alia.

Gilboae in quibus *ἡλιόφυλοι* Philistaei (m) infensi Israelitis hostes, horum exercitum ducesque, Saul & Jonathan prostrauerunt. Quare magnus ille Dei propheta, & rex Dauid, vt cessent pluuiae, cessent & rores, quos aurora frequentes in eos remittebat; deserantur agri, qui oblationes produxerint, quum parentaret defunctis, singulari dolore, mixtaque grauitate, ac verborum ponderibus, optauit, 2. Sam. I. 21. Quae omnia de praestantia montium istorum testantur. Praeter alios colles celeberrimus est mons Tabor, cuius non situs modo, herbarum, fruticum, & arborum, decor & honos, sed aspectu ipse mons iucundus est. Hof. V. 1. Elegans enim eius forma, & rotunda est, solus in planitie situs; vt nullus alius mons, aut collis ei adhaereat. Vetus est de eo sententia, quod fuerit ille, in quo Christo, & tribus apostolis, Moses, & Eliás apparuerint. Quod credit antiquitas; in dubium vocat cum aliis saepe laudatus RELANDUS (n); his potissimum fundamentis nifus. Quod primo veteres christiani το καὶ ἰδιὰν *seorsim* Marc. IX. 2. ad situm montis retulerint, quia in campestribus situs, nec cum aliis montibus iunctus sit. Sed το *seorsim*, ad *ducere*, referri debere dicit. Deinde obseruat cum LIGHTFOOT proxime antecedentem historiam, prope Caesaream Philippi contigisse; dehinc Iesum post sex dies assumfisse Petrum, Iacobum, & Ioannem, nulla facta mentione itineris ad alia loca; nec dicatur, eos in montem Tabor relicta Caesarea duxisse, sed tantum *seorsim* & καὶ ἰδιὰν solos. Postea, reliquos discipulos haesisse in vicinia, & descendentem Christo cum discipulis venisse obuiam. Tandem Marc. IX. *illinc*, nempe a Caesarea egressos, fecisse iter per Galilaeam. Credibile ergo esse, pergit, non longe a Caesarea Iesum, tres illos discipulos duxisse in aliquem montem, certo nomine haud notum (quidni enim nomen montis adiecissent scriptores sacri) & discipulos reliquos non longe ab illo loco Christum expectasse. Verum si quis, qui non sentit nihil, ea quae doctissimum virum procliuem reddiderunt, vt credat non in monte Tabor, sed alio

(m) Theodoret. in not. ad Ps. LII. LXXXII. Ier. XLVII. Relandus p. m. 31.

(n) Palaeft. lib. I. c. 51, p. 246.

lio quodam id contigisse, accuratius expendat; eiusdem varia rursus obici posse videbit. Missa enim montis pulcritudine & excellentia, qua *na' idian* situs erat (o), profecto seruator optimus sex dierum spatio a Caesarea discipulos suos ad montem Tabor ducere potuit, quod ipse concedit Relandus, distantias locorum Palaestinae satis callens. Quod vero nulla mentio facta sit itineris a Caesarea ad alium locum, nihil referre, nec huc facere, quod Marc. IX. 30. habet, reponi posset. Christus enim cum discipulis *ἐκείθεν* nempe domo sua vers. 28. egressus, non autem a Caesarea, in Galilaeam pergit. Non etiam rarum est, ut iam quis in certo loco sit, & tamen per eum proficisci dicatur. Iterum hoc ipse Relandus velle videtur, partesque meas suscipere, quando ad Num. XXXII. 39. dicit (p): *Profecti sunt in Gilead non significat, eos ante in Gilead non fuisse, contrarium liquet ex antecedentibus. Sed idem est quod perrexerunt ulterius in Gilead, uti in N. T. legitur Christus profectus in Galilaeam a Nazareth, quum iam esset in Galilaea. Iuit nimirum ulterius in interiora Galilaeae.* Silentii insuper montis scriptorum sacrorum ea forsitan fuit ratio, ne aliquando imbecilles adhuc sectatores Christi a satana in superstitionem

(o) excellentiam montis huius *BVNTINGIO* in itineraio, ut ego quidem arbitror, nemo expressit splendidius. Adicit in fine observationum suarum de monte Tabor: *Es liegt auch sonst noch ein ander Berg in Ober-Galilaea, 23. Meilen von Jerusalem gegen Norden, derselbe Berg heist auch Tabor, und liegt nur 3. Meilen von Caesarea Philippi gegen der Sonnen Niedergang, aber auf demselben Berg soll sich der HErr Christus nicht verkläret haben.* Haec aliquid lucis Relandi exceptionibus spargere videntur. Et si vera sunt, perinde mihi esset, in quocunque monte, vel prope Caesaream, vel in hoc de quo sermo est, Christo accidisset transfiguratio coelestis; sufficeret eam in Galilaea factam esse (p) lib. I. Pal. c. XXXIII. p. m. 145. & lib. III. p. 626. Vbi differit num Ierusalem ad tribum Iudae an Benjamin pertineat, vel profectus est, inquit, in Benjamin (nempe Ieremias cap. XXXVII. 12.) id est ulterius in eam penetravit, ad interiora eius contendit, uti alias exponi solet Christum profectum in Galilaeam, id est, in interiora eius.

abriperentur, montemque ipsum religiose colerent, quod contigit Carmelo. Ex eo enim, quod Elias & Elifa, ibidem habitauerint, & sua sacra celebrauerint, horrenda in plebem a Carmelitīs fluxit superstitio (q). Si itaque montem Tabor siluerunt, nec alium nominarunt. Iis vero ipsum montem certo nomine haud notum fuisse, confidentius fere, quam proba alias Relandi integritas videtur admittere, dictum est. Erant enim plurimi Galilaei, qui post Galilaeam vicinas quoque regiones probe nouerant; praesertim Matthaeus, qui in eodem portu, vbi Christus nauem conscenderat, ut trans Iordanem, & porro ad Caesaream veniret, nempe ad lacum Tiberiadis, ad publicanorum mensam federat. Potuere hunc tractus vicinarum regionum latere, cum exteri & peregrinantes mensae suae vectigalia pensitarunt, & quod plerunque solenne est, patriam & itinera sunt professi? vel nemini coeterorum discipulorum Christi qui ex Decapoleon, ipsiusque Caesareae, oris eum sequebantur, dicti montis nomen notum fuit? aut omnino nullo insignitus erat nomine? Credibilis sane videtur, montem istum in quo Iesus transfiguratus est, fuisse montem Tabor; & licet de eo fileant librorum N. T. scriptores, per traditionem tamen ad veteres christianos & ab eorum consensu ad nos peruenisse. Et aequius nunc RELANDVS haud temere rejicienda esse fatetur, quae multorum consensu nituntur; nec profecto aliquid occurrere, quod stirpis euellere, atque euerere hanc queat opinionem. Quippe seruator extra Iudaeorum regiones pauca edidit miracula. Et quis christianam antiquitatem tam excordem credit, ut ad consilium & destinationem animi Petri de texendis tribus casis exequendam, tres aedes sacras planitiei montis superstruxerit, nisi probabilius duxisset, si non certo nouit, Christum in monte Thabor, non in alio, ita fuisse exornatum (r). Quamobrem sicuti in terra sancta aliquot montes erant, qui sancti dicebantur, veluti Choreb & Tzion, ita & ille

(q) conf. laudati Dn. SYRBI Pythagoras loc. cit. & Mendoza de DEO Carmelo. (r) Ioan. Cotonic. Itin. lib. 3. c. 7. 355. Beda d. loc. sanct. c. 17. add. Dn. D. PANZII *dissert. cit.* in notis ad §. 43. p. 156.

ille in quo Christus coelesti splendore decoratus est, sanctus non sine ratione dicitur, praeunte Petro 2. Ep. I. 18. Tabori opponitur Chermon Ps. LXXXIX. 13. Duo autem in Palaestina sunt Chermones : vnus monti Libano aditus & Paneadi imminens in Phoenicia : alter in Galilaea prope Naim, & torrentem Endor. Ille ad montana niuosa situs, hic vero rore plenus. Ignobiliores supersunt, vt Afamon a quo nomen Afamoneorum manasse volunt quidam; & alii, quos in praesenti non memorabo (r), vt de campis & vallibus vel tria edisseram. Inclytus est campus magnus Ebraeorum seu τὸ πεδίον μέγα, quem secutur fluius Iordan; vna ideo pars eius tribuenda est Iudaeae, pars Samariae, pars Galilaeae. Terminum enim Galilaeae inferioris ad orientem, Iosephus facit vicum Xaloth in campo magno situm (u). Gali-

- (r) Multa enim restant quae de montibus Galilaeae essent dicenda, in primis de eo inuestigando in quem diabolus sanctissimum seruatorem per aerem violentis abripuit vnguibus; quoniam nonnulli eum in Galilaea situm asserunt; quo fundamento videant alii. Si coniecturis locus, dici posset; seruatorem in montem Tabor, altum, latisque despectationibus aptum, a diabolo raptum esse, vt omnem mundi gloriam introspiceret; postea vero coelesti honore ybi mundanum nihil aestimasset, augendum fuisse. Sic in deserto Bethzaidae vbi, forsitan, omnibus nota fame debilitatus est; multa ipse hominum millia saturauit. Sed quorsum haec? Aliqua non minus de campestribus Saronis in Galilaea sitis, non quidem illis quae sacrae paginae adeo celebrant, sed regionem Gennesar innuentibus, quae a Ganne & Saron siue γῶνλα & Saron appellata videtur Relando p. 142. non contemnendis coniecturis; aliis quoque a גני סרי hortis seu paradisis principum, quae ibi frequentes erant, non autem, quod Egesippo placet, a γεννησας αἰετος. Sed quia instituti obstat ratio alios consulat B. L. Ego enim hoc loco de ciuitatibus, aquis, montibus ac vallibus Galilaeae quaedam exhibere volui, vt praestantia terrae Galilaeae eo clarius cuilibet constet, & quae ciuitates prophetas & magnos viros aluerint, quibus deinde praerogatiuis lacus Tiberiadis monsque Tabor exornati sint dicam. (u) lib. II. d. B. c. 2.

Galilaea vero proprios quoque habebat campos, eosque magnos. Memoratur vallis liphtachel in tribu Zabulon Ios. XIX.

14. 27. celebrantur horti decapoleos, mare Galilaeae circumiacentes, regio Gennesar dicti. 1. Macc. XI. 67. (x) Notum est *μὲγα*

*πεδίον λεγόμενον*, quod planities Esdrael dictum fuit, campus legionis vero, a Romanorum legionibus castra ibi metatis (y), ab

adiacente vrbe, vallis Iizrael. Iudith. I. 8. Ios. XVII. 16. Mons Tabor etiam in campestribus solus situs est, & haec pars campe-

stris illa dicitur, quae sycomoros producit. Erat & campus Afor in Galilaea 1. Macc. XI. 67. XII. 49. & alii praeterea plures

Iudith. IV. 5. III. Ezz. I. 27. II. Paralip. XXXV. 22. (z). Ex his facile aequus lector cognoscet praestantiam & fertilitatem Galilaeae.

Iamdiu vero montes, qui exquisita Iudaeorum bellantium, quibus confidebant, praesidia (a), & olim terra tecti fuerunt,

& frugiferi; nudi sunt & deserti. Perditi sunt & campi, crebrisque belli tumultibus, & incursionibus latronum, quas sustinuit,

vastati & inculti. Sic subterit & proculcat ira Dei optimas terras eandem prouocantes.

XI. Verum non agrorum modo enituit, sed animorum quoque cultura nobilitata fuit Galilaea. Testantibus enim noui

foederis scriptis synagogis fuit ornatissima (b). Erant ibi Essaeorum

(x) conf. haec §. sub (t). De regione decapolitana longae sunt geographorum disceptationes num cis, an trans Iordanem sita fuerit.

Bonfrer. in notis ad *onomast. urb. & loc. scripturae* S. p. 62. Audiantur tamen & FRID. SPANHEMIVS *introducet. ad geograph.*

*sacr.* p. 78. & CHRISTOPH. CELLARIUS in *geogr. antiq.* tom. II. lib. III. c. XIII. p. 639. (y) de bel. iud. III. 3. (z)

Relandus in *Palaest.* cap. de montibus & campis Palaestinae, ea ex monumentis scriptorum profanorum prolixius illustrat.

(a) 1. Macc. X. 70. 71. 73. Iud. IV. 6. 1. Reg. XX. 23. vid. & Iosephus antiquit. XIII. 8. (b) Si vero siletet nouum instrumentum, vel magnus Iudaeorum magistrorum Galilaeorum

numerus loqueretur. In cippis enim ebraicis ab Hottingero editis ACBARA in Galilaea ponitur, vbi sepulti dicuntur R. Dos-

stai, Iannai, & Nehurai. Loquuntur etiam multa fabularum iudaicarum in Galilaea vestigia. Sic Relandus lib. III. § 4. ex

gem. Ierosol. scheuith fol. 36. col. 3. *Discipulos qui docent*

orum officinae, Phariseorum sellae, Sadducaeorum fedes, & populi iudaici institutio & doctrinae. In scholis pro aetatis discrimine iuniores ad seniorum pedes confidunt, & ad audiendum se componunt, ibi alius ex libro praelegit, alius quispiam, unus a peritioribus accedens, quae obscura sunt explicat, nam pleraque per figuras more philosophorum sunt tradita (c). Nunquam ergo Galilaei fuerunt trunci, & barbari; sed diligentes multi, & frequentes scholarum auditores. Iud. V. 14. Luc. IV. 15. 16. Certe Hyrcanum regem, filium suum Alexandrum Iannaeum dictum, licet eum odio haberet, regnoque potiri nollet, neuiquam in Galilaeam ablegaturum fuisse arbitror; nisi ibidem non minus tanto iuueni dignis, quam Ierosolymis, institui potuisset disciplinis (d). Salutari quoque quidam discipuli Christi

constitutionem aliquam, praesente magistro suo, mereri mortem, iisque hac non licere, nisi 12. miliaribus remoti sint a praeceptore dicit. Exemplum praeterea adfert, quo quidam R. Tanchum in Chephar Galilaeae docentem ideo redarguant, quum R. Mena, praceptor scil. eius, sit in vrbe Zippori. Et lib. I. c. IV. de traditione Iudaeorum, quod nullibi nisi in terra Canaan resurrectio mortuorum sit futura, ex Bereschit Rabba narrat: R. Iudam & R. Eliezerem circa portam Tiberiadis ambulasse, & ἀλλοφύλῃ cadauer in suam terram deferri vidisse. R. Iuda itaque ei sepulturam in Israel nihil esse profuturam statuit ex Ier. II. 6. cum extra terram defunctus sit. Eliezer autem ex Deut. XXXII. 43. hoc pacto peccata eius expiari contendit. conf. I. III. p. 686.

(c) Philo in libro quod omnis probus &c. p. m. 223. Caeterum de variis Iudaeorum scholis, domo doctrinae, & domo explicationis, consulatur Hornbeck de scholae theologicis; & Lightfoot. cent. chorogr. Matth. praemissa c. 97. in hor. Talmud p. 165, quadraginta octo Leuitarum ciuitates gymnasia habuisse, vbi cognitione legum Mosaicarum imbuebantur, asserit. Hae enim, inquit, academiae quasi erant, quo tribus ministerialis turmatim distributa, studio legis incubuit, docta euasit, atque inde per totam gentem disseminata doctrinam legis per omnes synagogas disseminauit, conf. Ios. XXI. 32. seqq.

(d) Ioseph. ant. XIII. 20. conf. simul B. nostri Breithaupti Gorion. lib. IV. c. VII. seqq.



Christi Galilaei, scripturae S. pollebant cognitione (e). Nec prorsus improbanda pia eorum mediatio, qui Mariam eo tempore, quo ei coelestis ille praeco Gabriel instantem Messiae conceptionem annunciauit (f), praedictionem illam Ies. VII. 14. legisse, & voluisse, asserunt. Non ergo verbum DEI & legitimus eius cultus in vulgus fuit obscurus, aut ignotus. Quin post Ierosolymorum desolationem, praecipua sedes omnis profundae eruditionis & sapientiae iudaicae, Tiberias Galilaeae floruit (g). Et ita desolatis Ierosolymis sibi gratulari oportebat Iudaeorum doctores, quod sedem inuenirent in abiecta Galilaea, vbi tamen iniquitatis eorum lacunis splendida opus erat hedera (b).

XII. Praeter scholas & gymnasia, varia etiam in ciuitatibus exercebantur opificia, & negotia, inprimis vrbes magnae mercaturas faciebant, vt earum rerum quibus abundabant fieret exportatio, & auri ac argenti, cedrorum, aliarumque rerum inuectio. Gen. XLIX. 13. 2. Chron. II. 15. 16. In iis vero oppidis, quae propter fluebat Iordan, quaeque ad mare Tiberiadis sita erant, vt plurimum habitabant piscatores. Magni enim piscium exercitus

- (e) CAVE in antiquitatibus apostolicis, p. m. 540. & 548. (f) eam annunciationem autor *speculi Suenici* die dominica factam esse putat c. V. de sanctitate diei dominicae: *des Sonntages ward unser HERR IESUS Christus gekündet von Gabriel unser Frauen Sant Marie. Der Sonntag war der erste Tag der je ward, und wird auch der leist Tag als wir erstyn sollen.* (g) OLEARIII *IESUS der wahre Messias und köstliche Eckstein.* p. 123. seqq. & Reland. lib. III. p. 767. (b) Vsha Galilaeae ciuitas Rel. l. III. p. 784. post desolationem Ierosolymorum, sedes fuit synedrii. Et ibidem ex schir hasschirim rabba fol. 15. col. 4. testatur: aliquot doctores Ebraeorum congregatos esse, hoc loco (Vsha) vt docerent, R. Iuda, R. Nechemia, R. Meir, R. Iosef, R. Simeon Ben Iochai, R. Eliezer fil. R. Iosef Galilaei, & R. Eliezer Ben Iacob: eosque misisse ad seniores Galilaeae, & dixisse, quicumque vult discere, veniat, discat. Hinc etiam creditur decretum de immunditie terrae gentium in Vsha esse natum.

tus in his locis spaciabantur. Reliqui negotiis opificiariis, domesticis, ac rusticis (i), operam nauabant.

XIII. Caeterum pugnaciores omnibus aliis Iudaeis erant Galilaei. Iusserat namque Moyses Sebulon militiae suae laetum esse; Deut. XXXIII. 18. & Naphtali a Iacobo veloci ceruo comparatur Gen. XLIX. 21. Gentibus confinis erat Galilaea, quibus Galilaearum regionum nullus desiderii pudor erat; ideoque semper audebant acies.

Τηλικαύται δὲ ἔσαι τὸ μέγεθος, καὶ τοσούτοις ἐθέουσιν ἀλλοφύλοις κενυκλωμέναι, πρὸς πάντας αἰεὶ πολέμους πείραν ἀνίσχον, μάχιμοί τε γὰρ ἐκ νηπίων, καὶ πολλοὶ πάντοτε Γαλιλαῖοι, καὶ ἔτε δειλία ποτὲ τῶν ἀνδράς, ἔτε λειπανδρία τὴν χώραν κατέχεν.

*Sed cum tantae sint utraeque (Galilaeae) magnitudine; tantisque gentibus alienigenis cinctae, semper tamen omnibus belli periculis restiterunt, namque pugnaces sunt ab infanzia Galilaei, & omni tempore plurimi, neque aut formido unquam viros, aut eorum penuria regiones illas occupauit (k).*

Cum his sacra scriptura concordat. Iud. IV. 6. seqq. IV. 18. V. 14. seq. 18. IIX. 18. 19. XII. 11.

Haec si legitime expendantur, egregie mentes de animi magnitudine, & excellentia Galilaeorum, possunt conuincere; praesertim cum ipsi reges Zebah & Zalmunah Galilaeorum formam & speciem liberalem probant, eosque ob virtutem regum filiis conferunt. Loquuntur plura bella iudaica, testantibus Maccabaeorum & Iosephi libris in Galilaea gesta, vnde quasi propria belli sedes dici potuisset. Loquuntur praeterea crebri tumultus & motus populi. Iudas Gaulonites, siue ab educatione, aut habitatione, vel quod Gaulon ad Galilaeam pertineat, Galilaeus dictus, multorum millium animos ad seditionem incitauerat, asserens: census Romanis pendendi iugum extremae seruitutis signum, nihilque in patriam libertatem magis impium esse, quam post DEVM mortale suspicere imperium.

Ab hisce celebris Galilaeorum haeresis orta est; qui eandem fouebant sententiam, & Caesarem Romanum suum agnoscere dominum, eiusque moneta uti, nolent

(i) Iosephus lib. IV. de bel. iud. c. 4.

(k) Iosephus de bel. iud.

lib. III. c. 2. Tacitus ann. lib. XII. c. 54. §. 3.

bant, Act. V. 37. Fortassis etiam in eadem haeresi fuerunt illi Galilaei, quorum sanguinem Pilatus cum sanguine sacrificiorum, quae facere instituerant, permiscuit Luc. XIII. 1. Praesumptio denique est Barnabam factiosum illum, & turbulentum hominem fuisse Galilaeum, quem ut damnaretur innocentissimus servator, clamore suo liberarunt crudeles Iudaei. Quorum idcirco stultitiam iis exprobrat Pilatus, inscriptione sua cruci Christi adfixa, quod regem expectarent, & quando haberent, cruci adfigi vellent. Insignes vero erant machinae Iudaeorum, ut Christum neci traderent. Conferunt enim in eum culpam falsae doctrinae, qua deterreret atque auocaret a sua religione populum, deinde conferunt in eum culpam seditionis, quod censum dare improbaret; postea culpam maiestatis laesae criminis; & denique originis factionum Galilaeorum culpam, quam electio praefertim primae admissionis discipulorum arguere videbatur. Io. XIX. 19. Luc. XXIII. 2. 5. &c. Nulla enim re magis Pilati odium incitari videbant, quam inculpationibus istis, praefertim de Galilaeorum seditionibus. Magnum etiam nomen in factiosis Galilaeis habet Ioannes Galilaeus; qui cum horrenda, inter Romani exercitus expeditiones, patrauerat in Galilaea facinora, Ierosolymas profugit, & ibi fortitudine eius perspecta innumeros leues, homicidas, sanguinarios sibi que similes viros ad se congregauit, diuites interfecit, & summos sacerdotes ab officiis suis remouit (l). Non minori nomine fuit Tephtaeus Galilaeus, cuius extremae fortitudini maximis laudibus inhaeret Gorionides (m). Insigne quoque Eleazari cuiusdam factum in Galilaea, praemio laudis auxit (n). Quem licet e familia Ananiae pontificis Ierosolymitani oriundum asserit; alibi tamen Samaei filium e Saab Galilaeae dicit. Varias insuper possent dari causas tam pugnacis & bellicosi Galilaeorum ingenii. Et si secundum philosophos quosdam, patria quoque & spiritus singulis regionibus veluti proprius hominum animos rapere solet, certisque affe-

(l) Gorion, ebraeus e versione B. nostri Breithaupti lib. VI. c. 35. 36.

(m) lib. VI. c. 40.

(n) ibid. c. 16. p. 396. conf. not. 4.

& Iosephus lib. III, de bel. iud. c. 9,

affectibus subiicere, quod quidem veritate sua stabit: terrae Galilaeae indoli, incolarum belli & pugnarum amor esset ascribendus; nulla tamen propior causa videtur, quam infensarum Galilaeis & bellicosarum gentium vicinitas, crebrique motus. Quod ipsum praeter scripturam S. Iud. III. 2. testatur Iosephus (o). Ideoque Deus Israelitas bellorum adhuc inexpertes, non regia ex Aegypto via, in terram Canaan duxit, sed per desertum, ne apparatu bellico Philistaeorum perterriti reuerterentur in Aegyptum. Exod. XIII. 17. 18.

XIV. Quemadmodum vero haud facile vlla gens inueniri poterit, cuius indoles & mores omnibus sint probati; unde tot enata sunt proueria, quibus vnus vel alterius nationis vitia notantur; quibus Thracum & Germanorum bibacitas, Poenorum perfidia, Cretensium mendacia, Arcadum stoliditas, & aliorum alia perstringuntur: sic etiam tempore seruatoris nostri de Galilaeorum vitiis triti prouerbi speciem habet: *ἐκ Ναζαρέτ* *δυνασίου τι αἰσχροῦ ἐναί* Io. I. 47. Io. VII. 52. Adeo Galilaea vere Cabul i. Reg. IX. 11. seq. erat Iudaeis, Quamuis autem Pharisaeorum ora exemplo Christi poterant subliniri, eoque ceu responsione Philippi ad Nathanael *ἐρχε καὶ ἴδε* increpari: nec non procacitas tanta, & fastus insolens, accomodato prouerbio, velut oburgationis felle, debuisset imbui; multa tamen superant, quae pharisaeis ad Galilaeae contemptum pertinere videbantur. Primum enim Iudaei eos qui extra terram Israeliticam erant, vsque adeo despiciantur ducebant, vt eos *αἰσχροῦ* censerent. Puluis vero terrae Israeliticae & aer sanctior ab iis credebatur; aliarum regionum immundus. Putabant etiam mortuorum resurrectionem in sua terra sola esse futuram. Non omnis tamen regio ipsius terrae Israeliticae eiusdem excellentiae & sanctitatis habebatur; sed eas cultiores arbitrabantur, quae viciniore Ierosolymis, suo fortassis, hic est templum domini! hic est templum domini! impulsi. Galilaea autem caeteris partibus, ipsaque Sa-

(o) de bel. Iud. III. 2. & antiqu. XII. 11. dicit: Galilaeorum nuncios con-  
questos fuisse, de incolarum Ptolemaidis, Tyri & Sidonis mo-  
lestia, & incursionibus. conf. I. Macc. V. 15. 21.

maria a Ierosolymis erat remotior. Deinde duriore & grauiore fermone utebantur, Matth. XXVI. 73. quem interim barbarum vocare cum aliis non audeo (p). Postea Cauei cura pharisaeos tuendos suscepisse videtur, cum putat (q): Galilaeos ciuitati morum parum studuisse, ac parcos & infrequentes religionis cultores fuisse, ex verbis Io. IV. 45. καὶ αὐτοὶ γὰρ ἤλθον εἰς τὴν ἐορτήν colligens: mirum quasi fuisse, quod illis hoc pietatis acciderit, vt templum Ierosolymitanum & festum paschatos aliquando visitassent. Sed mirum potius videri posset, quomodo litteratissimum virum curiosa nimis haec opinio incesserit; cum Galilaeos omnia Iudaeorum solennia frequentasse, & eos etiam venisse ad festum, nempe κατὰ τὸ ἔθθος τῆς ἐορτῆς, & κατ' ἔθος (r), dicant diuina oracula. Tandem propter donationem Salomonis viginti ciuitatum Hiram factam, paganismus cum Iudaismo confusus, gentes cum Iudaeis, adeoque eiusmodi religionis, sanguinis,

(p) Libentius hisce illud veterum Φρονίδος ἄξιον adscriberem. Aliquam enim admirationem mouere arbitror: duodecim tribus Israel ab vno patre ortas, & ante partitionem terrae Canaan nunquam seiunctas; & tamen non ita longe post diuersa dialecto vsas esse. Ephraimitae pro Schiboleth dicebant Siboleth & ceciderunt multi Iud. XII. 5. seqq. Nec Galilaea dialectus tempore Christi recens orta fuit. Quin obseruante Relando l. i. p. 103. *Avim Deut. II. 23. nomen datum fuisse ab נ"ו quod dialecto Galilaeorum serpentem notare tradunt Iudaei.* Quis denique praeter insulsos quosdam Iudaeorum doctores de impolita Galilaeorum lingua, si Ierosolymitanae contenderes, perhibet? vid. Buxt. in lexico Talmud. p. 434. seqq. & Lightfoot centur. chorogr. Matth. praemissa c. LXXXVII. (q) in vita Phi-

lippi §. 1. (r) Luc. II. 41. 44. it. XIII. 1. seqq. Sacrificia facienda erant Ierosolymis, & ibi aetatem agebat Pilatus. Certo non venit in Galilaeam Herodis iurisdictionem, qui inter se dissidebant. Luc. XXIII. 21. & interfecit Galilaeos, sed sacrificaturos Ierosolymis immolauit. Et hoc creditur Herodis & Pilati simultatis causa; quam iurisdictionis legum obseruantia, & missione Iesu Galilaei ad Herodem Galilaeae tetrarcham so-

nis, & morum mixtura introducta credebatur vulgo (s). Sed & hoc argumentum non satis firmo fundamento superstructum est. Re-

Iennia Iudaeorum paschalia Ierosolymis celebraturum, diluit, & cum Herode in gratiam rediit Pilatus. Iosephus quoque testatur, consueuisse Galilaeos festorum dierum celebrandorum causa Ierosolymas petentes, transire per campum magnum Samariae. ant. lib. XX. 4. in vita p. 1019. lib. II. de bel. iud. c. 2. conf. Io. IV. 4. Luc. IX. 51. 52. (s) SPANHEMIVS dub. euang. p. II. p. 627.

Sunt equidem qui de donatione ista commentantur: Salomonem sapientissimum, Hiram istas ciuitates non dedisse proprias, quod contra ascriptionem diuinam fuisset, sed census tantum ad certum tempus vi pacti 2. Reg. V. 6. II. concessisse. Cur vero Hiramus eam terram *Cabul* vocauerit, non stat inter eruditos eadem sententia. Immerito tamen MÜNSTERVS ex nomine *Cabul* conficit, eam Galilaeae partem *arenosam & sterilem, clausam & non habitatam* fuisse. Kedes enim Naphtali, in suprema eaque septentrionali plaga, secundum placita eorum qui istius tractus noscunt conditionem, magna & egregiis naturae praesidiis munita vrbs, & campi eius agrorum vbertate fertiles, cunctisque rebus plurimum fuerunt abundantes. Et Giscalae superioris Galilaeae ciuitatis incolae plerique erant agricolae. Iosephus lib. IV. de bell. iud. c. 4. vid. quae §. VII. dicta sunt. De inferiore autem Galilaea liquido constat, fertilissimam eandem fuisse regionem. Recte notat Barthol. de SALIGNIACO in itineraio terrae s. c. VII. §. III. de Galilaeae campi situ: *in partibus aquilonis fertilis est supra modum, exuberans frumento, vino, oleo, omnibusque mundi bonis, adeo, quod meliorem regionem credo me non vidisse.* Et hanc Galilaeae partem, regionem nempe Gennesar, ad lacum Tiberiadis, illos dixeris paradisos, ad quos Scythopolis Galilaeae terminus versus meridiem ostium dicitur veteri Iudaeorum prouerbio: *si in terris Israeliticis paradisos esset, Bethsean (Scythopolis) eius ostium merito haberetur.* Imprimis quoque cuidam ex istorum doctoribus memoriae proditum est: *in loco propinquo Tiberiadi, hortos esse & paradisos.* Quod cum recordationem meam pene

Remanserant enim in omnibus fere terrae Canaan ciuitatibus gentes quas nec debebant, nec deinde poterant, filii Israel. Nulla ergo ratio contemptus Galilaeorum superest, quam prima, quae in quantum possit admitti, iuxta mecum omnes sciunt. Ad summam adeo iniuriose tractabantur Galilaei, vt quisque *insigniter stupidus* interdum hoc nomine veniret (r). His omnibus non exsatiata est calumniandi libido phariseorum; poteratne testimonium custodum Christi tumuli, eorum mentes de veritate resurrectionis eius constringere? Nefandis omnibus factis & haec addenda erat blasphemia, quam iis merito IUSTINVS MARTYR exprobrat (u): quod nempe delectos viros in omnem terram miserint, iis instructos mandatis: impiam & iniquam sectam a Iesu quodam Galilaeo impostore concitatam, eumque inflicta crucis poena, a discipulis suis sublatum e monumento, hominibusque persuasum esse, Iesum a mortuis surrexisse. Hoc ipso cacodaemonis regnum promouere & amplificare, memoriam vero seruatoris maximi opprimere, conati sunt. Gentilibus etiam viris facultatem obtulerunt exquisitissimam, in cultores nominis eius inuehendi, omnibusque probris, & iniectione nominis Galilaei, contumeliae ergo, afficere. Inde porro Galilaeorum quorundam seditio, & obstinatio, Christianis quoque tributa est. Vti Arrianus (x): *ἦτα ὑπομανίας μὲν δύνασθαι τις ἔγω διαλεθῆναι πρὸς ταῦτα, καὶ ὑπὸ ἔθους οἱ Γαλιλαῖοι.* En furem! en calumnias, in Christum & ἀνδρας Γαλιλαίους discipulos eius! en mendacia!

## CA P V T II.

DE

## REBVS GESTIS CHRISTI IN GALILAEA.

CONSPECTVS.

*Summa & ratio huius capitis, §. I. Historia Christi ante eius natiuitatem,*  
§. II.

effugisset, hic ἐν παρόδῳ ad finem huius, de Galilaeae natura, capitis attexo. (r) Hackspann proleg. not. in diff. L. L.

script. p. 9. (u) in dialogo cum Tryphone p. 231. (x)

lib. IV. dissert. in Epictet. c. 7. conf. Suidas ad vocem ἐπισολή.

§. II. *Ipsius natiuitatis & hanc sequentia*, §. III. *Acta Christi circa inaugurationem ad munus publicum*, §. IV. *Officium Christi propheticum in Galilaea, vbi simul de vocatione apostolorum*, §. V. *Doctrina*, §. VI. *Qua instituit rudes & ignaros*, §. VII. *duxit & correxit errantes*, §. IIX. *obiurgauit contumaces*, §. IX. *erexit humiles & prostratos*, §. X. *Hanc suam doctrinam firmavit miraculis tam corporalibus & visibilibus*, §. XI. *quam spiritualibus & internis*, §. XII. *Vita quoque & exemplis eandem obsegnauit*, §. XIII. *in officii erga Deum*, §. XIV. XV. *seipsum*, §. XVI. *alios*, §. XVII. *E. est verus propheta*, §. XIX. *Officio sacerdotali, an & quousque in Galilaea functus sit?* §. XIX. *item Officio regio*, §. XX. *Acta Christi in Galilaea post resurrectionem eius*, §. XXI.

I.



Vo contemptius vero Galilaeae solum iniquae phariseorum & reliquorum Iudaeorum multitudini fuit: eo plus honoris eidem Christi praesentiae, habitationis, & gestarum rerum ornamentis accessit. Haec in hoc ipso capite sunt percensenda; vt deinde expeditum constet, quam clara gestis rebus Christi facta sit Galilaea. Sed certi ordinis ergo historiam Christi ante & post natiuitatem non minus, ac ante acceptum munus, e sacris monumentis primoribus saltem labris attingam; & quae deinde initiatus ad idem in Galilaea egit, ad officii Christi triplicis vnum enitar referre: ac tandem acta Christi in Galilaea post absolutum redemptionis hominum opus, absque omni verborum & eruditionis aucupio exponam. Haec facient ad Galilaeae claritatem celebrandam.

II. Ex quo enim statutum tempus venerat, quo omnium potentissimus DEVS coelos rumpere, & exiguae orbis tractui humano corpore sese insinuare parabat; quoque admirandae originis stirpisque geminae HEROS tanquam furculus ex trunco parum ad mundana sceptraidoneo Ez. XIX. 14. 10. 11. & radicibus Isai Ies. XI. 1. debebat exfurgere: confestim coelestis ille praeco & paranymphus Gabriel, iam quarta vice in rebus Messiae legabatur in ciuitatem Galilaeae Nazareth, ad Mariam de familia



Dauidis virginem. Quae cum auide, & composita mente exceperat angeli nuncium, idque sibi vt accideret summissè precabatur; filius DEI virtus altissimi ceu sponsus sponfam eam obumbrabat, & pariter ac infantes ineffabili modo particeps fiebat carnis & sanguinis, vt factum a tota S. S. Trinitate de reducendo humano genere decretum exequeretur. Quemadmodum vero profana laetitia loquax res est, atque ostentatrix sui, a quo morbo magnae parti hominum nulla est cautio: ita diuina Mariae laetitia loquax quidem, & ostentatrix, sed gratiae tantum maiestatisque diuinae erat. Luc. I. 41. seqq. 46. seqq. Inter haec enim surgebat, & ad cognatam Elisabetham (γ) cui sterili & prouecta aetate, filius magnorum & singularium morum quoque promissus erat, per montium aspera & vallium depresso proficisceretur, vt in societatem atque communionem tantae laetitiae mutuo venirent. Hoc in montana graue iter & longum e Galilaea, in vtero matris suae totius mundi salus vna fecit, ibique prodromus ac praecursor eius item iam in matris vtero inclusus, ei exultando obedientiam Io. I. 7. 31. ac honorem quasi promissit. Adeo suauis pariter ac efficax erat Mariae salutatio cum iam DEI mater esse coeperat, vt imperfectus adhuc infans eandem exaudiuerit. Et omnino sancta haec consortio virtutem omnipotentis DEI, eiusque spiritus conspiracy, prae se ferebat. Loquebantur enim de rebus non nisi desuper iis patefactis; Elisabetha non minus, angeli effata repetendo, & Mariam matrem domini sui vocando; quam Maria DEVM magnificando. Dum vero haec ipsa agnatae suae Elisabethae diu operam suam praestiterat, ciuitatem Nazareth repetiit.

III. Instabat iam coelestis partus, sed in Bethlehem edendus,

- 
- (γ) Qua ratione Mariae Elisabetham adiunxerit affinitas, cum illa e tribu Iuda & Dauidis stemmate, haec Leni & posteris Aaronis oriunda fuerit, mouetur quaestio, quam examinare mea non adeo refert. Verosimillimum tamen videtur id, quo dicitur sacerdotes lege Num. XXXVI. 8. 9. obstrictos non fuisse, quia illis haereditas non erat. Debeat ergo natales suos tribui Iudae, a quonam parente perinde est,

dus, vt scriptura S. impleretur. Augustus ergo imperator religionis alioquin Iudaeorum contemptor, omnem Romanum orbem sibi subiectum, vt tamen fastus eius nutui diuino esset subiectus *agris diuidi censuque describi*, si Cassiodoro (z) fides, iusserat. Ideoque Maria profitebatur tribum ac familiam suam, & veniebat ad ciuitatem Dauid Bethlehem. Hac tempestate rerum omnium conditor *cuius exitus ab initio, & ab aeterno fuit*, pauper infans in paruo terrarum angulo natus est: cum tabernaculum Dauidis erat collapsum Amos IX. 11. Act. XV. 15. 16. & stirps eius non stabat, quasi Dauidis esset, regia dignitate, & vt cedrus florens; Ez. XVII. 22. sed vt truncus Iesse ignobilis ac obscurus. Non erat enim parentibus quos inter Iannae posteritatem paupertas expulerat in Galilaeam, in sua tribu casa, aut locus vbi dignius potuisset demitti rex regum infans. Cuilibet inde futuri regni eius conditionem, & hominum salutis ordinem licebat colligere. Vt vero ad veritatem DEI, quae patribus erant promissa confirmarentur, Rom. XV. 8. Christus legis finis Rom. X. 4. circumcisionem vsque ad tempus correctionis stabilem patitur, & nomen eius vocatur Iesus. Post haec allato pro eo ob indigentiam parentum pare columbarum, DEO patri in templo Ierosolymitano sistebatur. Sic profitebatur semen Abrahae & patrum, nec erat, quo offenderet Iudaeos. Obseruatis itaque diuinis institutis & consiliis: donabant nouo Iudaeorum regi, magno fideri ex Iacob Num. XXIV. 17. primitiae gentium magi (a) qui eius stellam viderant, regale viaticum; debitoque honore, ad signanda tria eius officia, aurum, thus, & myrrham offerendo, afficiebant. Protinus enim vt per infestas manus sitientis sanguinem Herodis tyranni & interfectoris primorum, gentium desiderii Iesuli, martyrum pusillorum, euaderet, cum parentibus concessit in Aegyptum. Post Herodis mortem iis reuocatis habitare in Bethlehem placebat for-

E 2

fan

(z) libro 3. epistola 52. Varias eruditorum de hoc Augusti censu mitto quaestiones. (a) Fuerint, militantibus eruditis, Persae aut Arabes; & sidus, quod viderunt, fuerit vel cometa, vel splendor insolens, aut nouum omnino, a siderum rectore, infixum coelo astrum, aut angelus stellae speciem repraesentans; partim mihi perinde est, partim non mei instituti.

san magis, quam in Nazareth; sed ad hanc proficisci iussi sunt. Hoc pacto *Nazarenus* & *Galilaeus* multis casui, multis etiam salutis erat in Israel, Luc. II. 34. Io. IX. 39. Iudaei enim maximam ex eo habebant offensionem, quod esset Galilaeus; Io. VII. 41. alii quod parentes & originem eius nouissent, Io. VII. 27. sinistra fortassis illius Es. LIII. 8. vaticinii interpretatione decepti; cum tamen Galilaeam de aduentu Messiae passim celebrarint veteres Iudaeorum doctores. Observant nonnulli, libro Sohar in Exodum fol. 3. col. 3. 4. *de columna ignis quae in Galilaea apparitura sit, aduentante Messia multa praecellere dici* (a). Quae alii de aquis Mearoth in Galilaea, conuertendis in sanguinem sub aduentu Messiae, non minus de decem Schechinae, typi seruatoris, qui ἐσχηώσαν ἐν ἡμῖν Io. I. 14. migrationibus docent, missa faciam. Quis summam sapientiam diuinam ex dictis non cognoscit? quis miseram seruatoris in his terris conditionem grate non mirabitur? Quibus enim calamitatibus & aerumnis totius mundi sospitator infans etiam expositus; & omnium humanarum imbecillitatum gradus est emensus? Post reditum in patriam, & iustam adque institutionem aptam aetatem, eum a parentibus more ebraeorum liberaliter, ita tamen vt praestare alios plebeios pueros non videretur Io. VII. 15. educatum esse, vel inde patet; quia annum duodecimum ingressus solennia Iudaeorum paschalia celebraturus, cum parentibus Ierosolymas venit: ibique parentum incuria, non in eos contumax aut impatiens, sed eos quidem honorans, praeponens autem coelestem patrem, remansit, omniumque admiratione magnorum Iudaeorum doctorum colloquiis sese insinuauit. Deinceps vero cum parentibus redibat ad patriam ciuitatem, manusque suas eorum egestati, vt fabri tignarii filius Marc. VI. 3. commodauit; iisque erat subiectus, Luc. II. 51. & in sudore faciei commedebat panem. Laborem eius ac negotia definiunt veteres; vt sepositis omnibus euangelii infantiae incertis historiis hoc vnum attingam, Iustinus Martyr (c) inprimis praecipit: Christum in fabrilis officina operarium ha-

(a) D. MAIUS in synopsi theol. iud. loc. VIII. d. Mess. §. XII. p. 149. (c) in dialogo cum Tryphone p. 316.

habitum, carpentaria opera, iuga & aratra fecisse; eoque ipso iustitiam suam non minus signasse, ac laborandum esse assiduo, non ociandum, docuisse. Quod si verum est, vti videtur, quam felicem & frugalem eam arbitrabimur operam, quam maxima sui despicientia, & obtemperacione, parentibus praestitit seruator vnicus! Rideat cacodaemon; sint Iudaei dicaces; Marc. VI. 3. Iudat profanus ille Antiochenus orator Libanius & quaerat ex ficto Galilaeo, christianarum scholarum magistro, quid molietur fabri operarius, quid fabricetur? profecto Deus sui irrisionem non admittet. Iuste enim respondit ludimagistri ad magni oratoris quaestionem vaticinio, quo tignarium fabrum mundi fabricatorem in conficiendo domini sui Iuliani feretro esse occupatum dixerat, euentus. Quippe cum nocte ante mortem, genius vel spectrum Iuliano apparuisset, sequenti die animam nefanda voce exhalauit (d). Sic etiam satis ardua erunt, & grauius istis cauillatoribus iuga & aratra praepotentis seruatoris Christi.

IV. Trigesimus, Leuitici etiam muneris ingressui sanctus, Num. IV. 23. 47. a natiuitate Christi numerabatur annus, ad quem vsque vitam priuatim in Galilaea transegerat; cum iam sibi oblatum munus inire pararet, & legitime velleri initiari. Venit ergo ex Galilaea ad Ioannem, primum N. T. doctorem, in Iordane baptizantem, deque externa forma istum haud noscentem, Io. I. 31. ibique maxima praesente turba baptizatus, spiritu S. abundantius exornatus, & doctor est renunciatus. Sicut enim circumcissione sua cultum iudaicum obsignauit, Iudaeosque saluare, ita etiam christianorum baptismo dare voluit initia, & sacrati roris perfusione gentibus esse saluti. Maxime vero ideo aqua tingi voluit, vt more Ebraeorum pontificis, reliquorumque sacerdotum, solenni quasi inauguratione ad docendum, contra phariseorum accusationes Io. V. 37. possit inniti, Ier. XXIII. 31. sicque omnem implere iustitiam, Matth. III. 15. Hoc ipsum cum spirituum in aereis sibi dominium arrogantium princeps, finemque Christi aduentus, euerfionem videlicet regni sui intellexit; confestim pestilenti inuidia actus, cum eo cuius re-

(d) Amm. Marcellin, lib. 25. c. 2. Theodor. H. E. I, III, c. XIIIX.

gni ante creatos homines aemulus (e) hostis fuit, quadraginta dierum inedia confecto, importunum admodum in deserto certamen iniit. In quo profundissimos malitiae & calliditatis suae thesauros simul prodidit: quaestiones scepticas, & simulatum suum amorem, vngues denique tenacissimos, quibus leo arguebatur. Seruator enim non minus tres eius impetus grauisimos fortiter sustinuit, gloriam, voluptatem, ac diuitias spernens; quam totius tentationis auspicia, inter miraculosum ieiunium, vt probabili ratione coniicitur, suggestiones, & ignita tela, bestiarum denique lemurumque terrores: & tentatorem profligauit. Quam vere misericors pontifex sensu infirmitatum nostrarum affectus, & hostem quis, qualis, & quantus sit in infirmitate carnis expertus est; cum diuinitatis vsu sese euacuauit, eumque in graui hoc certamine diu celauit! *Non enim tentandum se exposuit Diabolo, ut diuini-*

(e) Statim enim inter initia mundi maiestatis diuinae inuidus hostis fuit; putatque celebris ecclesiae nostrae theologus, Io. Brentius ad Io. IIX. 44. ea propter diabolum pristina statione priuatum esse, *quod fauens mendaci suae spei, noluit maiestatem filii DEI obedienter adorare, sed vendicauit sibi potius dominationem, & hoc egit, vt abiecto filio DEI ipse omnium rerum potiretur. Et hominibus persuadere allaborauit, vt contempto Christo filio DEI arrogant suis virtutibus laudem, gloriam & meritum iustitiae ac felicitatis. Diabolus enim fuit mendax & homicida seu occisor priusquam homo creatus est. Et nisi ante peccasset, non fuisset e coelo deiectus. Lactantii etiam sententia aliquatenus concordat huius, lib. II. instit. diu. c. 8. Cum esset, inquit, DEVS ad excogitandum prudentissimus, ad faciendum solertissimus, antequam ordiretur hoc opus mundi: produxit similem sui spiritum, qui esset virtutibus DEI patris praeditus. Deinde fecit alterum; in quo indoles diuinae stirpis non permansit. Itaque suapte inuidia tanquam veneno infectus est, & ex bono ad malum transcendit, suoque arbitrio quod a DEO illi liberum datum fuerat, contrarium sibi nomen adsciuit. Vnde apparet cunctorum malorum fontem esse liuorem. Inuidit enim illi antecessori suo qui DEO patri perscuerando tum probatus, tum etiam charus est.*

*unitatis integritas probaretur, sed ut tentatoris praesumptio confundere-  
retur (f). Sed cum haec & quaedam ante haec dicta non sint  
mei instituti, nec in Galilaea acciderint, nisi, quod non nemo  
suadet, montem illum excelsum e quo seruatori diabolus omnia  
mundi regna ostenderit, montem esse Galilaeae, credas. Hoc  
autem aequae incertum est, ac desertum in quo Christus fue-  
rit tentatus; alii nominant Quarentanae, alii iudaicum, aliis  
Bethsaidae desertum non ita procul, ac illa, a Bethabara disitum  
posset videri. Non ergo longius ibo, sed quomodo Christus  
omnia veri prophetae munia in Galilaea impleuerit, videbo.*

V. Finem certamini imposuit victoria Christi, coelestium-  
que ministrorum satellitum. Iter itaque in Galilaeam ad ob-  
eundum sibi delatum munus Luc. XXIII. 5. ingrediens Io. I. 29.  
venit ad Ioannem, ad Ierosolymitanos legatos praeclare de eo  
loquentem, suscepitque munus propheticum, & vocauit discipu-  
los Io. I. 37. seq. ut sint filii prophetici, & testes actorum eius  
Act. X. 39. 40. seqq. i. Io. I. 1. seq. quique testimonium eius ha-  
beant, Apoc. XIX. 10. & mittantur prophetae Luc. XI. 49. Ex  
his deinde dedit partim apostolos, partim vates, euangelistas,  
pastores, & magistros Eph. IV. 11. 12. 13., Luc. XI. 49. Et hoc  
ipso non secus ac Moyses in tota domo sua pius erat in patrem, quin  
multis eum parafrangis post se relinquens; ille seruus, Christus e-  
rat filius. Iustus vero vocationis apostolorum Christi aestima-  
tor, non mirari desinet maximam Dei sapientiam. *O vere con-  
siliium excelsum, & sapientiam immortalem, & doctrinam nouam, deque  
coelo allatam politiam (g)! Ex plebe infima tanta DEI instru-  
menta erant selecta, ad negotia nec humana, nec naturalia, po-  
nenda scil. vbique ecclesiae Christi fundamenta, quod humeri  
summorum pontificum, scribarum, & sacerdotum ferre recusa-  
uissent, & factu fuisset admodum difficile. Nam omnis verae sa-  
pientiae fontem, traditiones Iudaeorum, gentiumque philoso-  
phia & superstitio obsederant clausum; populoque e fontibus  
aliquid viui, & sereni haurire, vix erat integrum; sed riuulos  
consectari super humanarum traditionum lutum deductos, at-  
que*

(f) Cypr. serm. de ieiun.

(g) Basilii Seleuc. orat. 30.

que crassos, oportebat (b). Christus contra omnes fontes multo studiosius aperiebat, & demonstrabat; eosque purgatos ab istis corruptelis, denuo statim corrumpi nolebat. Sicuti ergo natiuitas eius, arcte & grauiter dormientibus primoribus, & magnis, primo omnium pastoribus patefiebat; *quorum innocentia & simplicitas electa est, ut laus Christi perficeretur: Et a pauperibus & humilibus praedicatio pauperiatis haberet initium* (i); ita non elegit magnos doctores, & philosophos, ne veritatem coelestem alienis superstrueret fundamentis; Rom. XV. 20. sed ignobiles atque plebeios, oris & sapientiae expertes Luc. XXI. 15. vt coelestis eius sapientia quam ex sinu patris integerrimam, atque clarissimam deportauerat, non statim ab initio vitatae carnis prudentiae additamento confunderetur, sed instar aquae in riuulis, quo propior scaturigini eo elaberetur serenior, omnesque scirent conuersionem hominum, non opus esse naturale aut terrestris sapientiae, sed solius gratiae & virtu-

- (b) Excoecati fere erant Iudaeorum primores, quando illotis manibus edere & meretricari aequae aestimarent; in lotionem vero quae *σύνβολον ἀνυπακτίς ζωῆς* erat, Philo *de vita Moysis* lib. III. munditiem animi omnem quaererent. Iniurii vero & insanabili furore correpti erant, cum tempus quod diuinis oraculis impendatur, perditum, beatum contra quod traditionibus, gaudio sc. pectoris ossiumque sanitati, ducerent. CAVE in *Antiquit. Apost.* introd. §. XX. XXI. p. m. 110. III. Verum ergo quod vir doctissimus IO. HENR. MAIVS in *synopsi theol. iud.* p. 2. ex ipsis traditionibus doctorum Iudaeorum dedit: *Filius David non venit, donec omne regnum in haeresin lapsum fuerit; sapientia scribe- rum foetebit, & veritas deficiet* Es. LIX. 15. Et plane nescio, an malitiam magis, quam inscitiam eorum arguerit legatorum ad Ioannem expeditio. Quaerebant an sit Messias? hic tamen ex tribu Iudae futurus; Ioannes vero e tribu Leui ortus erat. Praestabat sane magnis istis magistris, vera sapientia gentilis & Syro-phoenissa mulier, Matth. XV. 22. Gentilium vero philosophi ex toto in tenebris sedebant, stultitiae inclusi carcere, non agnoscetes DEVM, & veritatem. (i) Cyprianus in *serm. de natiu. Christi.*

virtutis diuinæ. Illos igitur, quos cultu fecisset optabiles fama litterarum, vt Paulum, exuere oportebat humanam sapientiam, vt Christi sapientiam augusto & puro exciperent pectore. Nouum enim vinum coelestis sapientiae, & mysterii crucis Christi, in recentibus quaeritur vtribus; imbuti vero aliis liquidis rumpuntur, & vinum effunditur. Matth. IX. 17. Nihilominus quoque multa purgamenta e pectoribus discipulorum auerruncavit seruator, quam vocationis suae finem accurate nouerunt. Humanitas autem Christi inter haec summa erat in discipulos; fermentum pharisaicum iisdem inuisum faciebat, per gradus eos efferebat funibus amoris & hominum, demulcebat mentes exquisitissimis regni coelestis adumbrationibus & figuris, vt eas voluerent & pensitarent; nec tamen doctrinarum studiorumque copia aut magnitudine eosdem obruebat; Io. XVI. 12. sed institutis examinibus suauissimis corroborabat. Matth. XVI. 13. seqq. Luc. IX. 18. seqq. Adeo non conuenit consilia diuina inter & rationem humanam, destinationesque phariseorum. Mundi enim stultissima elegit Deus, vt sapientes confutaret. 1. Cor. I. 27. 28. (k)

F

Hoc

- (k) Tumido contra phariseorum ingenio, homines casto, ventosarum traditionum suarum strepitu, ventre, intolerabiles erant, & *עם הארץ* *populus terrae* vocabantur. Quique duceret filiam hominis indocti, aequè maledictus sit, quam qui cubuisset cum bestia, esset enim bestia. Hoc quidem pacto male moratae & lasciuiae eorum filiae litteratis aliis poterant obtrudi. Nec licebat illitteratos in testimonium citare, nec arcana iis reuelare. Io. VII. 49. Inepti ideo visi sunt phariseis qui de rebus tanti momenti testarentur, apostoli. Et cum forsan a plebe quae inaugurationi Christi interfuerat, vocem coelestem acceperant, eius autoritas apud primores suos non valebat; mittebant ergo *ἐντιμολέγεας* eruditione ac prudentia insignes ad Ioannem. conf. summe reuerendi Dn. D. Danzii inaug. Christi §. 71. p. 261. & §. 76. p. 273. in notis. Illi enim sapiebant soli, reliqui volitabant sicut umbra. Nihil ergo deerat, quam vt professae Luc. XII. 11. pietatis ergo sibi scalam erexissent & ad coelum soli ascendissent, quod Constantinus epi-



Hoc ipso nihil fere magis sapientiam Dei verbis inexplicabilem arguere arbitror. Ideoque gratias agit & effert coelestem patrem seruator optimus; Matth. XI. 25. Verum plurimos discipulos vocauit Galilaeos, inque Galilaea congregauit. Iudas quem Iudaeae Kerioth, aut oppidum quoddam Iscari creditur genuisse, vnde vel **איש קריות** siue Iscarioth, aut a tribu Isaschar dictus sit, inhabilis ad apostolorum munia, ab eorum virtutibus degenerauit. Istius rei causam ponunt qui allegoriis delectantur: quod **לגללים** *volubiles, orbes*, 1. Reg. VI. 34. esse debuerint; vt in omnem terram exiret sonus eorum; Ps. XIX. 5. & euntes docerent omnes gentes; Matth. XIX. 16. nec starent in foro ociosi. Matth. XX. 3. Proximam tamen causam arbitror: Deum voluisse innuere se humili & abiecto delectari & vti. Vnusquisque eorum vocationis diuinae sensit stimulum, atque virtutem diuinam, omnipotentiam, & omniscientiam, qua Christus mentis habitus nouo indito nomine exprimebat. Omnia enim interiora eorum vel ante primam faciem, erant expedita. Primi, vt opinio est, ex Ioannis fuerunt discipulis. Andreas **πρωτόκλητος**, & Simon Petrus. Philippus rectius **τα πρωτεύων** habens, quippe qui primum secutus est, illi vero de institutione, cum Christo tantum transegerant, Io. I. 44, & verus Israelita Nathanael siue Bartholomaeus; Iacobus & Io.

---

scopo Acesio suadebat, Socrat. l. 1. hist. eccl. c. 7. O si candidissimam & integerrimam, post illos doctoris iudaici Kimchi, confessionem ad Iob. XIV. 3. qua intima phariseorum ferit, & penetrauit, & ipsi tenuissent, adeo procaces non, sed fractiore eos fuisse animo credo. *Etiam, inquit, institutae nostrae, quas nos facimus, non sunt acceptae sed spretae, quia eas non facimus, nisi vt in iis gloriemur, & offeramus nosmet ipsos, & inuideamus alteri alteri.* conf. laudatus D. Maius l. c. loc. X. de iustif. §. III. p. 156. Nihil certe abstrusis phariseorum dolis & insolentis detegendis acomodarius, nihil aptius. Hoc autem omnes litterati & sibi dictum debent putare, quod Augustin. l. 8. confess. 8. habet: *furgunt indocti & rapiunt coelum, & nos cum litteris siue doctrinis ecce in carne & sanguine volutamus, i. e. in vanitatibus mundi & coeno.*

Ioannes; non minus fratres Christi, Iacobus minor, Simon Zelotes, Iudas Thaddaeus, Matthaeus & Thomas. Hos omnes e Galilaea ortos non contemnendis rationibus existimat saepe laudatus Caue; (l) omnes etiam in Galilaea instituti, & emissi sunt. Luc. IX. 2. Reliquos, vt & LXX. discipulorum multitudinem, aliasque turbas sequentes Christum, Marc. VI. 31. VII. 24. Luc. V. 15. VI. 17. 18. HX. 4. taceo.

VI. Vocatis quibusdam miraculorum atque coelestis doctrinae testibus, venit cum iis in Galilaeam, & antequam inciperet docere populum, quaedam fecit miracula. Deinde munus propheticum exorsus est filius ἐγκόλπιος patris, huius de salute hominum voluntatem exponendo, atque salutis viam monstrando. Summa vero & argumentum omnium concionum eius hoc erat, quo ibi incipiebat, vbi desierat praecursor Ioannes: elapsum esse tempus, instare nunc regnum Dei, patiantur ergo homines se corrigi, & credant. Matth. IV. 17. Marc. I. 15. Tanto certe studio instituendi populum palantem & errantem Matth IX. 35. 36. flagrauit, vt eius misertus, crebris peregrinationibus per omnes Galilaeae ciuitates & vicos obiuerit (m), Luc. IV. 25. Marc.

F 2

I. 39.

(l) l. c. vbi haec omnia fusius sunt exposita; sufficit hic dixisse: Christum eos e Galilaea oriundos in apostolorum ordinem transtulisse, atque cum iis ibidem plurimam egisse aetatem. Simonis quidem qui Zelotes dictus, patriam, recensio patriarum 12. apostolorum ex codice regio edita post chronicon paschale p. 438. (Rel. III. p. 722.) Salim, vbi Ioannes baptizabat, facit: sed probabilius de eius patria est quod habet Caueus; cum dicta recensio patriam Petri pro Berhsaida dicat Thebaiden. (m) Lectissimam piis meditationibus ansam praebent dura Christi itinera, quibus hominum salutis ergo, itiones longas, & mansiones asperas, accessiones frigorum, decessiones dierum, & alia noxae opportuna, quibusque adhuc infans, teneris pedibus officium ambulandi negantibus, assuefactus Matth. II. 14. non vitabat; sed boni pastoris ad instar nullum tempus praetermitterebat, nullumque fugiebat sudorem, si modo seruaret ouem. Ea hanc ob rem petebat loca, vbi omniscientia eius auxilium su-

I. 39. Luc. IIX. i. sabbathorumque diebus, in synagogis legerit atque docuerit. Luc. IV. 16. Inter omnes vero sermones Christi in Galilaea habitos, praecipue illi sunt notandi, quos euangelistarum monumenta enarrant copiosius. Primam Christi orationem, quam omnium dixeris solennissimam (n), in patria ciuitate Nazareth, ad quam, adulta & media hyeme, laborem itinerum augente, se receperat, maximo in eandem studio, in

---

um acceptius, magisque necessarium nouerat; vbi multi simul sapientiae eius verba audire, & omnipotentiae facta videre, seruarique possent: quod sane non factum esset, si vno semper loco remansisset. Nullum ergo vnquam oblectamenti caussa, vel vt modo abscessu, modo discessu variaret locorum distinctionem, iter fecit; sed vt multis eorum maiori commoditate seruiret: & ita nemini cogitando adsequendum, aut satis fando celebratum amorem & studium, in quaerendis perditis ouibus e domo pariter Israel, Matth. XV. 24. XXIII. 37. ac gentibus ad ouile suum ducendis, Io. X. 16. filiisque Dei cogendis in vnum 1. Io. II. 5. manifeste declararet. Ea propter toties etiam per Galilaeam est profectus vt regnum Dei promoueret. Diabolus enim, qui ab initio coelestem veritatem, inuidus, affectauit exprimere, constans item est *Peripateticus*, si ita loqui fas erit, Iob. I. 8. II. 1. 1. Petr. V. 8. sed vt leo rugiens quaerit quem deuoret, & sicut fur furetur, mactet, perdat. Io. X. 10. Christus autem ad Davidis instar eundem persequutus est, vt haedulos leonis & vrsi faucibus eriperet, atque seruaret; humillime incessit, absque vanae gloriae ostentatione & strepitu, vt confunderet aduersarium. Longum vero foret omnia Christi per Galilaeam itinera hoc loco referre, quippe ibi fere solum egit, ibi multum docuit, eamque permeauit sedulo, conf. SANDHAGEN I *kurtze Einleitung die Geschichte unsers Herrn Iesu Christi zu betrachten.* (n) Obtulit sese seruator (vt quidem Lightfootus putat) in synagoga Nazarethana pro Maphtir, qui non semper legit Parascham, sed quandoque Haphtaram; offert Chazan siue aedituus codicem Iesaiæ, ex eo legit ipse seruator textum, & sedens hunc attentis primum auditoribus exponit mirifice.

in verba Ies. LXI. 1. seqq. recitavit. Et cum forsan regni Mes-  
siae, quod iam venerat, prosperitatem, ad eos imprimis pertinen-  
tem, ex prophetae verbis explanavit; magna erga eum reueren-  
tia perfusi, omnes in eum coniciebant oculos, & vehementer se  
mirari ac stupere confitebantur Nazarethani. Quam primum  
vero pectora feriebat veritas, praetereaue parentibus Christi  
apud eos pondus nullum erat; in extremum vitae periculum  
adductus est, suoque, quod dixerat, firmavit exemplo: nullum  
vatum esse acceptum in sua patria (o). Luc. IV. 15. 16. seqq. Al-

F 3

tera

- (o) Tanta in Christo offensionis excusatio, quam Nazarethani ob-  
tendebant, lubrica erat & stulta. Arbitrabantur enim in tam  
abiectae sortis hominem tantam virtutem & sapientiam non ca-  
dere. *Nonne, inquit, hic est Iosephi filius?* Et ea plerunque  
rerum est facies, ut peregrina placeant ingenia, nouandis saepe  
quam gerendis rebus aptiora, sicut platani ex alienis regionibus  
vmbrae gratia petiti, qui deinde de sola peregrinitate gratiam  
possident. Quamvis quidem & hic valeat illud, quod dicitur:  
*Hoc viridi si contingit ligno, quid arido fiet?* Quamvis, inquam, &  
nostra aetate in solo patrio aut rara sit, aut nulla vatum gratia.  
Et hoc, quod ex dictis constat, ob plurimos populares intem-  
pestive curiosos, eorumque nimiam ingeniorum exterorum cu-  
ram & desiderium, internorum quasi exhaustorum neglectum  
& invidiam, variasque status rationes impias. Veruntamen quo  
verius illud Ovidii lib. 1. de Ponto (conf. Thom. Lansius orat.  
contra Germaniam,)

*Nescio qua, natale solum, dulcedine cunctos*

*Ducit, & immemores, non sinit esse, sui:*

eo libentius omne studium, omnemque operam patriae com-  
modare fructui omnes decet ad exemplum Christi, qui primum  
docens ciues Nazarethanos, eiectus est; duplici tamen vice postea  
doctum ad eos venit: licet quod plerisque solenne est, & pes-  
simum quod habent animi magna virtute insolescentes, ut quos  
laeserint, oderint, & Christo accidisse, eosque qui eidem pin-  
nas incidisse sibi persuaferunt, renasci noluisse, & ita nec audi-  
uisse, nec secutos esse, ex N. T. apparet. fastis.

tera Christi oratio, quam exponunt euangelistae, ea est, quam in monte Galilaeae prope Capernaum, non notum certo nomine, pronunciauit. Matth. V. seqq. Fundamentum haec est omnis doctrinae christianae. Loquitur primum de felicitate sincero-  
rum vitae suae sectatorum, nominatim *spiritu pauperum*, qui vt angustam ad vitam portam irrumpant, omnia, quae sui ipsius studium, & de seipso existimationem arguunt, detraherent, eorum esse DEI regnum; *lagentium* deprauatas & vitiatas animae facultates, quique iactationum tumultuumque exinde cognoscerent necessitatem, & admirarentur, illos exquisitissima voluptate & vitali rore, ceu grauidis vberibus, esse rigandos; *mizium*, qui omnes hostium insultus virtute spiritus mansuetudinis sustinerent, illos non huius aevi bonis modo, quae tenebrarum filii ipso facto quasi & petulanter inuadunt, affluentes, sed coelestium quoque suauitatum fore haeredes; *esurientium & sitientium* iustitiam, illos secundum imaginem suam expectatos saturari; *miseri cordum*; *corde purorum*; *pacificorum*; *vexatorumque*, singulorum felicitatibus interpositis. Quae ne effundantur, omnes iubet circumspicere, ne sicut salis puri flores, ecclesiae foecundantes agrum, infatuati fiant; sed luceat lux eorum assidue inter mortales, ad DEI gloriam. Omnes enim virtutes pugnant, sola perseverantia coronatur. Deinde veram legis voluntatem exponit, Iudaeis abstrusio-rem; vt omnes habeant regulas, quae vera & falsa iudicentur, quaeque actiones nostras forment, & dirigant. Lex Moysis enim non omne v-  
ditorum genus, sed vnaquaeque lex partem quandam tantum, eamque horribiliorem refert expresse; ea explicat seruator dilucidius, accomodatisque illustrat exemplis: tres etiam hominum affectiones & concupiscentias aequae perstringit, atque monstrat, quomodo, & qua ope possint declinari, & reprimi. Profecto hac Christi, in monte Galilaeo, concione, qua exacte adeo legem, in monte, populum arcente, datam, maxima, euangelicis priuilegiis, praesente turba explicauit, nemo habuit vnquam absoluiorem, nemo quoque habiturus erit. Iam omnis mortalium sapientia infatuata erat, omnem philosophorum Iudaeorum ac gentilium bene viuendi rationem oportebat obmutescere, cum ipsa

ipsa veritas ea proferret, quae non nisi ab eadem disci possunt : optime iam institutum & viam ad salutem monstravit , quam ipse stillante, de perfossis manibus pedibusque eius, sanguine, ingressus est, & signavit. Post hanc variae, quas naui insidens, eque infinito suo promptuario *καὶ τῇ πάλαια* depromens, commentus & locutus est similitudines, collationem atque imaginem regni eius habentes, sunt insignes : de semine, de quadruplicibus agrorum ingeniis, de luce, de fermento, de thesauro, de vnione preciosa, de euerriculo, & alia, singula immensae Christi sapientiae argumenta. Iudaei enim doctrinae eius de abrogatione cultus ideis inuoluti, inque huius locum substituendi sanctioris, cuius sectatores coelestem patrem spiritu & veritate prosequerentur, summe erant impatientes. Notanda est praeterea molesta ista ac dura, multorum obduratis, & curatis conuersionibus nondum mitiora factis pectoribus, visa ; sed mysterii & solatii plenissima, de spiritali panis potionisque coelestis perceptione oratio : qua finita multi discipulorum abierunt, vsumque & confortium Christi recusarunt. Egregie porro ad discipulos populumque, in Galilaea, comites dixit de sui abnegatione *magna ista*, AUGUSTINO (p) interprete, *Et mira sententia, quemadmodum sit hominis in animam suam amor, ut pereat, odium ne pereat. Si male, addit, amaueris tunc odisti, si bene oderis, tunc amasti. Felices qui oderunt custodiendo, ne perdant amando.* Ultimo tandem cum discipulis Galilaeos videtur instituisse seruator in schola Capernaïtica, concionibus eius maxime frequentata, cum placabilitatem exposuit eamque commendauit sedulo. Sed quia inter nullos fere magis disceptatur scriptores, quam eos, qui de *harmonia euangelistarum* commentati sunt, plures Christi sermones incitatissimos qui in Galilaea videntur habiti, quosque in primis Lucas XII. vsque ad c. XVII. 10. exhibet, omittam. Taceo quasdam cum phariseis in Galilaea disceptationes, maximis saepe salutis doctrinis refertas. Taceo frequentes populi institutiones in synagogis, similitudinibus, & exemplis exquisitisimis passim illustratas, quarum argumenta quidem non expresse habent N. T.

pa-

paginae. Luc. IV. Marc. I. Matth. IV. 17. 23. Marc. II. 2. Io. XIX. 20. Taceo sermones Christi locis incultis, montanis, viis, ac mare factis. Quotiescunque enim facultatem docendi sibi oblata cognouit; more solito, Marc. X. 1. VI. 34. Matth. XIV. 1. Io. XIX. 20. locutus est ad populum, vt indicaret, verbum diuinum non ad selectam domum, aut rostra esse alligatum, sed tempore ac necessitate ita flagitantibus, rupum antra, montiumque cauernas ad exponendam diuinam legem aptas esse (q). Equidem seruatori sapientissimo saepe non erat locus, vt omnes eum audire potuissent. Summo enim cum applausu docebat in Galilaea, vt eos, qui confluerant, ne vestibulum quidem caperet; Marc. II. 2. nec ipse cibum fumere poterat, Marc. III. 20. & infans dicebatur ob infirmitatem, quae eum affixerat perpetuo labore contracta (r).

VII. Fidelitas Christi in docendo inspicere potest penitius, si fidi prophetae & doctoris officia, quae cuncta ad praedictionem Ies. LXI. 1. seqq. seruator diligentissime exsequutus est, singulatim attendimus. Primum ergo vero inesse prophetae debet *διδάχνη* 1. Tim. III. 2. vt *διδάκτωρ* & ad docendum aptus sit: *Non enim Cicerone iudice; solum scire aliquid artis est, sed quaedam, etiam ars docendi.* Quem vero latet quanta seruator in docendo ignorantes valuerit prudentia, & quanta praesertim Galilaeis assiduitate suas instillauerit fidei vitaeque regulas coelestis omnium doctorum.

---

(q) Sic Caue in antiquit. apost. introd. p. III. §. III. p. m. 128. August. de ciuit. Dei lib. X. c. 4. (r) Post miracula, rapidissime praeceptiones nouae diffunduntur, earumque firmatur veritas, si autores absque suo commodo easdem tradunt. Et hoc praeter ea, & admirandam orationis Christi gratiam, & auctoritatem, Luc. IV. 22. Marc. I. 22. in causa fuisse videtur, quod tanto populorum, integritatem & humanitatem eius perspicentium, applausu locutus sit. Marc. I. 37. VI. 34. Luc. IV. 15. 20. 22. V. 1. 15. VI. 17. 18. - Concurrebant homines maiori imperu ad piscatorum viles casas, Marc. I. 33. II. 2. seqq. & alia loca vbi seruator erat, Luc. V. 1. quam ad augustissimas magnatum domos, eorumque aduentus.

etorum doctor? Nam factum est quod de eo praedixit Iesaias: IX. 1. coll. cum XLII. 6. 7. fore, ut in primis degentibus in tenebris Galilaeis sit luci splendidae. Tot etiam, quibus eosdem salutis ordinem, regni sui conditionem, quidue in huiusce quaeratur ciuibus, plane & simpliciter docuit, praesertim montana illa, & plures marinae testes citari possunt conciones, & eximiae similitudines, quibus ad demulcendos auditorum animos seque suaque bona adumbravit. Imperitis quoque discipulis Matth. XVI. 8. 9. semper ab ore eius pendentibus, ostendit patrem, Io. XIV. 8. eiusque voluntatem, mysteria insuper, & similitudines ipsius non ita obscuras, cunctaque scitu necessaria exposuit impensius. Matth. XIII. XIX. 1. seqq. 21. seqq. Marc. IV. Luc. IX. Et quomodo omnes Christi institutiones & doctrinae tam arctis paginis possent contineri, cum & ipsis pharisaeis aduersariis nunquam aeternae vitae verbis, Io. VI. 68. non suasisse meliora? Sic erat *palatum eius dulcedines*, Cant. V. 16. & *labia eius rosis aemula*, 13. Ps. XLV. 3. stillantia simul myrrham. Nam non solum melle dulcius praedicabat euangelium, sed & ante monebat: signa eius sequi volentibus gustandas esse myrrhas, Matth. IV. 17. XVI. 24. alte fodiendum, & fundamentum in petra iaciendum, Luc. VI. 48. IV. & quae sunt alia. Tantis dotibus etiam discipulos suos exornauit, ac ante ascensum eius, Galilaeam diuina virtute instructos obire iussit, Matth. X. 1. 6. seqq. qui coelestem quoque doctrinam, quam a fonte Christi inexhausto sicut conchae exceperant, sicut coagula & canales ex abietibus semper viridibus spirituque plenis Cant. I. 17. in eas regiones, & tandem in exsiccata gentilium quoque pectora effundere. Adeo studiose & ardentem propheta noster maximus erudiuit imperitos.

VIII. Qui vero per inextricabiles pene pharisaeorum tenebras vagabantur, & aduentus Messiae finem non prospiciebant, eos blande, & humane corripiebat. Veluti enim in magna strage, alius alium trahit in ruinam; & in publico errore, alius alium trahit secum ad perniciem: ita omnes fere praeconcepas opiniones tenacissime fouebant. Eas ante euellere seruator alaborabat, ut veritatem posset inferere; quia, autore Seneca, *nihil*



*proderit dari praecepta, nisi prius amoueris obstantia praeceptis.* Omnem verum DEI cultum homines sui aevi in externarum actionum quaerebant diligentia. Diabolus enim versutus & fallax salutis hominum hostis, stimulos conscientiae, quae veluti iudex hominum anxie, in quo adquiescat, quaerit, probe noscit; iniquam ergo animis propinat quietem, qua, sibi ipsi excogitata religione, consumi possit aetas. Pari modo, dum Christus hanc agebat vitam, plurimi errabant, & nesciebant scripturas, virtutemque DEI; Matth. XXII. 29. praecepta diuina parum interpretabantur curate, quin prauae voluntatis interpolarent notationibus, hostes odio prosequi licere tradebant, & quae sunt alia errorum genera plurima. Haec omnia diuinae aduersari legi seruator aperte demonstrauit, miseriamque naturalem detexit; Eph. V. 22. Matth. XII. 34. exinde eos non bene loqui posse, si manerent mali. Sic maximum ei fuit certamen cum sui temporis Iudaeis, qui diuinitus traditam religionem fere in superficialiam verterant Matth. V. 20. seqq. VI. 1. 18. seqq. (r) Si deinde ex gestis Christi aliquam offensionem sumebant, diserte eos correxit, & errores illorum posuit ob oculos. Indignum esse tanto viro peccatorum consortium arbitrabantur; seruator autem, vt hi periti diuinarum legum, irent & discerent scripturas, iussit. Impium ducebant Christum in DEVM, eumque peccata remittendi potestate neutiquam gaudere putabant; ipse vero Matth. IX. 5. ita eos conuincebat: vel ab eadem virtute diuina & remissionem peccatorum, & miraculorum proficisci potentiam, aut hanc illa esse minorem? si ergo viderent eum sanare fideratum; credant eum etiam posse peccata remittere. Maxime autem seruatorem labi existimabant, violatione sabbathi, ea agendo, & discipulis indulgendo, quae sabbathi prohiberet sanctitas, & institutio diuina; egregie tamen, se sanctum & tutum esse vel ab vnius instituti diuini violatione, promptissimis sanctissimisque suis responsionibus ostendit; discipulorum etiam innocentia facta Deut. XXIII. 25. exemplis & argumentis, sabbathi praeceptionis causam, vt nempe homo alterna frueretur requie, & cum DEO ageret, non autem sibi ipsi vel

vel fame, vel alius necessitatis detractioe, vim inferret inexplabilem docens, defendit. Increpabant discipulos Christi, quod illotis ederent manibus; sed & hanc pharisaeorum praeconceptam seruator detexit opinionem (s) verumque DEI cultum in vitae integritate cordisque puritate consistere demonstrauit, & indefesso studio, doctrinis & miraculis, quam humanissime eblanditus est, vt e crassae superstitionis & malitiae coeno emergerent. Marc. VII. Luc. V. 22. 30. VI. 1. seqq. 7. 8. seqq. 46. VII. 39. seqq. X. 25. &c. Errantem etiam populum auertit ab errore Matth. V. VI. iisque humani generis lapsum exposuit. XV. 10. Io. VI. 26. Et cum eundem terrestri diademate vellent ornare, minorem tamen Moysen ducerent; 30. seqq. non videntes seruatorem propria virtute, Moysen vero, Dei, tot saturasse hominum millia, regnum suum non terrestre; seipsum vero vitae panem esse monstrauit. Correctionem porro discipulis Ioannis adhibuit, qui cum pharisaeis discipulos eius asperius tractabant, & vitae liberioris iter obiciebant; Matth. IX. 14. seruator tamen optime pro suis stetit, asserens: non eos nuptiarum filios praesente sponso tristem decere frontem, nec adhuc pares esse durioribus corporis exercitationibus, & pannum adeo rudem veteri vestimento assutum auferre eius partem. Haerebant praeterea dubia mente, num Christus, ille qui venturus erat, sit, nec ne? omnem vero seruator dubitationis materiam iisdem amputauit, veri Mesiae notas exponendo, quas in seipso deprehenderent; addita hortatione: ne in eo offenderent. Matth. XI. 2. seq. Tandem quoque discipulos fratresque (t) suos, magnis crebro erroribus captos, in iisdem diutius versari non patiebatur. Hi quidem non satis

(s) vid. §. h. c. IV. sub lit. (b)

(t) Quod seruatoris nostri terrestris tutor Ioseph ex felicissima Christi matre nihil liberorum tulerit, non immerito nostrates asserunt: innocens etiam eorum videtur sententia: castissimum Mariae vterum Ezech. XLIV. 2. 3. adumbrari; fratres Christi vero dici proxima cognatione eidem coniunctos. Sic, qui cognatus Abrahami erat Lothus, frater eiusdem vocatur Gen. XIII. 8. & Laban sororis filium dicit fratrem, Gen. XXIX. 15.

cordate seruatorem videbantur complecti Io. VII. 3. seqq. & fortassis optabant, vt res eius a primoribus introspicerentur, & ipsi veritatem cognoscerent; hunc imprudentem mentis ardorem sedatiore animo emendauit, & aduersus seipsum mundi inimitiam, cui ipsi adhuc non essent expositi, docuit. Illos vero, qui in societatem perfectissimae humilitatis speculi venerant, eisdem tamen parum studebant, iussit in humilitate culmen quærere, & correxit eos; Marc. IX. 33. coeterosque errores eripuit. Matth. XV. 16. seqq. XVI. 8. Sic verus propheta noster in Galilaea errantes correxit! Qui vero errores suos deponere volebant, illos conuicit egregie, & confutando *ῥήματα*; Matth. XII. 11. 14. Marc. III. 5. 6. Luc. VI. 4. 11. dumque humiliter veritatis discipuli esse negligebant, fiebant errorum magistri. Luc. VII. 31. 32. Ebr. V. 12.

IX. Hinc nouum veri prophetæ fuit officium, vt contumaces etiam redarguat. Sed nec hanc eius partem seruator in Galilaea praetermisit; quin sine omni ad personas respectu supremos & infimos, non publicos solum peccatores, sed etiam hypocritas, Marc. VII. 6. Luc. XIII. 15. increpuit. Non solum populum, vrbesque, quas miraculorum varietate atque multitudine prae coeteris illustrauerat; Matth. XI. 20. seqq. non solum discipulos Marc. IX. 19. inprimis Petrum, Matth. XVI. 23. perpetuum reliquorum interpretem paratissimum; sed phariseos quoque in alto honoris speculo collocatos, sincero corde obiurgauit: inflammata iustitia eius ad ardorem, irate eos circum est intuitus; commota ad dolorem misericordia eius, animo ingemuit; Marc. III. 5. IIX. 12. & vae dixit viperinae proli, prauae, & adulterinae nationi. Matth. XII. 34. 39. Luc. XI. 29. 40. 42. Etiam si enim pharisei rerum diuinarum rudes, ignarique, adeo tamen petulantes, & insani erant, vt Christo nullam, nisi extremae impudentiae fidem haberent, & (quia de sede sua, saluo Christo, se moueri arbitrabantur, eique gloriam tantorum miraculorum, quae huc vsque non viderat ecclesia Israelitica, inuidebant,) sanctitatis suae specie, plebem, a vero non adeo alienam, studerent inducere, vt crederet eum non nisi per Beelzebub tanta edere miracula; quid? quod vitae eius pararent insidias, Matth. XII.

14. seqq. Veritas autem Christi eorum ora ita obstruebat, vt quod referrent; ipsis non superesset, quam signi petitio; exquisita tamen eos expleret. Cum tandem ab istis mercedem maximi amoris sui frustra expectauerat, obsequium; iustitia meritas exigebat poenas, licet ipsius amor, vt hominum more loquar, vae dicendo, maximum ipse vae sentiebat. Nihil ergo intermisit officii prophetici seruator, mansuetus in Galilaea, vt omnes scirent; quae sibi forent saluti; docuit & monuit, duxit, blande vocauit, grauitur quidem, sed sine aemulatione & vindicta reprehendit. (u)

G 3

X. Apud

- (u) Quemadmodum hisce seruator omnibus fidis gregis sui pastorebus exemplum reliquit, quomodo τὴν διακονίαν τῆς κατὰ δαλμαγῆς debeant administrare: ita in primis gerendi redargutionis, quod vocant, officii, excellentissimum posuit speculum. Vt videlicet pro magna sua, & auditoribus cognita, in officium, cui praesunt diligentia, hosce instituunt moneantue, pro autoritate ecclesiastica hortentur, pro magnitudine periculi animarum suarum obtestentur, & redarguant contumaces, veritatemque libere pronuncient. Nentiquam vero Christus imprudentum pastorum causam agit, qui in reprehendendis aliorum, quos timent, propriaeque domus enormibus vitiis, (ne sc. propriam, quod dicitur, allegent turpitudinem,) molles, & muti canes sunt, latrare nescientes; Ies. LVI. 10. Ez. XIII. 5. & τὴν ἀνομίαν ἐργαζόμενοι Matth. VII. 23. Christum peruerse praedicant: Eph. IV. 20, 21. illorum contra festucam, qui ipsos, pro decenti suo in rempublicam studio, de eximenda propria trabe, & corrigendo domus suae prauo exemplo, perniciem trahente insanabilem, inque populum seculumque veniente caste ac integre monent, e sacris rostris, priuata ducti vindicta, nimis exaggerant; & vt maiorem peccasse visis ciuium consient inuidiam, suo nomine, causa nondum cognita, appellant, cient, agitant. Peruerse Christi militia! Non pro te Paulus vocem, quam saepe vrget, & ardentem animarum seruandarum curam praetendis, misit. 2. Tim. IV. 2. (*Stultitia autem est alienae animae parcere cum pernicie suae.*) His verbis, verbum diuinum praedicandi studium, non mun-

X. Apud quos tandem verba & institutiones eius non ceciderunt in irritum, quos cohortationes eius excitaverunt, quos denique reprehensiones stimulant, illorum moestitiae grandia tribuebat solatia, tempestive contrectabat vulnera, & infirmis serviebat, ut fidi est pastoris. Ies. LXI. Hes. XXXIV. 16. seq. Hac ratione & ultimum prophetici muneris, quoad doctrinam, partem in Galilaea explevit. Afflictorum conditionem praedicabat beatam, Matth. V. 3. 4. seqq. omnesque ad se vocavit onustos, XI. 28. Ingenue etiam se venisse vocatum son-

---

danac sapientiae excrementa, & intempestuos impetus commendat. Audi infinitae sapientiae doctorem. Luc. XII. 42. Matth. XXIV. 45. Non te ἡ ἀγάπη ἔχει συνεχῆ 2. Cor. V. 14. Non sincere, non modeste, non grauter, quae facis, sunt. Non refert societatis, cui praees; non tibi cum seductoribus aut haereticis res est. Non in te illud Ambrosii ad Iren. lib. I. ep. 6. quadrat, quod studiose quidem, & ineptis sacerdotalis supercilii motibus, affectas; cum grano tamen salis, non tuo gustu, h. e. profano & tumido, quo parum abest, quin e suggestu tuo libidinosas saltationes, & quid non? praeciperes, Ier. XXIII. 13. 14. aestimandum: *Pythagoricum*, inquit, *mandatum*, in aliquorum scriptis praedicari inuenimus, quod ille discipulos suos communem, atque usitatam populo, prohibuerit ingredi viam. Et in sacerdotibus plebecium nihil requiri debet, nihil populare, nihil commune cum studio, atque usu, & moribus inconditae multitudinis, sobriam a turbis gravitatem, seriam vitam, singulare pondus, dignitas sibi vendicat sacerdotalis. Quomodo enim observari potest a populo, qui nihil secretum habet a populo; nil dispar a multitudine? Quid enim in TE miretur si sua in TE recognoscat, si nihil in TE adspiciat, quod ultra se inueniat, si quae in se erubescit in TE quem reuerendum arbitrat, inueniat? Iudica haec ad exemplum exemplorum Christi, eiusque summam in plebem humanitatem & misericordiam, & poterunt vindicari; ad turgidam tuam & profanam voluntatem, auspiciisque tuis in plebem potentiam immerito anticipatam, & erunt falsa.

fontes ad bonam frugem fatebatur; IX. 13. erigebat prostratos animos, Luc. IIX. 48. 50. quique fauoris sui documentis se indignos putabant, iisdem maxime dignabatur; Luc. V. 8. 10. 13. 15. Matth. IIX. 8. seq. IX. 21. 22. XV. 28. infirmam fidem firmabat, Matth. IIX. 26. Luc. V. 9. seq. IIX. 50. peccata denique remittebat. Luc. VII. 48. Matth. IX. 2. Et hic verum est, quod de Alexandro Se-uero dicitur (x): *omnibus blandum affabilemque se praebeuit*, &, quod addere liceat, neminem a facie sua tristem abire passus est. Adoles-cens vero ille diues, qui trans Iordanem, in itinere Christi ad Iero-solymas, ad eum venit, Matth. XIX. 16. conf. v. 1. cui etiam pauper-tas Christi adeo aduersa erat, seipsum contristabat, sibi que ipsi hila-ritatem, qua Christus eum potuisset perfundere, inuidebat.

XI. Ne autem videretur seruator noster nouitatis & ambi-tionis studio a traditionibus iudaicis prorsus aliena docere; do-ctrinae eius fidem fecit diuinitas non minus ac copia mira-culorum. Egregium enim ac tutissimum ad nouam doctrinam disseminandam sunt praesidium (y); quia solus DEVS naturae leges potest dissoluere, vt recte sentiebat Nicodemus: Io. III. 2. Christum esse doctorem a DEO missum, quia tanta facere mi-racula, quae ipse, nemo possit, nisi DEVS sit cum eo. Quod, si & ipsi naturali hominum rationi est congruum; Act. XIV. 11. iure me-rito ex miraculis ecclesiae nostrae doctores existentiam non mi-nus DEI, & veritatem religionis christianae; sed speciatim ex Chri-sti miraculis eiusdem diuinitatem probant et defendunt, contra quosuis eorum obtrectatores, cauillatoresque Iudaeos pariter ac atheos; (z) quoniam ad manifestandam ipsius gloriam facta sunt;

(x) Aelius Lamprid. in vita eius c. XX.

(y) Ebr. II. 4. Marc.

I. 27. XVI. 20. inprimis conf. D; praesidis theses theol. de *atheismo & superstitione* p. 288. 607. seqq. & in doctissimi viri SAMV-ELIS WERENFELSII opusculis variis dissertat. *Num miracula certa sint veritatis signa.*

(z) Tam excordes, tamque dementes fuisse Iudaeorum primores & pharisaeos, vt daemo-nis ope, seruatorem nostrum tanta miracula facere, plus sim-plici vice nulli dubitarint asserere, notius est, quam vt iam di-cam. Ea videlicet eos tenebat opinio, vi nominis tetragram-

sunt; Io. II. 1. II. & quae apostoli fecerunt miracula, ad eiusdem gloriam; inque nomine eius, fecerunt. Act. III. c. IV. 2. 6. IX. 34.

mati miracula posse fieri. Hoc etiam baculo suo inciso, siue inscripto, Moysen tanta quae egerit, egisse, obseruantibus eruditius Iudaei dicunt. Id quod & de Bileamo sentire quosdam asserit Herbelot. bibl. or. p. 180. Hoc mysterium seruatorem indagasse, eiusque ope tanta facere putabant pharisaei. Quia vero prae caeteris Palaestinae partibus, Galilaea, Christi dicta patria, praestigiarum & incantamentorum postulabatur. Praestigiatoribus enim & praecantatricibus fere omnibus e regione. I. Sam. XIX. 9. excisis; occultam habebat veneficam Endor Galilaeae: v. 7. Mentionem insuper facit Relandus noster vrbis Schichin lib. III. Palaest. p. m. 732. ex Gem. Hieros. Taanith, & Echa Rabbati fol. 75. 3. propter artes magicas vastatae; eamque haud contemnendo signo ad Galilaeam pertinuisse credit. Non ergo nisi magicis artibus Christum τὴν γεαφὴν ἐν τῷ ἱερῷ ἀνακεῖ, μένῃ inuenisse, & miracula fecisse, mentiuntur apellae. Rite autem notata est haec extremae impudentiae pestisque nefandae fabula, a viris earum rerum peritis. Ex instituto post WAGENSE ILIVM in confutatione libri *Toldos Ieshu* nuper hoc egit Theodorus Haseus in diss. historico-philologico-theologica de שתי כוכבי c. III. §. 15. seqq. O si vellent credere seruatore nostrum verum Messiam, ipsum esse IEHOVAM, nostram iustitiam, & lapidem fundamenti saltem fuisse typum petrae nostrae, mox essent mutaturi sententiam, & dolentius deploraturi suam coecitatem; sed hoc adhuc eorum latet oculos! Cautiores videri volunt e recutitae gentis grege ii, qui quidem huic fabellae pollicem non premunt; sed Iesum schem hamphorasch ne quidem nouisse, & omnia per artes magicas, a praecceptore suo R. Iehoschah ben Perochia membro synedrii magni acceptas, egisse, volunt; vid. MVNSTERS ad cap. II. Matthaei. Varia enim Iudaei habebant exorcismi genera, vanosque radicum vsus, qui, quod a Salomonis sapientia I. Reg. IV. 33. sint deriuandi, fide est certo lubrica. Ioseph. antiquit. I. IIX. c. 2. Sed non minus mente capti hi sunt, quam illi, narraſſe etiam est re-

IX. 34. XVI. 18. Verum prae caeteris terrae sanctae regionibus Galilaeam non immerito miraculorum Christi theatrum dixeris

H

ris

futasse. Ipsa enim seruatoris veritas magis pro prompta sua defensione Marc. III. 22. seqq. Matth. XII. 22. seqq. effecit potuitque, quam nos longis disputationibus pugnare. Num vero diabolus absque praestigiis, quae tantum ad circumscribendos oculos valent, & in conspectu maximae multitudinis, pedes claudorum ad officium gradiendi vno verbo reformare, multis facultatem verba faciendi, coecis visum, surdis auditum, mortuis atque sepultis vitam dare, & ea quae fecit Christus, possit, iudicent qui modo mentis usu non sunt destituti. Nullum sane mirabile facinus edet, sine suo quaestu, & quod non vltimam trahat perniciem in seculorum venientem secula. Omnia vero Christi miracula ad salutem corporum & animarum hominum erant comparata. Quod vero daemonibus ingrediendi porcos dedit veniam, diuinæ potentiae eius, & Gergesenorum malitiae, quorsum daemonum tendebat obtestatio, vt Iesus in eorum veniret odium, indignitatisque, quam propter seruator preces daemonum non renuebat, exquisitum erat prodigium & nota. Ideoque infidorum Io. IV. 48. 1. Cor. XIV. 22. miraculorum eius obrectatorum impudenti de coelesti signo postulato, non obtemperabat, quia & tale portentum incredulitatem eorum non fracturum, ac nihil inde in mortales miseros emolumenti redundaturum prouiderat. Si modo sermonem Christi de ceti stomacho, Ionae contumaciae vindice, aequo & humili expendissent animo; certe tot tantaque e coelo signa visuri non fuissent. *At sol spectatorem non habet nisi cum deficit, nemo obseruat lunam nisi laborantem.* Et ita iuste eueniebat iis, qui ad vanorum philosophorum, exitiosam sibi philosophandi libertatem arrogantium, instar, omnia mathematicis demonstrationibus expendere, & cum illo Marc. IX. 22. proterue volebant cauillari: *ἀλλ' εἰ τι δύνασαι*, ede nobis aliquid signum e coelo. Ad atheos quod spectat, velit B. L. adire D. praesidis *theses de atheismo & superstitione*, quae desiderium eius poterunt explere. Omnes vero qui Christo nomen dederunt, ex miraculis verum



ris (4). Quippe non solum plurima ibi edidit, sed eandem quo-  
que

Messiam, seu Christum, eiusque diuinitatem probe cognoscunt. Hoc pene assequenti sunt infideles, variisque opinionibus corrupti, hucque praecipue notissimum Fl. Iosephi de Christo facit testimonium ant. lib. XII. 4. VIII. 4. conf. D. praefidis laudati theses, c. VII. in not. ad § V. p. 630. seq. Quilibet etiam cui res christiana apud plurimos prolapsa fluens, ideoque seueris vincienda legibus, cordi est; in votis habet: ne modo homines cum Iudaeis Io. IIX. 54. dicant Christum suum esse DEVM: sed & vere diuinas Christi virtutes in anima se exercere patiantur, & diuinam eius potentiam, sapientiam, & benignitatem cognoscant. Plurimorum enim propria contumacia & perfidia, tantis in se miraculis Christi obstat; quod ipse viduae Sareptanae exemplo aliisque ostendit Luc. IV. 26. 27.

- (4) Multa Christus in Galilaea edidit miracula, quae suis circumstantiis non sunt exposita in noui instrumenti voluminibus; Matth. IIX. 16. XV. 29. 30. Marc. I. 32. 34. 39. Luc. IV. 23. 40. 41. V. 15. 17. 19. VI. 18. Ea autem quae prolixè explicantur si singulatim ponderemus, plura, si coecorum curationem exceperis, in Galilaea contigisse, erit in propatulo. Duodecim quidem seruator leprosos curasse ex eius gestarum rerum monumentis apparet, duos in Galilaea, Marc. I. 40. 45. Luc. V. 12. Matth. IIX. 1. 4. decem in itinere ad Ierofolymas ultimo simul. Sive hoc ipsum, pro vno tantum, sicuti videtur, licet excellentiori miraculo, quippe vno tempore, vnoque fiebat verbo, vnus etiam pro redintegrata valetudine gratias egit, accipias, non ibis inficias, plurima in Galilaea edidisse signa & miracula mundi sospitatore. De mortuorum resurrectione, vt pauca adiiciam, non conuenit; tres ad vitam mortuos esse vocatos fere omnes consentiunt; placet tamen non nemini, quatuor fuisse, quibus Christus vitam denuo concesserit: probarent hoc omnes circumstantiae; *temporis*, cum fere totius anni spatium intercesserit; *loci*, quia Matthaei historia in Capernaum, altera extra eam facta dicatur; *contextus* qua prima vxor cuiusdam principis alia filia fuerit.

que miraculorum primitiis ornauit. Io. II. 11. Summam miraculorum seruator ipse docet discipulos Ioannis: Matth. XI. 4. 5. 6. & XV. 30. Haec more sueto, h. e. apte, distincte, & ornate exprimit Lactantius: *Virtutes eius (Christi) fuerunt, quas Apollo porientificas appellauit: quod quacunq; iter faciebat, aegros ac debiles, & omni morborum genere laborantes, vno verbo, vnoque momento reddebat incolumes, adeo vt membris omnibus capti, receptis repente viribus roborati, ipsi lectulos suos reportarent, in quibus fuerant paullo ante delati. Claudis vero ac pedum vitio adstrictis, non modo gradiendi, sed etiam currendi dabat facultatem. Tunc quorum coeca lumina in altissimis tenebris erant, eorum oculos in pristinum restituebat adspectum. Mutorum quoque linguas in eloquium, sermonemque soluebat. Item surdorum parafactis auribus insinuabat auditum: pollutos, & adpersos maculis, repurgabat. Et haec omnia non manibus, aut aliqua medela, sed verbo ac iussione faciebat. Et mox: Nec utique mirum, quod verbo faceret mirabilia; cum ipse esset Dei verbum, caelesti virtute, ac potestate subnixum. Nec satis fuit, quod vires imbecillis redderet, quod debilibus integritatem,*

H 2

quod

Hoc pacto tres mortui in Galilaea vita essent donati, vnicus Lazarus in Bethania. Sed iudicent de hoc alii; singularia iam esse noto, quae de mortuis quibus Christus animam reddidit, ANTONIVS BYNAEVVS habet: lib. I. *de morte Iesu Christi* c. III. p. 184. mirabile inprimis esse, & animaduersione dignissimum, quod Iesus tres vitae restituerit; cum ante aduentum eius non nisi tres fuerint resuscitati; 1. Reg. XVII. 17. seqq. 2. Reg. IV. 20. seqq. XIII. 21. & tres post resurrectionem Christi; (pro vno enim habendi omnes sancti, qui vno tempore exierint ex sepulcris, quorum neque numerus signatus,) reliqui duo Act. IX. 40. XX. 9. Tres itaque ante Christum, tres a Christo, tres item post Christum vitam recepissent. Omnes enim celsae virtutes, abundantius in vno maximo propheta nostro conuenerunt. Caeterum aliorum seruatoris in Galilaea miraculorum non potest iniri numerus; cum non omnia, quae ipse fecit, litterarum monumentis sint tradita; hoc tamen certum est, plurima in Galilaea esse patrata.

*quod aegris & languentibus sanitatem, nisi etiam mortuos suscitaret, velut e somno solutos, ad vitamque reuocaret. (b).*

XII. Quemadmodum vero generis humani fospitator, diuinam suam virtutem, sapientiam, & benignitatem, in reponendis parum firmamenti & vsus habentibus aegrorum corporum membris ostendit: ita non minus easdem virtutes in restituendis debilitatis animarum viribus, coecis visum, surdis auditum, mutis linguae vsus largiendo manifestauit. Venerat enim quaesitum perditos. Cum itaque rebus, verbisque potens esset propheta; multos fuisse credes, in tanta & frequenti hominum multitudine eum accedente, quorum pectora splendor, & gloria eius penitus ferierit, & vocauerit, 2. Petr. I. 3. Multi interne coeci, infinitae Christi gloriae viderunt lucem; multi semitas praeceptorum eius ingressi sunt claudi; multi sanctissimo Christi sanguine, quem profusus erat, purificati; multi concitatam Christi vocem audierunt surdi; multi ad vitam, quae ex Deo est, redierunt mortui; multis pauperibus, euangelium & redemptio per sanguinem Iesu, maximo spiritus S. pondere, nunciata est. Hoc suo inprimis probant exemplo regius ille, Io. IV. 47. seqq. centurio Capernaiticus, egregia qua praeditus erat fide, & vir ille cuius filius surdum habebat spiritum; Marc. IX. 24. seqq. multique alii quorum fides eos seruauerat. Et hic finis omnium miraculorum Christi erat, vt crederent homines, eum a Deo missum esse. Qua de re segnes saepe excitabat animos hisce verbis: *Qui aures habet ad audiendum audiat.* Et discipulos, quamuis interdum tenaci imbecillitate laborarent, Marc. IIX. 17. 18. seqq. beatos pronunciat: *quod viderent, & audirent.* Matth. XIII. 16. Hi enim non solum ipsi maiestatem eius erant contemplati; Io. I. 14. 2. Petr. I. 16. sed & regni eius institutionem & futuram formam, penitus introspeciebant. Nec procul erant ab aditu coelestis regni ciues Nain, qui visitationem Dei cognoscebant, decentique efferebant timore, Luc. VII. 16. & alii qui in Galilaea confluxerant; Matth. XV. 30. 31. Luc. IV. 42. Phariseorum coeterorumque oculis, quos ipsi comprimebant, subtracta sunt ea Christi miracula, nec au-

auribus deprehenderunt : propterea per similitudines ad eos loquebatur seruator, inque illis comprobatum est illud Iesaiæ oraculum VI. 9. 10. 1. Cor. III. 3. 4. Non deerat, qui spargeret semen suum in corda eorum, deerant autem, qui praeparati & vt decebat, id ipsum reciperent. Non minus ergo vim suam diuinam declarauit corda hominum flectendo, vt eam cognoscerent in opere conuersionis, sapientiam & benignitatem in ordine salutis mirarentur ; quam externis miraculis. *Nam & oculus videns & auris audiens utrumque est a Deo.* Prou. XX. 12.

XIII. Quamuis itaque Iesus Christus propheta maximus, potens gestis & doctrina, per totam Galilaeam valide dixerat de regno Dei : eamque doctrinam praepotentibus obsignauerat miraculis & signis ; nihilominus tamen, vt omnem amputaret Iudaeis excusationem, vitae seueritate & integritate, quam nulla mens potest comprehendere, & ad quam ipse iure prouocabat : Io. IIX. 46. quod in Galilaea docuit, praesenti virtute firmavit. Non temere enim *sit efficax praedicantis auctoritas, nisi eam effectum operis cordi affixerit audientis.* Praefracti quidem & horridi Christi aduersarii, diris maledictis & criminationibus eum insectari non desistebant ; sic tamen, quod Plato olim dixit, viuebat, eorumque probra factis confundebat : *vt illis fides haberi non posset* ; quin potius ipsi quantum Christo discriminis videbantur mouere, tantum laudis parauerunt. Quam vero summae doctrinae & sapientiae Christi summa virtus, & perfecta iustitia consenserit : si Christi, qua sponsoris, officia erga Deum, seipsum, & alios in Galilaea praestita, debita obseruantia nominatim exposuerimus, patebit dilucidius.

XIV. Primum & princeps erga Deum officium *amor* est. Facillimum esset, hanc officii Christi erga patrem partem exsequi copiosius. Tam vere enim, tam caste, tamque perfecte eundem amabat, vt & noctes contemplationibus summae perfectionis & gloriae eiusdem duceret, seque delectaret ; omnia praeterea, quae & in Galilaea fecit, immenso erga patrem amore, & absque villo remunerationis respectu fecit ; sed quia hoc omni prorsus dubio caret, caeterisque sic cohaeret, vt nihil differi iam posse videatur, vt non simul de maximo Christi amore differatur ; in

praesenti hanc omittam quaestionem. Testatur de eo insuper Christi erga patrem *reuerentia*, Ebr. V. 5. 7. qua eum respectu paternitatis ita honorabat, vt toto animo incumberet in honorem eius promouendum, & plurimis ab eo sanatis interdiceret, ne, quae istis accidissent diffunderent; omnesque sermones eius eo tenderent, Luc. VII. 29. Marc. I. 22. & miracula Matth. XV. 31. Luc. VII. 16. 17. IX. 43. XIII. 13. &c. quae semper spectabant Dei patris, Christi vero, qua Dei, gloriam. Io. XI. 4. Seruator enim cum Iudaeis loquens omnem gloriam & potestatem soli patri tribuit, Io. VI. 27. vt primum inducerentur, eumque a Deo missum esse crederent; eam autem doctrinam, de eius diuinitate, quae fundamentum est fidei nostrae, non nisi prouectoribus tradidit. Ex hoc fonte etiam deriuanda est exactissima Christi erga patrem *obedientia*, & fidelitas in exequenda eius voluntate. Io. VI. 39. 40. Hanc quam impense & strenue sit persequutus, nemo est quem fugiat. Omnibus enim consilium Dei de seruando genere humano explicauit, & inauditis signis se eum in finem missum probauit. Nec perdit fuit eius opera, quia multi maiestatem eius videntes, magnam Dei sapientiam in salutis ordine cognouerunt. Et hoc maxima animi delectatione praestitit, vt recte diceret: *mibi pastus est, eius voluntatem exequi qui me misit*, Io. IV. 34. Luc. IV. 43. Ps. XL. 7. 8. 9. vereque in sacerdotali illa oratione sanctissima, ante passionem, perfectissimae obedientiae eius testem, Phil. II. 8. habita, praedicaret: Io. XVII. 3. 4. *ego te in terris illustraui, opus absolui quod tu mihi faciendum mandaueras*. Summa etiam obedientia eius erga parentes huius seculi erat. Nihil enim de infantia & iuuentute eius in Galilaea gesta memoriae prodiderunt sacri facti, quam quod eandem, non spectata parentum humilitate & indigentia, ad arbitrium aeterni patris, simpliciter egerit & subiecte. Luc. II. 15. Coelestem patrem insuper honorabat atque amabat singulari *fiducia*, non enim solum de producenda vita sua non sollicitus; sed contentus erat iisdem, quae ei a facultatibus suis ministrabant alii; Luc. IIX. 3. nec vnquam ad sui discipulorumque conseruationem edidit miracula; nec patris diffidens amoris erat inter tot pharisaeorum latratus, & insidias; sed libenter suscipiebat, & patienti ferebat animo, atque libere veritatem pronuntiabat. Vtebatur de-

denique fiducia quam pater dederat, Matth. III. 17. etiam in administratione muneris sui: Marc. VII. 34. 35. coll. cum Io. XI. 41. 42. Merito hinc fidebat Deo, quia specialiori ratione pater eius erat, ipse vero nihil petebat, aut faciebat, quod gloriae, maiestati, ac ordini diuino esset aduersum. Matth. IV. 5. 6. 7. Sic certo fiducia ἀνέχει μεγάλα, καὶ παύει μεγάλα (c). Verum omnia memorata officia Deo quasi simul praestitit seruator perfectissimus, crebris seriisque precationibus atque gratiarum actionibus. Orauit quidem cum publice ad munus suum initiaretur, vt se panderet coelum, Luc. III. 21. orauit etiam ante, & in passione sua; Io. XVII. Matth. XXVI. 39. Luc. XXIII. 34. sed iam de orationibus in Galilaea, fufis cura est. De iis Marcus I. 35. dicit: multa adhuc nocte seruatorem strato surrexisse, & priusquam manifestus dies noctis creperum absoluisset, exiisse in desertum, ibique orasse. Hoc sicut egregium est exemplum, ad quod preces nostras debeamus conformare, ita nemo ibit inficias hoc Christum fecisse quotidie; praesertim quia totas noctes precibus & diuinis meditationibus consumsit. Luc. VI. 12. Matth. XIV. 23. Quia etiam Christus Io. XI. 41. 42. scio, inquit, quod me semper audis: colligi inde licet: eum ante omnia miracula ardenti mentis desiderio orasse. Marc. VII. 35. Sic vel ante transfigurationem in monte Thabor orauit, & precante eo, facta est vultus eius species alia, & vestitus niue candidior, fulgurans. Luc. IX. 28. 29. Marc. IX. 2. Non solum vero ipse toties in Galilaea indulfit precibus; omnis enim vita eius, vt ita dicam, ob arctissimam cum patre vnionem perennes & perpetuae erant preces; sed sectatores etiam suos optimam orandi methodum, & precum exemplar in eadem docuit. Matth. VI. 6. seqq. Hoc pacto quod supra memorata officia, vti dixi, simul sit assequutus, vel inde patet: quia sine υἰοθεσίας πνεύματι non fiunt gratiae Deo preces, nec sine reuerentia, quia is cum quo agitur, est supra omnia Io. XIV. 13. Gen. XIX. 27. 30. seqq. non sine obedientia, nostra quippe voluntas voluntati Dei est insinuanda; non denique sine spe & fiducia, alias euanescent preces, Iac. I. 6. nec irrum-

irumpunt coelos. Quis vero haec omnia in Christo abundasse audebit negare? Idem etiam de *gratiarum actione* sentiendum est; si vigilans precibus noctes duxit, omnino, quod sciam, dubio caret, eum Deo patri pro miraculis egisse gratias: & qualis desiderio & labori suo succedat effectus, renunciassse: Luc. XIV. 21. Essaeorum haeresin agri & solitudinis velle delectari quiete; sectam pharisaeorum, in imponendo, immani plebis gregi, ceremoniarum iugo distendi; Sadducaeos vero carnis duci voluptatibus; pauperes & mutilos non ita multos esse; superesse itaque locum, & quae sunt alia. Illustre etiam hac de re in Galilaea edidit exemplar. Matth. XI. 25. seqq. Curatissimas certe pro beneficiis spiritualibus pullis suis exhibitis grates agit, & digne effert sapientiam & iustitiam Dei, nullare magis, quam in excludendis profana sapientibus a diuinis mysteriis sese exerentem.

XV. Distinctius porro amor Christi erga patrem aestimari potest ex sui *abnegatione* liberrima & firmissima, qua, nullis quidem obnoxius prauis cupiditatibus; se suamque vitam, diuinae etiam maiestatis perennem usum sponte abnegauit. Inter alia vero praecipue dignum est, quod memoretur, exemplum in Galilaea positum. Matth. XII. 46. - 50. Marc. III. 32. Luc. IX. 19. Quod enim Luc. XIV. 26. praeceperat, huic ipsius consensit exemplum: *quae est*, inquit, *mater mea, meique fratres*; qui videlicet variis studium meum impeditis audent frenare, quanquam eos pietate & religione mihi coniunctos haud parui alias faciam? At amicos non modo, hoc si in gloriam Dei facerrimus suasit impetus; sed & honorem, Matth. XII. 19. corporis commodum, Marc. III. 20. 21. conf. Io. IV. 30. & alias quibus frui potuisset opportunitates abnegauit, commoditatemque molestia, Matth. XIV. 23. seqq. multisque peregrinationibus mutauit. Prodit ergo eius simul *humilitas*. Vitam enim adolescentem sicuti sedate & modeste duxerat, ita quidem cum munus ad quod publice quasi erat consecrandus, obiit, & latere amplius non potuit; summa tamen animi modestia id ipsum administrauit, & sanatis ab eo non solum comminatus est, ut videant ne quis facta resciscat; Matth. IX. 30. sed & daemones obiurgauit, ne eum facerent manifestum. Marc. III. 12. Ante tempus enim publicam curam non affectabat,

bat, ne homines virtutem eius & miracula magis, quam humilitatem, doctrinae sanctitatem, & personam eius sibi proponerent, eumque mundano diademate ornarent, & publicam conflarent seditionem (d). In amicitiam eius non Pilatus, non Iudaeorum primores; sed publicani & contemti veniebant homines, quibus plurimus ex eius conspectu, congressu, conuiuiumque honore proveniebat fructus. Quantum tamen fieri potuit sine omni strepitu ad ciuitates, oppida & pagos Luc. IIX. 1. venit, Matth. XII. 18. 19. 20. & cuncta miracula tanta modestia & frugalitate edidit, vt, ad non neminis sententiam, ne talem quidem videretur mouere stridorem, qualem excites quassatam iam arundinem contundendo, vel defectum humoribus, & iam expirans linum in aquam immitendo. Maximum enim hoc erat mysterium, & regnum satanae destruendi institutum, vt labefactatum & demotum superbia primorum parentum ordinem, & sanctam quasi harmoniam DEVM inter & hominem, humilitate sua apte reponeret, atque compelleret, hominesque suo exemplo doceret rationem, qua debeant seruari. Matth. XI. 29. Tanta Christi humilitas non poterat maximam quoque non gignere *patientiam & mansuetudinem*; quibus non infirmitatem populi solum, Marc. VII. 36. Io. VI. 26. & apostolorum, Matth. XVI. 7. Marc. IX. 32. 33. seqq. suorumque necessariorum Io. VII. 3. 4. 5. seqq. egregia facilitate ferebat; sed in-

---

(d) Nam ea coeteroquin mundi est indoles, vt facile tale quid, quod ad damnationem veritatis studiosorum obtendat, inueniat. Sic Herodi aduersus, cruenti istius, omnium veritatis propugnatorum speculi IOANNIS, occisionis culpam, de seditionis periculo purgatio fuit. Refert enim Iosephus lib. XII. c. 7. antiquit: *metuisse Herodem ne tanta hominis auctoritas defectionem aliquam pararet.* Et quidem timore pauidus erat, & ad omnes suspiciones excitabatur, multosque innocentes, metu, ne quem nocentium praetermitteret, in tormenta dabat: lib. IX. d. B. I. c. 19. longe tamen aliam causam scriptores sacri, & Gorionides ebraeus docent. Hoc ne & seruatori accideret, ipse comminationibus suis omnem rebellionis suspicionem a se abegit.



incredibilem quoque aduersariorum importunitatem, & audaciam sedate sustinebat, eiusdemque contumeliae qua Ierosolymis affectus est, Io. IIX. 48. & in Galilaea Marc. III. 22. seq. Matth. XII. 24. XI. 19. assumebat patientiam, miraue modestia ab iis criminationibus sese purgabat. Maximum vero patientiae monumentum, patiens ille DEI agnus, Io. I. 21. in ara crucis, omnis mundi peccata sustinens, reliquit.

XVI. Ad officia erga seipsum quod attinet, exquisitissimum rursus omnium virtutum speculum repraesentat. Non autem est, vt de temperantia & castitate Christi multa dicam. Quippe patriae voluntatis executio eius erat alimentum, Io. IV. 34. & tanta saepe multitudo ad eum venit, vt ne quidem cibum capiendi locus illi erat aut facultas, Marc. III. 20. non tam de vitae alimentis, quam animarum salute sollicitus: *τί διαλογίζεσθαι ἐν ἑαυτοῖς, ὀλιγόπιστοι, ὅτι ἄρτος ἐκ ἐλάβεσθαι*; Matth. XVI. 8. Minime vero quae sunt vitae necessaria sibi denegauit. Sicuti enim nunquam humanum, quod assumerat, corpus, aduersus diuinum ordinem in discrimen obiecit; ideoque cum in Galilaea quoque petebatur caput eius, (licet diem duodecim horas habere, sibiue fatalem nondum venisse nouerat, & vt sciret vulpes ille Herodes, curabat: Luc. XIII. 32. causam nullam esse, cur eum bonorum operum ergo morte posset afficere; nec licere vllum vatem perire extra Ierosolymas; ) ad mare, Matth. XII. 14. 15. Marc. III. 6. 7. e Iudaea in Galilaeam Matth. IV. 12. Io. IV. 3. VII. 1. se recepit, & aduersariis subduxit: Luc. IV. 30. conf. Io. VII. 10. VIII. 59. XI. 28. ita defatigatum corpus necessario cibo & quiete refecit; Marc. IV. 38. Luc. VII. 36. Matth. IX. 10. regnum DEI tamen, quod non est cibus aut potio Rom. XIV. 17. praeposuit. Etiam si pharisaei quos ad indignantium infantum instar, non iucunditas, non grauitas placabat; non blande hilaris Christi, non serio tristis Ioannis vultus mouebat; quin potius ad arguendam diuinam sapientiam prompti seruatorem *φάγον καὶ οἶνοπότην* dicebant; Matth. XI. 16. 19. nondum tamen vere didicerant, quid sit: *pietatem malo, quam sacrificium*; Matth. IX. 13. nec abundantissimum Christi in miseros & prostratos peccato-

res amorem nouerant. Maxima itaque sapientia, sicut omnia : *beatus qui in me non offenderit*, Luc. VII. 23. ad Ioannis discipulos, qui etiam aliquando discipulos Christi, & cum his ipsum seruatore ventris gutturisque vitio incesseant, Matth. IX. 14. dixit. Nec quenpiam credo fore qui *castitatem* Christi in dubium vocauerit, erat enim *ἀγιος* illud a spiritu S. conceptum. *Castitas* praeterea, Augustino interprete, est *munda & honesta corporis habitudo per edomitas vitiorum furias*; Christus autem, quae domaret, vitia omnino non habebat. Et quomodo de temperantia, Luc. XXI. 34. 35. & castitate, Matth. V. 8. potuisset praecipere, hancque beatam pronunciare; nisi ipse eam ante sensisset beatitatem? Praeclare de hoc, vt plura, sensit Lactantius (f): *Homines, malunt exempla, quam verba; quia loqui facile est, praestare difficile. Vtinam quidem tam multi bene facerent, quam multi loquuntur bene. Sed qui praecipunt, nec faciunt; abest ab iis fides: & si homines fuerint, contemnentur, vt leues; si DEVS, opponetur ei excusatio fragilitatis humanae. Quamuis etiam omnis erat expers peccati; nemo tamen summam diligentiam & vigilantiam satis magnifice mirari poterit & efferre. Quae enim Matthaeus c. V. VI. VII. VIII. 1. - 14. narrat, vna die a seruatore amantissimo sunt expedita; & Lucas eum praecedentem noctem precibus consumsisse perhibet. Plura monent alii (g): quae qui legitime expendet, non poterit optime non delectari, & cognoscere, quo studio & sacerrimo animi impetu seruator optimus vitae dies transegerit. Nec denique de spontanea Christi paupertate multa sunt monenda; quia neminem, nisi omnino in sacris litteris hospitem, latere potest: seruatori ne propriam quidem fuisse casam; Matth. IX. 20. & rem familiarem ad necessaria defuisse, vt suis facultatibus ea ministrarent pia mulieres. (b)*

I 2

Luc.

(f) lib. IV. inst. diuin. c. XXIII. §. 8.

(g) vid. SAND-

HAGEN in kurtzer Einleitung die Geschichte unsers HErrn IESu CHristi zu betrachten, p. 50, seqq.

(b) Obseruant nonnulli moris fuisse, vt mulieres, praesertim viduae, magistris, legisque doctoribus ea, quae ad seruandam vitam fuerunt necessaria, praebuisse; & Chusam, cuius vxor Luc. IX. 3. inter familiares Christi memoratur, illum fuisse regium Io. IV. 47. Herodis Antipae ministrum.

Luc. IIX. 3. Et hoc iterum magnum est myſterium, Kohel. IX. 14. 15. vt Chriſtus, tanquam vir pauper, mundum, parua in oculis Dei ciuitatem Ieſ. XL. 15. 16. 17. ex laqueis vallisque regis magni, ſatanae. liberaret. At quae beneficiorum obliuio! Homines enim ſapientiam huius pauperis, myſterium nempe crucis, contemnunt, & verba eius non audiunt.

XVII. Supereſt, vt de officiis, quae Chriſtus erga alios omnes ſeruauit, aliquid dicatur. Omnia iſta amoris rurfus coercet complexus. Non iam vero de ineffabili in omnes homines ſtudio, quo Chriſtus verus *Deus dilexit dulciter, ſapienter, fortiter. Dulciter dixerim, quia carnem induit, ſapienter, quia culpam cauit, fortiter, quia mortem ſuſtinuit* (i). Nulla vero res eſt nullumque verbum Chriſti in Galilaea aut geſta, aut prolatum, quod non de immenſo eius erga omnes homines teſtetur amore. Tota vita eius ingis erat aeſtus & amoris profluentia, vt excitatum fui deſiderium, domus ſuae bonis penſaret largius. Munia ſua Act. X. 38. quam ſedulo in Galilaea exſequutus ſit, ex dictis conſtat. Ibi fecit initium verſ. 37. & concionibus vice plus ſimplici emenſus eſt, Matth. IV. 23. IX. 35. XI. 1. Luc. IV. 15. 23. Io. VII. 1. quas itinerum moleſtias, non niſi amor, & miſeratio Galilaeorum inprimis, Matth. IX. 35. 36. & aliorum, mitiores fecit. Huc etiam ſpectant omnia Chriſti in Galilaea miracula, ſummam in miſeriam humanam miſericordiam ſignantia, plusque magnitudinis quam omnium oratorum linguae eloqui habentia. Sed vt paucis complectar multa: tenerrimus erat ad miſerendum, facillimus ad remittendum, promtiſſimus ad ſubueniendum. Vix Leproſus paucis, ſed omnia curatae precationis requiſita arctantibus verbis dixit: *Domine, ſi vis, potes me mundare: Volo*, cito reponet, *mundus eſto*. Marc. I. 41. Vix centurio ſerui ſui miſeriam referet, vltra petiſſimum ſe eum ſanatum venire promittet; &, Auguſtino interprete, colligentis: *Si ego homo ſub poteſtate iubendi habeo poteſtatem; quid tu non poſſis cui omnes ſeruiunt poteſtates*, magnam mirabitur fidem, & laudabit. Matth. IIX. IX. 2. 36. XV. 32. Marc. I. 41. VII. 34. Luc. VII. 13. Ita non ſolum fratribus ſuis ſecundum

(i) Bernh. ſerm. 30. in Cant.

dum carnem, sed & gentili nationi, nominatim foeminae Cananaeae, Matth. XV. 21. 28. Marc. VII. 24. 29. & mulieri duodecenne sanguinis profluvium passae, in Galilaea fecit. (k) Matth. IX. 20. Quanto seruandi cunctos desiderio flagrauit? Quam cumulatius dilexit Galilaeos, vt semper in Capernaum manere nollet, sed aliis quoque ciuitatibus regnum Dei nunciare? Luc. IV. 43. 44. Quam vigit in eo plus quam paterna vel fraterna vena? Quanto ardore nocturnis precibus coelesti patri hominum miseras credes exposuisse? Sed quae verba conueniunt tanto seruatoris in mortales amoris Io. XV. 13. celebrando, qui eum adigit, innocenti quadam ratione infirmitatem carnis nostrae experiri, vt spiritualis eius virtutis simus participes? Nec tamen mira eius suauitas & comitas praetermittenda est, qua non in discipulos solum Luc. V. 3. conf. Io. XXI. 5. & infantes; Marc. IX. 36. Matth. XIX. 2. sed omnes quoque adeo blande & humane se gerebat, vt omnes eum quaerent Marc. I. 37. Luc. V. 1. & orationis gratiam mirarentur, Luc. IV. 22. quid? quod ex ipsis infensissimis hostibus suis phariseis quosdam mouerit; qui suauitatem eius affectu amicitiae & conuiuiorum scitamentis studebant munerari Luc. VII. 36. Si enim sapientia hominis, faciem eius illumin-

- (k) Liber quidem, qui sub Ambrosii nomine extat, *de Salomone* c. V. patriam huius foeminae, dum eandem Martham nominat, Lazaroque associat, Iudaeam facere visus est; sed cum falso tribui Ambrosio nonnulli obseruant; vid. Riueti *criticus sacer* l. 3. c. 18. p. 321. Nec desunt, qui contendunt: quod Iudaei millies maluerint mori, quam statuas conflatas, qualem haec foemina, erigere; Montacutius in *originibus ecclesiasticis* p. II. p. 86. seq. & Theophanes in *chronographia* p. 41. eam *ἐδύνασεν ἑσθλῆς* in honorem Christi erexisse statuam asserit: ideoque Iudaei pictores & statuarios e ciuitatibus suis eiecisse feruntur. TRIBBECHOVIVS, *exercit. antibaron.* 2. p. 17. Quod vero obijci posset: hanc mulierem relictis Iudaeorum castris ad Christum transfugam solutiorem procliuioremque factam esse ad statuam erigendam; hoc egregium non modo Eusebii testimonium H. E. I. VII. c. 18, sed & communis doctorum refellit consensus.

luminat, & austeritas faciei mutatur; Kohel. IIX. 1. quanta ipsius sapientiae & lucis, faciei lux ipsa erit? *ὡς λαμπρὸς χαλκός καὶ ἀληθείας.* Prae caeteris autem comis, & humanus erat in humiles, & deiectos peccatores & publicanos, Matth. IX. 10. seqq. Luc. VII. 47. 50. Horum quidem fructus aliorum lacrymae, thesaurus aliorum miseriae erant; sed ipse suscipiebat eos, ut ad Matthaei instar, qui erant fraudatores pecuniae, fierent instrumenta gratiae, qui auaritiae fuerunt institutores, fierent misericordiae diuinae testes. Sicuti vero sancta Christi cum publicanis conuersatio confunde-  
bat inimicos, emendabat alios, extollebat Deum: ita hoc ipsum erat, in quo offende-  
bant pharisei, qui veri amoris indolem, quae *non aemulatur, non temeraria est, non sumet* 1. Cor. XIII. 5. non nouerant, tantoque prophetae humile esse ducebant, tam abiectos & fordidos in amicitiam suam admittere. Hic idem seruatori, quod Demostheni accidit, qui male in improbis locatae amicitiae accusatus; *optimus*, respondit, *is est medicus, qui sanos relinquit, & bene habentes, aegrotos, & penitus deploratos curandos suscipit.* Ita & Christus: Matth. IX. 12. 13. Ipse enim fons patulus erat Zach. XIII. 1. ad quem omnibus licebat venire laborantibus & onustis, ac recreari. Matth. XI. 28. Necessarios, amicos, & fratres quod amauerit, iuxta mecum omnes sciunt, & demonstratione non indiget; sed quo ordine eos amplexus fuerit, supra est ostensum. Si magis necessarium officium interuenit, huius executionem, amicis, sanctiori profecto studio, antetulit, quam Anaxagoras, quem grauis de filio nuncius a disputationibus non retraxisse; sed philosophiae detulisse calamitatis suae negligentiam dicunt. Et eo sensu non permittebat illi discipulo sepultum ire patrem suum, Matth. IIX. 22. quia iam ingrediente Christo in nauem, nullum tempus erat, ut iret domum, et solueret patri iusta. Maximum tandem quod de integerrimo Christi erga omnes homines amore subnectendum, summa eius charitas est, & studium in aduersarios. Haec enim lucidissimum de summa eius perfectione perhibere possunt testimonium. Non mihi quidem deprecationem & intercessionem Christi pro atrocissimis hostibus, iniquissimis iudicibus, & excruciantibus eum militibus; Luc. XXIII. 34. non etiam, maximam mansuetudinem in perditissimi ho-

mun-

muncionis Iudae simulationem, Matth. XXVI. 49. 50. in testimonium citare fas est; sed vel omnis Christi vita in Galilaea acta loquatur de inenarrabili eius in aduersarios voluntate ac studio. Non enim solum in Galilaeo monte prope Capernaum de inimicorum amore, quo imaginem diuinam debeamus sequi, mundique viribus & fortitudini suae innixi, irritationes, sua virtute & mansuetudine depellere, perspicue praeceperat, Matth. V. 43. phariseorumque cauillationes solide redarguerat: sed dictis etiam morum conueniebat fides. Omnes quippe cum phariseis disceptationes plenae sunt mansuetudinis, & humanitatis, Matth. XII. 10. Luc. VII. 40. Obiurgationes eius praeterea cum intima animi misericordia, & charitate erant coniunctae, Marc. III. 5. IIX. 12. Conuiuia denique eorum, quae inuitatus impleuit; non refectione corporis magis, quam occasione ad sanam eos mentem reuocandi metiebatur. Luc. VII. 38. seqq. &c. Ideoque, quod teterrimum, at non minus vulgare vitium est, eosdem non excoecabat adulationibus; sed ad veritatem loquebatur omnia, ad voluntatem eorum nihil. Vltimo egregie quoque amoris sui erga hostes specimen edidit in patria ciuitate Nazareth. Incolae videlicet huius ciuitatis in summum vitae periculum eum adduxerant; nihilominus tamen duplici vice ad eos venit doctum; duplicatisque quasi gressibus eosdem insequutus est. Marc. VI. 1. 6. Matth. XIII. 54. 57.

XIIX. O doctrinam, o miracula, o exemplum! Quam fere ex iis & ipsi Iudaei inuiti, eum magnum prophetam qui in mundum venturus sit, Deut. XII. 15. 18. 19. cognouissent Io. VII. 40. ? Quam beati illi Io. VI. 2. 14. Luc. VII. 16., qui eum vatem profitebantur, & sermonibus oris ipsius quasi catenati eum sequebantur, Matth. IIX. 1. & violenter imminebant; Luc. V. 1. si firma fide eum suspexere? Sicuti enim tribus distinctis vicibus, e coelo, legitimus propheta, & DEI filius renunciatus, & quasi in conspectum populi productus est; primo a muneris exordio, apud Iordanem cum Ioannis baptismo in Peraea inauguraretur; Matth. III. 17., tum in medio ferme muneris sui cursu in monte sancto Galilaeae; Matth. XVII. 5. 2. Petr. I. 17. postea, peracto mox officio, in Iudaea: Io. XII. 28. ita verba & os eius veritas, manus miracula, vita, & facta sanctitas erant & iustitia. Nulla inde Iudae-

Iudaeis superat excusatio. Io. XV. 22. 24. Nos vero, quibus omnis Christi vita, praescriptum est, quod reliquit, 1. Petr. II. 21. vestigia eius debemus subsequi, notasque Gal. VI. 17. in corpore nostro gestare, quas speciatim Paulus refert, 1. Cor. VI. 8. 9. 10. quasque Christi fuisse constabit ex dictis. Si ergo Mariae instar, Luc. II. 19. quae ipsa ministris nuptiarum in Cana consulebat: *Ὁ, τι ἂν λέγῃ ὑμῖν, ποιήσατε*, Io. II. 5. volueremus, & quae Christus docuit, & exemplo firmavit, sequeremur: certe non ambulaturi essemus in tenebris; sed vitae lumen habebimus; Io. IIX. 12. Ebr. XIII. 17. fin minus, implicatae tandem rationi nostrae haerebit aqua. Verissimum enim quod Augustinus (1) habet: *tot indicibus inops habeo, quot me praecesserunt in opere bono; tot arguentibus confundar, quot mihi praebuerunt exemplar: tot conuincar testibus, quot me mouerunt proficuis sermonibus, seque imitandos, iustis dederunt actionibus.*

XIX. Haec de officio Christi prophetico cum dicta sint, ad sacerdotale venio. Insignia quoque eiusdem monumenta e rebus Christi in Galilaea gestis possunt colligi. Primam quidem eius partem, sacrificia nempe, quod spectat; nec circumcisio eius, nec passio grauissima, in Galilaea contigit. *Ὅτι καὶ ἐνδεχέσθαι προφήτην ἀπολέσθαι ἐξ ἡ ἱερουσαλήμ*. Luc. XIII. 33. Semel tamen iterumque Christus futuram passionem in Galilaea non solum praedixit, & salutis ordinem docuit; Matth. XVI. 21. XVII. 22. 23. Luc. IX. 22. & Luc. XIX. 31. seqq. nemo etiam dubitabit, tanta vi & pondere ea dixisse seruatore, ut cum discipulis, Matth. XVII. 23. & ipse valde contristatus, illique non ausi fuerint, ea de re magistrum consulere; Luc. IX. 45. sed quod probe est notandum: Christus sacrificium quod patri erat praestandum, ut a legis execratione assereret nos, & promissionem Abrahæ adipisceremur Gal. III. 13. 14. Io. XVI. 7., in tota sua vita fecit, & pertinent huc omnia quae vnquam ad legis iustitiam implendam egit, & sustinuit ab infantia; omnes infirmitates nostrae, tristitia & lacrymae, cunctaque Christi discrimina. Hancque alteram & sequentem summi sacerdotis officii partem, preces nempe, intercessionem, & benedictionem, omnibus numeris in Galilae-

(1) in medit. cap. IV.

Galilaea absoluit; eaque patri obtulit *eis donum euodias*. Quid vero precatus fuerit, ex sacerdotali illa oratione Io. XVII. inferre erit licitum. Nunquam certe execrationem, Gen. IX. 25. non iudicium DEI, I. Sam. XXIV. 13. non vrfos, 2. Reg. II. 24. non vindictam; Ier. XII. 21. sed peccatorum remissionem, Luc. XXIII. 34. & patris in ficulneam, Iudaeorum generis arborem indulgentiam, Luc. XIII. 8. lamentationes, & miseriae humanae deprecationes precabatur. Meliora ergo non sanguine Abelis & omnium martyrum modo, sed & prophetis est locutus, Ebr. XII. 24. & adhuc viuit ad supplicandum pro hominibus, Ebr. VII. 25. Profecto si feruatorem nunquam altus, quo, iuncta gregis Christi incuria, multorum perfidorum sacerdotum abdomina sunt sepulti, Ies. LVI. 10. n. somnus habuit; Marc. I. 35. sed perniox saepe orauit Luc. VI. 12. in desertis; V. 16. eum non minus curatas & ardentes, quam quae Io. XVII. referuntur, quin sublimiores captui humano Io. XVI. 12. fuisse preces, vt purgentur conscientiae nostrae a mortuis operibus, Ebr. IX. 14. X. 20. 21. omnes sinceri nominis Christi cultores credent. Quod, tandem, benedictionem spectat, conclusionem concionis Petri Act. III. 26. etiam pertinuisse ad Galilaeos nemo ibit inficias. Multis etiam peccata remisit, Luc. VII. 48. Matth. IX. 2. omnibusque cordate eum sequuturis spiritus S. dona promisit, Matth. X. 19. 20.

XX. Quomodo tandem rex pacis Cant. III. 7. Eph. II. 14. 17. Iesus Christus officium suum regium nec in Galilaea praetermiserit, paucis erit dispiciendum. Quod rex fuerit, Io. I. 49. conf. Ps. II. aequae notum est, ac regnum eius non esse de hoc mundo Io. XII. 36. Luc. XVII. 20. 21. Conditionem & originem regni Gabriel ille, vt Iudaeis dicitur, minister misericordiae optime exponit: Luc. I. 32. quod magnus, & DEI filius sit futurus. Es. IX. 6. 7. Ps. XLV. 4. Mundana regna iam erant praeoccupata a mundanis regibus; praeoccupatus splendor & pompa, purpura, auro & argento distincta, praeoccupati longi, & maximo apparatu ornati comitatus. Nihil itaque illi supererat quam iustitia, miserisque subueniendi cupiditas, mansuetudo & humilitas Zach. IX. Male autem Iudaei, quibus omnia sub integumentis terrestrium beneficiorum erant adumbrata, terrestrem



expectabant regem. Io. VI. 15. Ciues regni Christi in Galilaea omnes illi erant, qui brachio Domini sibi patefacto, Ies. LIII. 1. Io. XII. 38. mansuetum regni eius sceptrum subibant; gladioque suo Pl. XLV. 4. satanae vincula, quibus eos tenuit, patiebantur distrahi. Quemadmodum vero boni regis est, ciuium vtilitatem sic rueri, vt quicquid agat, ad eam referat; tum valere armis aut opibus ad eos defendendos; omnem postea vim ab eis propulsare; & denique, vt earum rerum sit copia, quae sunt necessaria, videre: ita haec omnia, erga animas ciuium suorum, praesertim discipulorum, non solum, eorum aeternam beatitudinem quaerendo; ceu verus Deus non patiendo eos sibi eripi; Io. X. 28. de his patri satisfaciendo; vitam & quod abundat, concedendo; Io. X. 10. sed & corpora eorum, exsequutus est rex noster gloriosissimus. Primum enim id semper fecit, vt illis bene sit, & abiectos miserisque coopertos <sup>(m)</sup> piscatores, episcopos & doctores, qui sententiam duodecim tribubus Israel sunt dicturi, maximo favore ornauit; deinde contra quosuis phariseorum aliorumque insultus defendit eos, Marc. VII. 3. 5. Matth. IX. 15. XII. 1. seqq. Marc. IX. 16. &c. verberatos fluctibus, & obstante vento haerentes protexit, Matth. IIX. 25. XIV. 25. quoad, postea, seruator apud ipsos fuit, Matth. IX. 15. non contristati sunt; sed sicut nuptiarum filii, caste tamen & integre hilares erant; & quod noteretur, omnino dignum est: seruatorem passionem suam, eorumque vexationes tum primum expromississe, cum iam prope instarent, hinc plane insigniter Matthaeus: XVI. 11. ἀπὸ τότε ἤρξατο δεικνύειν &c. & Ioannes: ταῦτα δὲ ὑμῖν ἐξ ἀρχῆς εἰπὼν, ὅτι μεθ' ὑμῶν ἔμουν. XVI. 4. contra quacuis tamen pericula, pacem suam interposuit, Io. XIV. 27. solatioque plenissimis armauit verbis; Io. XIII. XIV. XV. XVI. XVII. (singula quippe quibus discipulis suis quasi vale dixit, flammae sunt, maximi sui amoris,) & omnia ad eos eloquebatur, vt & eius laetitia in istis maheret, & eorum laetitia expleretur; Io. XV. 11. XVI. 33. XVII. 12. tandem seruatori de suis, quos sicut gallina

(m) Oppian. ἀλιεντ βίβλ α. non longe ab init. & Cause in antiquit. apostol. p. m. 198.

na pullos fouit, alendis curae fuit, sicut ipsi, quaerenti ex iis seruatori: *ὅτε ἀπέστειλα ὑμᾶς ἄπὸρ βαλαντίᾳ καὶ πήρας καὶ υποδημάτων, μηδὲν τινοῦ ὑπερῆσατε*; testantur respondendo: *οὐδένος*, Luc. XXII. 35. Verum enim vero si regnum Christi separatim consideremus, cum primis eidem in Galilaea legitime praefuit. Ad regnum naturae quod attinet, se regem naturae comprobauit, aquam in vinum mutando, Io. II. rebelles daemones compescendo, Marc. I. 25. IX. 25. dominium in creaturas Ps. IIX. exercendo, Luc. V. 1. 4. 6. Matth. XVII. 27. paucis panibus quatuor hominum milia satiando, Marc. IIX. 1. 10. vexatos fluctibus discipulos per mare tanquam terram liberatum eundo, Matth. XIV. 25. & omnibus aliis miraculis. De regno gratiae, quod ab initio ad Galilaeos venerat, Matth. IV. 17. XII. 28. cuius a tempore Ioannis vis fiebat, & violenti rapiebant, videantur omnia quae de officio Christi prophetico dicta sunt. Regnum gloriae vero quoad maximam partem Galilaei in primis videre potuissent, nisi oculorum mentis aciem tot tantaeque praeconceptionae obstruxissent opiniones de mundano Messiae regno. Erat enim seruator *ἀπαύγασμα τῆς δόξης, καὶ χαράκηρ τῆς ὑποστάσεως θεῆς*. Hunc qui diuinitus instructis oculis vidit, patrem vidit, ipse in patre & pater in ipso erat, Io. XIV. 9. 10. seqq. Delibarunt aliquid tres Christi discipuli in monte Tabor, ipsi viderunt splendorem eius vt vnigenae a patre, Io. I. 14. & omnes, quorum per tenebras miracula eius crebris collucebant lucibus, qui inde religioso eum coluerunt, Marc. I. 40. Matth. IIX. 2. 8. Luc. VII. 16. 38. Matth. IX. 18. Marc. V. 22. 33. Quid ad felicitatem & splendorem Galilaeae ulterius addere potuisset gloriosissimus seruator? Sed restat vt de actis Christi in Galilaea post eius resurrectionem vel tria adiiciam.

XXI. Hisce cunctis in Galilaea peractis *τὸ πρὸς ὄψον αὐτῷ ἐσήρξατο τὰ πορεύεσθαι εἰς Ἱερουσαλὴμ*. Ibi non minus bene fecit, docuit, correxit, & redarguit phariseos, ita, vt impatientes tandem doctrinae Christi, eum vinctum traherent, & absurdissimo iniquissimoque procedendi modo & suppliciis interficerent. Sed non passurus erat Deus, vt *ἅγιον* illud corruptionem videret: surrexit ergo tertio a passione die maxima maiestate & gloria,

summoque phariseorum destinationum, custodiarum, pretio-  
rumque mendaciorum dedecore. Dixerat vero seruator: Matth.  
XXVI. 32. se velle discipulos in Galilaeam praecedere, ibique ad  
fidi instar pastoris dispersas oues congregare. Hoc ipsum multis a-  
moris sui signis impleuit. Io. XXI. Matth. XXII. 16. Praeclarum  
certe magni amoris Christi non in discipulos solum, sed & Ga-  
lilaeam documentum! Non sibi in eo temperare poterat erga  
discipulos; *Παιδια μὴ τι ἔργον Φάγειον ἔχετε;* Io. XXI. 5. & vt fa-  
tis firmaret pectora eorum de veritate resurrectionis suae, miracu-  
losum prandium, quod ipse parauerat, dedit; non speciatim er-  
ga Petrum, qui testificandi sui amoris gratia se in lacum iecit,  
vt praeueniret reliquos, summa hunc animi placabilitate, & tripli-  
ci amoris eius sollicitatione de magno lapsu suo monuit, vitae-  
que exitum gloriosum signauit; non denique erga ipsam regio-  
nem Galilaeae integerrimum poterat retinere impetum. Mare  
enim eius, siue Tiberiadis, quod iam ante passionem tot mi-  
raculis illustrauerat, subiectum erat, quod suo iussu tot pisces,  
quot dicuntur genera, nempe centum quinquaginta tres, trade-  
bat. Nec transeundus erat mons Christi, vt creditur, prope Ca-  
pernaum; excellentissime in eo Christus discipulis suis appa-  
ruit. Plusquam enim quingentis fratribus semel praesentibus  
eumque adorantibus, nonnullis tamen, quod notatione dignis-  
simum, dubitantibus; decenti grauitate ad eos locutus est, & a-  
postolos inprimis, quos in hoc monte elegerat, Luc. VI. 13. eis-  
que castiorem legis voluntatem exposuerat, in omnem terram  
breui doctrinae salutis summa instructos, misit, eosque varia  
miracula faciendi facultate, inprimis spiritu S. summo bono do-  
nare spopondit. Matth. XXII. 16. seqq. conf. Act. II. Cur ve-  
ro seruator phariseis coeterisque Iudaeis sese non ostenderit Io.  
XIV. 22. indignitas eorum & obduratio in causa fuisse creditur; sed  
praeter ea, seruator gloriosissimum corpus phariseorum cauil-  
lationibus & calumniis exponere, & diuinam maturare vindi-  
ctam plane nolebat. Sicuti enim, dum nostrum duceret  
spiritum, eum daemonem habere dicebant; ita, cum omni ex-  
ceptione maius custodum, pro eorum partibus stantium, testi-  
monium respuerent, non iniurius ero, si eos, apparentem illis  
fer-

seruatorem umbra satanica agitari, dicturos fuisse, assererem; praefertim cum & nonnulli Christi discipuli, veritatem personae ipsius in discrimen vocauerint. Quae de causa apparitionis Christi in Galilaea LACTANTIUS dicit: (n) *profectus ergo in Galilaeam (noluit enim se Iudaeis ostendere, ne adduceret eos in poenitentiam, atque impios resanaret,) discipulis iterum congregatis, scripturae sanctae litteras id est, prophetarum arcana, patefecit; theologorum virorum virgulam vix aut omnino non possunt effugere. Tantis gestis & miraculis seruator mundi Galilaeam felicem fecit & illustrem. Paucis hoc persequetur*

### CAPVT III.

DE

## CLARITATE QVAE GALILAEAE EX REBVS CHRISTI GESTIS ET MIRACVLIS ACCESSIT.

#### CONSPECTVS.

*Concluditur, E. Galilaea clara est; simulque disquiritur cur Christus Galilaeam praetulerit Iudaeae? I. Breuis quorundam c. II. sparsim dictorum ἀνακεφαλαιώσις. II. Testimonium Christi de praerogatiuis Galilaeae, quod paulum illustratur. III. Galilaeae ob tantam felicitatem neglectam poenae. IV. Christianis hoc sit exemplo. V. Epilogus. VI.*

#### I.

**E** Acile splendor nominis Galilaei, & amplitudo ipsius regionis colligi ex dictis potest. Licet enim nimis videbatur obscura, clarum tamen nomen adepta est, quod non solum ab ea christiani Galilaei dicti sunt, sed praesertim quod Christus adeo frequenter eandem obambulauit & incoluit, *ἐν ἐκ τῶ τόπῳ λαβεῖν δόξαν βελομένης, ἀλλὰ τῷ τόπῳ δόξαν περιθεῖναι προελομένης*, non a loco gloriam mutari, sed loco studens conciliare gloriam (o). Hinc etiam Iesus

K §

(n) I. IV. c. XX.

(o) hoc de Democrito Abderam Athenis praeferente SVIDAS dicit.

ſus ſeruator noſter, contemtam Galilaeam, ſumma animi de-  
miſſione incolere maluit, quam ad coelum elatas Ierofolymas.  
Cum enim omnes molitiones ſuas a phariſaeis obſeruari, omni-  
ſcientia eius cognouiſſet; Io. IV. 1. 3. & captum eſſe Ioannem au-  
diuiſſet: Matth. IV. 12. conceſſit in Galilaeam, vt ibi degeret, Matth.  
XVII. 22. ſuiſque fungeretur officiis. Accedit, commoditas Gali-  
laeae & praefertim Capernaum non ita procul a nauigabili Gali-  
laeae mari ſitae, ex qua fama factorum miraculorumque eius ex-  
quiſitiſſe dimanare, & quaſi *deuolui* poterat. Nec de nihilo eſt,  
quod notant ſacri ſcriptores: ἐξῆλθε τὴν ἡ ἀκοή αὐτῶν εὐθύς εἰς ὅλην  
τὴν περιχώρον τῆς Γαλιλαίας, Marc. I. 28. & Luc. VII. 17. fermo  
de reſuſcitato iuvene totam Iudaeam, finitimamque regionem per-  
uaſiſſe dicitur. Tandem ardorem & impetum Iudaeorum con-  
tra ſequentem eum multitudinem vitauit; hoc pacto tamen Ga-  
lilaeam egregie illuſtrauit.

II. Et hoc quomodo non ita ſe poſſit haberi, cum ſupremum  
numen ita ſe demisit; vt ex virgine, hac oriunda regione, homo  
naſci voluerit, in ea educari, in ea agere? Statim etiam grauiſ-  
ſima a diabolo perpeſſa tentatione, vsque ad prima paſchalia  
Iudaeorum ſolennia in ea degit; Io. II. 1. 12. elapſis vero octo  
menſibus, in Iudaea muneri ſuo vendicatis, reliquos quatuor  
Galilaeae tribuit, & fere vnus & dimidii anni ſpatium, quaua  
verſum pedem gradumque contulit, benefaciendo apud Gali-  
laeos manſit. Io. IV. 3. V. 1. VII. 1. Redux tandem ex Peraea  
Io. X. 40. ad Galilaeam reuertit; Luc XIV. 25. vt ſol iuſtitiae  
diſpulſa nebula in iis regionibus diem aperirēt. Propterea tot  
laborioſas per Galilaeam peregrinandi recepit neceſſitates, & coe-  
leſtis doctrinae ſuae ſemina primum in ea ſparſit, Act. X. 37.  
Luc. XXIII. & inter Galilaeos habitauit. Matth. XVII. 22. XXI. II.  
XXVI. 69. Marc. I. 28. Tota Galilaea veluti hortus erat amoe-  
niſſimus, quem Chriſtus ſummus agricola multo ſudore & ope-  
ra parauerat, variisque coeleſtis gratiae floribus & ſanctitatis  
vitae ornamentis inſtruxerat, & miraculis exornauerat. Me-  
morabile enim, ne quae cap. II. dicta ſunt, fuſe repetam, quod  
Luc. V. 17. dicitur de quodam oppido eius: *Domini vim in ſa-  
nandis hominibus adſuiſſe.* Haec ſi quis penſitabit ſedulo, res ge-  
ſtas

has Christi Galilaeae summum attulisse decus probe intelliget.

III. Seruatorem ipsum testem faciamus, quia cuncta egregie illustrant eiusdem increpationes urbium, quibus culpa datur, quod tot eius miracula in iis essent edita, nec tamen ad frugem rediissent; Matth. XI. 20. vbi Capernaum ad coelum usque elata dicitur. Multa enim Galilaeae loca, praesertim miraculis adoperibat; Matth. IV. 16. Luc. IV. 23. iisque quae & Tyrios ac Sidonios ex scelerum gurgite potuissent extrahere, adeo, ut nulla iis amplius superesset excusatio. Io. XV. 24. Capernaum, ex eo quod Christus in ipsa, & quod verosimile est, in socrus Petri aedibus habitauit, ea vidit, Luc. X. 23. seqq. quorum desiderio multi reges & prophetae ita flagrarunt; ut promissionibus, atque cautionibus diuinis magis incitarentur ad desiderium, quam repleantur. Vnde tot suspiria, *O vtinam coelos disrumperes*: & alia. Tanta ergo Galilaeae praerogatiua fuit, quae nullius fere alius regionis ac ciuitatis. In ea ad Christum venerunt multi ex omnibus aditis prouinciis, quin ipsis Ierosolymis Iudaeorum primores, Luc. V. 17. Matth. IV. 25. Marc. III. 22. ex ea fama Christi in omnia finitima dimanauit. Marc. I. 8. Quod non decus est regioni aut ciuitati, aut alio loco, si rex aut princeps, vir doctus, aut magnus, egregium in iis factum edit? Sed quo maior Christus omnibus hominibus; quo excellentiora Christi gesta & miracula externa & interna, omniaque, quae ad salutem mortalis generis fecit aut sustinuit, splendidissimis omnium hominum factis: eo maius etiam Galilaeae decus existimandum est. Sint clarae suo aeuo Athenae, sint florentissimae totius orientalis Graeciae ecclesiae, Corinthiaca, Ephesina, Thessalonicensis, Philippensis & aliae ciuitates celebratissimae omnes! Glorietur R. Iuda de duplicatis Alexandriae sedilibus: *quod ea, qui non viderit, nunquam de vita sua viderit gloriam Israelis!* (p) Magni faciat Antiochiam Chrysostomus (q), quod ibi Christi cultores primum sint christiani vocati, asserat tantum decus non aliam ciuitatem, non Romanam

(p) vid. TENZELIUS de disciplina arcana parte posteriore pag. 196.

(q) hom. 17, ad pop. Antioch. Tom. I, p. 198.

mam ipsam posse ostentare! Hic plus est Antiochia, & reliquis regionibus praestantius! Quae regio enim aut ciuitas, si exceperis Ierosolymas, vel Bethlehem, cum quibus tamen Galilaea de praerogatiuis videtur in arena esse, hac est clarior? Quam ob rem merito de Galilaea dici posset quod Matthaeus de Bethlehemo: quam Micha V. 2. ratione situs & ambitus, aliarumque Iudaeae ciuitatum respectu, *minimam in millibus Iudae*: ille vero II. 6. a dignitate, qua, ex ibi nato Messia, est ornata, & *non omni Palaestina tantum, sed vniuerso prorsus orbe facta illustrior* dicitur Chrysostomo (r), *nequaquam minimam* vocat: & tu Galilaea nequaquam obscura, obscura visa, tibi σωτηρία ἐγένετο, Luc. XIX. 9. cum magnam illam lucem, tanquam coeca in tenebris agens, vidisti! Matth. IV. 15. 16. Et quid obstat, quo minus qui Christi nomen profiteamur, ad Iudaeorum instar, qui totam terram Canaan sanctam vocant, quod Deus eandem suam dicat: Leu. XXV. 23. omnem Galilaeam, ex hoc capite non solum, quo terrae sanctae portio est, sed id propter inprimis sanctam dicamus: quod ὁ ἔργος ἡμῶν σωθεῖς per omne fere spatium a cunis vsque ad ascensum eius eam sub pedibus calcauerit, & ea egerit, quae salutis nostrae dederunt initium. Neutiquam vero sic dictam velim ab inhaerente quadam sanctitate, quod multi, & cum his pontificiae sanctitatis cultores putant, in scriptis suis de locis sanctis, & aliis fidelium crucis secretis, vbi Iordanem & alia terrae sanctae loca sacrosancta appellare non erubescunt. Ideoque nec migrationes pontificiorum ad ea loca sunt probandae. Integrrior aliqua ex parte illa Petri migratio quam Theodoretus (r) celebrat: ἐκείθεν ἰσορίας ἐνεκα τὴν Παλαιστίνην κατέλαβεν, ἵνα πᾶς τὰ σωτηρία πάθη δεξαμένης θεασάμενος τόπος, ἐν αὐτοῖς τὸν σεσωκότα προσκυνήσῃ θεόν· ἔχ' ὡς τόπῳ περιγραφόμενον, ἡπίστρο γὰρ αὐτῷ τὸ τῆς φύσεως ἀπερίγραφον· ἀλλ' ἵνα καὶ τὰς ὀφθαλμοὺς ἐστίασῃ τῇ θεωρίᾳ τῶν ποθιμένων, καὶ μὴ μόνον τὸ τῆς ψυχῆς ὀπτικόν, διχα τῆς αἴσεως, τῆς πνευματικῆς, διὰ τῆς πίσεως ἀπολάτῃ τρυφῆς· πεφύκασι γὰρ πῶς οἱ φιλοσόφως, περὶ τινὰ διακείμενοι, ἐκ' ἀπὸ τῆς θείας αὐτῶν μόνης θυμηδίας καρπῶσαι, ἀλλὰ καὶ τὴν οἰκίαν, καὶ ἐσθῆματα, καὶ ὑπο-

(r) hom. 7. in Matthaeum.

(r) historia religiosa p. 820.

ὑποδύνασθαι μετὰ πάσης θεωρεῖν ἐν φερόμεναις. Deinde in Palaestinam visendi studio profectus est, ut conspēctis locis, in quibus salutaris passio suscepta est, Deum sospitatore in iis adoraret, non quasi loco circumscriptum; (infinitam enim naturam eius non ignorabat) sed ut oculos etiam rei adamatae contemplatione pasceret, nec sola mentis acies sine visu spiritualibus per fidem deliciis frueretur. Solent namque qui aliquem amore prosequuntur, non tantum ex aspectu ipsius laetari, sed & domum, & vestes, & calceamenta cum voluptate contemplari. Equidem nemo sincerus Christi cultor mirari & stupere se non confitebitur, si ei loca, quae tantis miraculis Christi innotuerunt, & lacum Tiberiadis, & montem Thabor, montemque illum prope Caper-naum concione Christi Matth. V. VI. seqq. celebrem, aliaque Galilaeae loca adire & aspicere contingeret. Sed mittamus haec & regnum Dei intra nos ac sanctitatem imaginis ipsius patiamur restitui, sicque expectemus coelestem Palaestinam.

IV. Sed, prohi dolor! civitates, & regiones, quo maiores & excellentiores, eo deteriores, ac facilius totas eueriti, quam ad pietatem converti (1) constat. Multa & magna beneficia Galilaeae desuper erant concessa; & in plenitudine temporis ipse filius Dei ad eam venit, sed non inuenit. Marc. XI. 13. Matth. XXI. 19. seqq. Non agnoscebant donum Dei, & quisnam fuerit, qui ad eos locutus est; Io. IV. 10. plurimos nimia ducebat curiositas, alios vltimum telum necessitas, alios impurus amor, ut ederent panem, alii ibant retro, & sermonem Christi respuebant, alii doctrinam eius de abnegatione sui & bonorum terrestrium, ducebant intolerabilem, ipsi Nazarethani ciues eiiciebant eum. Aliae ciuitates verbis eius & miraculis non gerebant morem, cum seruator brachia extenderet, non attendebant; sed cessare faciebant consilium Dei & increpationem eius nolebant. Prou. I. 24. seq. Iudicate nunc ipsi Iudaei viri, iustitiam diuinam inter vineamque hanc hortumque Christi. Profecto si non fatis constaret, Galilaeam rebus gestis, & miraculis Christi claram esse; exacte eam claram & illustrem reddere posset ineffabilis terrae contumacia; & facerent insignem grauissimae, quas eam propter dedit, poenae. Oculi, quos culpa

L

clau-

(1) Chrysoſt. hom. de orat. dom.



clauferat, vehementi poena erant aperiendi. Quemadmodum enim Galilaea doctrinam de regno Christi primum ab eo ipso accepit, Act. X. 37. Luc. XXIII. 5. ita etiam ingratae mentis poenas primum dedit. Ex quo Romani eos vicerant, & in Galilaea, oppida & vrbes quaedam latino sermone vocabantur, veluti CASTRA, nomine a castris Romanorum forsan ei adhaerente; & LEGIO, 15. miliaribus Romanis a Nazareth versus occidentem, Tiberias, & duae Caesareae Galilaeae vicinae; Iudaei vero, cum in mentem debuissent vocare Iacobi vaticinium, Gen. XLI. 10. & terrestrem potentiam abnegare, Messiae Christi vero diuinum regnum sequi, imperium Romanum multis intestinis tumultibus & seditionibus recusare audebant: Nerone adhuc imperante, primum in Galilaea pugnatum est, ancipiti quidem fortuna (u), sed Vespasiano duce, breui, tota Galilaea subiugata, & bello vastata est; vexabantur vrbes, & capiebantur Gadara, Tiberias, Iotapata, Tarichaea, Gamala, mons Tabor, & quam natura optime muniuerat, Giscala. Et quis maximo horrore non percutitur, extremam illam Iudaeorum calamitatem serio ponderans? Trepidaret calamus, quem isti quodammodo saltem depingendae sumerem. Prolixius autem omnia Iosephi habent historiae, exinde satis vehemens etiam Galilaeae poena potest cognosci. Sic veri nostri Messiae gloria quaesita, & ipse, quem Iudaei 45. dies tectum fore tradunt, post 45. annos, (quos 45. dies prophetici innuunt) euersa nempe republica Iudaica manifestatus est vt Messias (x).

V. Talis poena exsoluenda est regionibus, quae veritatis doctores non spernunt modo, sed etiam haereseos obiectis vrgent, odiisque Herodis ministrorum committunt. Lapsus igitur maiorum, sit tremor minorum, Aut enim sumus, aut fuimus, aut possumus esse, quod hic est; nec ita absimilis temporibus Christi nostrarum rerum facies. Nulla enim aetas fertilior religionis, sterilior pietatis; plurimi securi Sadducaei, multi infla-

(u) Ioseph. de bel. iud. l. II. c. 13. antiqu. l. XX. c. vlt. conf. & ebraeus Gorion, lib. VI. c. IX. seqq. (x) Relandus in Pal. l. I. c. LIV. p. m. 260.

inflati pharisei, pauci vero sinceri ac cordati Christi discipuli. Nobis igitur, qui a Christo conuocati ex gentibus, in Iudaeorum locum adoptione successimus, poenae eorum exemplum sint grauis-  
simum. Iudae 7. Hoc docet ipse seruator Galilaeorum quorundam  
itidem exemplo; Luc. XIII. 3. & omnia ista propter admonitio-  
nem nostram scripta sunt. 1. Cor. X. 11. Rom. XI. 19. *Oportet flere  
pinum, quia cecidit cedrus, & emendari emendatione vicina, & ex  
alienis malis corrigere mala sua (y).* Hinc etiam vt coelestis ille Iosephus tandem aliquando fratres suos secundum carnem reco-  
gnoscere, & esurientibus panem distringere, regnumque suum  
infinite amplificare velit cordati euangelicae veritatis propugna-  
tores in votis habent. Non gloriemur contra ramos, Rom. XI.  
18. sicut impii pharisei contra sectatores Christi Galilaeos. Non  
enim solum in eorum locum successimus; sed etiam benignitate  
diuina & ministerio Lutheri pontificiorum vinculis soluti, quam-  
obrem proxime elapso anno, ab emendata religione secularia  
solennia iterauimus: nisi vero in tanta Dei benignitate per-  
manebimus; Rom. XI. 22. diuinae veritatis fames erit in limine.  
Amos IIX. 11. Vbi est Capernaum, vbi Chorazin, vbi Bethsaida,  
vbi omnis Palaestinae decus? Plurimae ciuitates vix speciem  
tuguriorum habent, euauit omnis regionum felicitas, & destru-  
cta est, omnes praeterea incolae excisi, & quod miserrimum, con-  
tra veritatem sunt obdurati. Haec si nobiscum reputabimus,  
postulat omnino tanta Dei benignitas obsequentem ei apponi  
gratamque mentem, & secundis rebus non minus quam dubiis,  
conuiciis nempe mundi & probris, quae & Christo eiusque di-  
scipulis nomine Galilaeo, aliisque, Matth. X. 24. acciderunt, sta-  
bilem.

VI. Haec habui quae de Galilaea rebus gestis & miraculis  
Christi clara, pro virili dicerem. Quae de momentosa re leuius,  
& non satis digne dicta sunt, benignissimum Numen ita velit  
instruere, ne sine omni christianae reipublicae emolumento &  
commodo lucem aspexisse videantur publicam. Candidum le-  
ctorem vero, ea, qua par est, obseruantia rogatum volo, si

quae non aequè probe, ac decebat, amplificauerim; (in quorum excusationem magnitudinem operis, tenuesque partes meas alio lego si vero quacuis citata loca euoluere haud dedignatus sit, B. L. quae dicta sunt, multis piis meditationibus viam facient;) boni velit consulere. Fidelissimus propheta, pontifex, & rex noster Iesus Christus, ita nos conformet, vt coelestem petentes Ierosolymam, cottidie e rotunda & turbida Galilaea exeamus, & gressus nostros per Samariam Io. IV. 4. *custodiamus*; sic eo praecedente & ducente, Matth. XXVI. 32. ad coeleste Sionis castrum veniemus, omnemque terrestres Ierosolymae splendorem figuratum, & quae Moyses fecit adumbrationes, Exod XXV. 40. XXVI. 30. Act. VII. 44. Ebr. VIII. 5. IX. 2. seqq. quasque David vidit, 1. Par. XXIX. 11. 19. vno verbo, nouum coelum & terram Apoc. XXI. 1. 2. seqq. beatis oculis vere videbimus; &, qui solus dignus est, Apoc. IV. 11. Domino dicemus

## GLORIAM ET HONOREM ET POTESTATEM.



AVCTORI HVIVS DISSERTATIONIS

DOCTISSIMO

PRAESTANTISSIMO IUVENI

IOANNI MATTHAEO IUNCKERO

S. P. D.


P R A E S E S

**E**Logio aliorum non indigent,  
qui opere ipso, quales sint,  
quidue patria pariter ac ec-  
clesia de illis sperare debeat, demon-  
strant. Atque ex horum TE esse nu-  
mero, praestantissime IUNCKERE, haec  
ipsa, quae omnium oculis subiicitur,  
dissertatio neminem dubitare finit.  
Diligenter TE omnia quae ad hocce  
argumentum spectant, congefisse,  
cuncta apte disposuisse, rerumque sa-  
crarum haud vulgarem ubique prodi-  
M disse

disse notitiam, res ipsae  
 que hac ratione Ga-  
 euicisti, TE eum esse  
 liquando patriae Tuae  
 ritatem, decusque  
 disti. Qua de re mi-  
 nus dubitare licet, quod  
 cumentis constat, ni-  
 hilque antiquius esse  
 tae morumque int-  
 coniungas eruditione  
 superest, supplex ve-  
 porro prospere, & e-  
 Tibi fluere iubeat.

Ienae, Kal.

M DCCX



res ipsa loquitur. Dum-  
e Galilaeae claritatem  
n esse, qui insignem a-  
e Tuae allaturus sis cla-  
sque eximium, osten-  
re mihi quidem eo mi-  
et, quo certioribus do-  
cat, nihil Tibi prius, ni-  
s esse, quam vt cum vi-  
e integritate solidam  
ditionem. DEVM, quod  
ex veneror, vt cuncta  
, & ex animi sententia  
eat. Vale. Scribebam  
Kal. Decembr.

DCCXVIII.